

ДАГЬУСТАН РЕСПУБЛИКАЛУЛ ДУККАВРИЛ ВА ЭЛМУЛУЛ МИНИСТЕРСТВО
ПЕДАГОГИКАЛУЛ ЭЛМУ АХТТАР ДУЛЛАЛИССА А. А. ТАХО-ГОДИЛ ЦАНИЙССА
ИНСТИТУТ

П. М. Магъдиева

**АРУЛЧИНМУР КЛАССРАВУ
ЛАКРАЛ ЛИТЕРАТУРА ЛАХЪХЬАВУ**

МахIачкъала

2021

Магъдиева Пиразат Махмадовна. Арулчинмур классраву лакрал литература лахъхъаву – Махачкала: Научно-исследоват. ин-т педагогики им. Тахо-Годи, 2020. – 127с. – (Альб. Тахо-Годил цәнийсса педагогикалул элму ахттар дуллалисса ин-т), Магдиева П.М. Методика изучения лакской литературы в седьмом классе.

Издается по решению Ученого совета Дагестанского научно-исследовательского института педагогики им. А.А. Тахо-Годи (протокол №9 от 25 декабря 2020 года).

Рецензенты:

Мутаева С.Р., с.н.с. сектора родных языков ДНИИП им. Тахо-Годи

Садуллаева Р. Ш., к.ф.н. кафедры дагестанских литератур ДГПУ

Пособие раскрывает проблемы преподавания лакской литературы в 7 классе. Основное внимание уделяется специфике изучения произведений разных жанров, раскрываются методы преподавания, способствующие выполнению поставленных задач на основе психологических особенностей учащихся 7 класса. В работе даны примерные уроки преподавания произведений разных жанров.

«Арулчинмур классраву лакрал литература лахъхъаву» тәисса методикалул пособиелуву дуллуну дуссар ва классраву личи-личиесса жанрардал произведенияртту лахъхъаврил къайдарду. Мукунна дуллуну дуссар личи-личиесса жанрардал произведениярттан хас дурсса мисалдараңсса дарсру.

Учительница шиву ккаккан бувсса дарс дишаврил гъануми ххуллурдайн ва къайдардардайн чул бившуну, цанна къулай дизлазисса күцүйсса дарсру сакин дан бюхъайссар.

ЛУТТИРАВУ БУМУР

ХъхьичІмахъ.....	
I. Арулчинмур классраву лакрал литератуralул дарс дишаврил мурадруду ва масалартту.....	5
II. Халкъуннал дакІнихсса творчество лахъхъаву.....	15
III. Халкъуннал эпосрацIун бавх1усса лирический балайрду лахъхъаву.....	29
IV. Назмулий чивчусса произведенияртту лахъхъаву.....	35
VI. Арулчинмур классраву дайсса теориялул суаллал ялувсса даву.....	45
V. Арулчинмур классраву дуклакисса оърчIал дакІнихсса ва чичрулийнусса гъалгъа магъир баву.....	56
VII. Лакрал литератуralун хас дурну, классрал ва школалул къатIув дайсса давуртту.....	73
Гъ. Саэдов. «Леххаву».....	96
С. Габиев. «КъачIуннивкъай», «Айб мадари».....	100
К. Закуев. «Бюхттулнинмай».....	106
А. Къапиев. «Интуристнащалсса ихтилат» («Шаэр» тIисса повестьравасса бутIа).....	111
М. Чаринов. «Лакку кIану».....	118
М.-з. Аминов. «Бархъаллахасса балай», «Ттула гъумук шагърулий», «Аврав Маннархъал Мусай».....	123
А. Оъмаршаев. «XIухIалал балай».....	127
Н. Юсупов. «КIул акъасса солдатнаясса баллада».....	130

ХЪХЬИЧМАХЪ

Цанакулсса чүумуву, лакрал дяниву, жула щалвава билаятрай кунма, ойрус маз куртIсса мархри итабавкъуну, цIакъ хъуну бур. Мунил ойрулунсса агъамшиврия, айкиншиврия гъалгъатIунвагу айкин бакъар, мунийн циняв мукIруну бур.

Жула хъунмасса билаятрайсса циняв миллатирттал дянивсса дусшиву цIакъ дуллай ми кунначIан ку гъан буллай бур ойрус мазрал, амма мунил цукунчIав инсаннал цаламур ниттил маз хъама битан бучIиссар тIий бакъар.

Мюрщиминнан бикIу, дуклаки ойрчIан бикIу ниттил мазрайсса мукъул биян бувсса асарданул кIану ссалчIав къабугъаву – му щак бакъасса зад бур.

ОйрчIал лагма-ялтусса ойрулух буруглагаву, ойрулух кIулмур чIяву шаву хъанай бур циняргу дарсирдай: биологиялий, математикалий, физикалий. Амма вай дарсирдай цува увсса кIанттухсса чаврил асарду тарбия буллай бакъар, бакъар тарбия хъанай цаймигу личIи-личIисса дакIнил асарду.

Ойру ххуйну къакIулсса инсантуранал хасиятирттаву чIявумуния хавар бакъасса дуклаки ойрчIан литературанул лахъхын байссар геройнал вивмургу, дакIниймургу, хасият-тIабильтгу. Вай цимурца бувчIин ойрчIан кумаг байссар лакрал литературанул школарттансса программалий лахъхын ккаккан дурсса литературанул.

Литературанул дарсирай хъуннасса бургаву дайссар ойрчIал маз авадан баврих ва пасихI баврих.

Литературанул дарсирдал мурад хъанай бур дуклаки ойрчIру зунттал халкъуннал дакIнихсса творчестволул, хъхьичIарасса ва цIанасса литературанул хъинми произведенияртташал дус баву, гайннул гъанусса мяна ва художественный хасиятру лахъхын даву, литературанул теориялул хIакъираву цанна лайкъесса куццуйсса кIулшиву дулаву.

Чијуми школарттай лакку мазрал ва литературул дарсру дихълахъисса учительтурал хIарачат буллай бур багъайсса кIулшиву цала ниттил мазрая бикIу, литературалия бикIу дуклаки оърчIан дулун.

Бухъурчагу му даврихунса даҳчичру чIярусса дур, цила багъайкунсса кIулшиву оърчIангун дулун хъанай дақъар.

Бакъар школарттай гъарца аъркинмунил щаллу бувсса кабинетру, методикалуп пособияртту.

«Арулчинмур классраву лакрал литература лахъхаву» тIисса давриву хIарачат бувну буссар ва классраву дарс дишайсса учительнан кумаг бан лакрал литературул дарсру аъркинсса даражалий дишин.

I. АРУЛЧИНМУР КЛАССРАВУ ЛАКРАЛ ЛИТЕРАТУРАЛУЛ ДАРС ДИШАВРИЛ МУРАДРУ ВА МАСАЛАРТТУ

Лакрал литература, предмет хIисаврай, школалий цIана ххюлчинмур классрава байбивхьуну лахълай дур.

Литература лахъхъаврил гъанусса мурадну хъанай бур дуклаки оърчIаву оърмулувусса ххуймур тарбия бавуну.

Мунициун бавхIуну лакрал литературалул программалул личIи бувну бур оърчIру тарбия баврил ва миннан за лахъхъин баврил личIи-личIисса шачIантту.

7-чинмур классраву лахълай бур лакрал ва дагъусттнал чичултрал ва шаэртурал произведенияртту.

Ми бивхьуну бур луттираву куннил хъирив ку, лархъхъусса темарду хIисавравун ларсун. Курс байбихълай бур халкъуннал дакIнихсса творчестволул произведенияртту лахъхъаврийну. Гания гихунмай хронологиялул низамрай литературалул личIи-личIисса произведениярттугү лахълай бур.

Дарсру дишаврил гъанусса масаларттуну хъанай бур оърчIан цивппа художественный произведенияртту, литературалул тарих лахъхъин баву ва миннул гъанулий оърчIаву адав, инсан, оърмулувусса ххуймур тарбия баву.

Литература лахъхъаврийну вай масалартту щаллу баншиврул, учительнан хъуннасса ургаву дан багъайссар лахълахъисса произведениялул гъанусса мяньна дурчIин даврих. Хъуннасса агъамшиву дуссар личIи-личIисса дарс дишаврил къайдарду ишла дуллай, произведениялул хъирив лаяврил яла асар хъунми ххуллурду лякъаврилгу.

Учительнан айкинссар ялун личин дуллан лахълахъисса художественный произведениялуву тарбия аврин захIматрал цуксса агъамшиву дуссарив. ХIарачат бан айкинссар чIалачIи бан чичул захIмат ххирасса инсаннал чулухуннайсса ургаву цукунсса дуссарив, оърмулуву захIмат байнал кымат цукун бишайссарив.

Литературуалул дарсирдай хъуннасса бургаву дайссар оърчал маз авадан баврих ва пасихI баврих. Му даву щаллу шаву мурадрай, циняв классиртаву оърчал цала опытрайн чул бивщуну, школалун, обществалун мюннат бусса давривух гъуртту шавриясса, улча лахъхъаврин ва м.ц. давурттан хас дурсса темардаясса сочиненияртту, изложенияртту чичайссар.

Арулчинмур классрансса литературуалул программалийну ккаккан дурну дуссар произведениярдал шанна сияхI:

1. Чарабакъа циняв дуклаки оърчал лахъхъинсса ва ххал бигъинсса произведенияртту;
2. Классраву лахълахъисса произведениярдал темардачIан гъансса темарду дусса, ялун буккин ххи бувсса произведениярду;
3. Классрал къатIув буккинсса произведенияртту – вай произведенияртту учительнал классрал къатIувсса буккаврил дарсирдай, буккултрап конференциярдай ххал бигъайссар. Ва сияхI щуну бувсса луттиридайну авадан дангу бучIиссар.

Литературуалул дарсру бучIиссар дахIин классрал къатIув дайсса давуртташал. Ми хъанахъиссар личIи-личIисса литературуалул кружокру, луттиридайн бувсса диспутру, литературуалул вечерду, музейравун театрданул постановкардайн, кинорайн гъаву ва цала улча лахъхъаву.

Литературуалул дарсирдаясса тIалавшинна хъуннасса духъукун, учитель за кIулну, усттарну, ттизаманнул методика ишла дуллай зун аъркинссар.

Дарс дишаврил устталугърал гъанусса щаращину цуппа оърму, школалий дарс дишаврил практика хъанахъиссар. Гъарца кыни школалий дарсру дихълахъаврил учительнан цанма къулайми ххуллурду лахъхъин кумаг байссар.

Учительнахъ хъунмасса бияла буссар оърчаву ххуйми асарду тарбия баврил.

Оърму ххуйну къакIулсса, инсантуран хасиятирттаву чIявумуния хавар бакъасса дуклаки оърчIан литературанул лахъхин байссар геройнал вивмургу, хасият-тIабиальтгу.

Вай цимурца бувчIин оърчIан кумаг байссар лакрал литературанул программалий лахъхин ккаккан бувсса произведениярдал – учительнал каялувшиврийну.

Литературанул дарсирдай хъуннасса бургаву дайссар оърчIал маз авадан ва пасихI баврих, дарсирдал мурадну хъанахъиссар дуклаки оърчIру халкъуннал дакIнихсса творчестволущал, хъхьичIвасса ва цIанасса литературанул хъинми произведенияртташал дус баву, гайннул гъанусса мяъна ва художественный хасиятру лахъхин даву, литературанул теориялул хIакъираву цанна лайкъесса күццуйсса кIулшиву дулаву.

ОърчIру дуккин бавтиву ва тарбия бавтиву лакрал литературанул цинма хасъесса бияла барт бигъиншиврул, чара бакъа айкинссар дуккаврил план, программа, мунил хъхьичI бивхъусса масаларттаха лавхъхъусса бикIан. Му бакъассагу лакрал литература дишайсса учительнахъхун булун айкинссар литературанул ва педагогикалул элмурдай гъану бивзун, учительтуран хъхьичIунсса опытрайн чул бивщуну сакин бувсса методикалул пособие.

ЧIявуми школарттай лакку мазрал ва литературанул дарсрудихълахъисса учительтуран хIарачат буллай бур багъайсса кIулшиву ниттил мазрая бикIу, литературалия бикIу дуклаки оърчIан дулун, бухъурчагу школалий вай дарсру лахъхъаврил даража, учин бюхъанссар, уттигу ялавайну бур куну.

Ванин сававрттугу дур: школарттай биялну луттирду бакъашиву, дарс дишин бюхъайсса кIулшиву ва хIадуршинна дусса учительтал бакъашиву, цаппарасса каялувшиву дуллалиминнал ва халкъуннал образованиелул зузалтран ниттил мазрал ва литературанул дарсирдан

агъамшиву къадуллалаву, учительтуран кумагрансса лакрал литератуralул методикалул пособияртту бакъашиву.

Литература лахъхъаврил даву лайкъесса даражалий дишавриву ца хъинну агъамсса кІану бугълагъискар методикалул.

Методикалул мурад, дарс дишаврил яла къулаймур ххуллу ахттар бувну, лакрал литератуralул дарсру дихълахъисса учительнан кумаг бавур.

Арулчинмур классраву литература лахъхъаврийну оърчIру кІулшайссар чIявусса произведенияртташал, минул оърчIан тПайлану пикри буллан лахъхъин байссар ва гъалгъа магъир байссар. Учительнал оърчIан кумаг байссар цала бувккумур бувчIин ва бувчIумуниясса цала пикри бусан. Му бакъассагу учительнал хъхъичI бавцIсса масалану хъанахъискар оърчIан лахълахъисса произведениярттацIун дархIуну литератуralул теориялуюсса кІулшиву дулаву.

БачIва дурккусса текстрал мурад бусаврийну ва гъалгъа магъир баврил ялувсса давурттайну учительнал цала хъхъичI бавцIсса масалартту щаллу къабантIискар.

Лахълахъисса произведениялул оърчIан асар биян бан аyrкинссар гъарца чулуха, гъалгъа магъир баву бакъа, авадан дан аyrкинссар миннал мукъурттил луртан.

1. Литератуralул произведение лахъхъайнни мунил ялув дайсса давурттал низам

Гъарца художественный произведение – му цIусса дуниялли, цIусса оърмур. ОърчIан багълагъискар га дурчIин лахъхъин, цанчиrча га цIусса асардал, цIусса хъунабакъавурттал дуниял дунутIий. Укун бухъувкун, учительнал бурж гъарца дуклаки оърчIал чичущалсса хъунабакъаву яргсса, авадансса, дакIний личIансса хъун давур.

Произведение лахълай байбишиннинсса хъхъичIмукъуйну учительнал оърчIру га бувчIаврин хIадур байссар ва ганих гъира бутайссар.

Вступительный мукъул (хъхьичІмукъул) хъун-чИвишиву, ганил методика дикІайсса произведениялул хасиятрах, оърчІал оърмулух бурувгуссар.

Учительнал хъхьичІмахъ бикІан аъркинссар кутІасса, оърчІан ххуй бизансса ва гайннан дакІний личІансса. ОърчІан учительнал бувсмур дакІний битан кумаг бантІиссар учительнал доскалий чирчусса цала бувккумунил пландалул, чичултрап, произведениярдал геройтурал цІардал, ми чивчусса чІун чІалачІи даврил, цІуну лахълахъисса мукъуртил.

Дарсирай гъартану ишла дуллан аъркинссар чІалачІи пособияртту, художниктурал дурсса, лахълахъисса произведениялул темардачІан гъансса куннасса суратру. Масала, М. МахІаммадовлул «Ккуллалул цІалцІи» тІисса назму лахълан хъхьичІ учительнал оърчІру кІул байссар буттал кІанттул цІаниссса дяъвилул чІумалсса халкъуннал оърмулущал. Бусайссар дяъвилуву жула чулуха 20 миллион инсантурал ливтІушиву, жула билаятрайсса гъарца шагърулий ва шяраву дяъвилий жанну дуллусса талаталтран хасъсса гъайкаллу дацІан дурну душиву. Бусайссар мукунма шяравату жула Ватан дуруччин лавгун, дяъвилул майданнайва ливчІминная, шаппай дяъвилий ккуллардал щавурду дурну бувкІминная. Ва «Ккуллалул цІалцІи» тІисса назмулевугу бувсун бушиву кІия дусная – ца дяъвилийва ливчІсса, цагу ккуллалул цІалцІущал аърщарай яхъанахъисса. Ва паракъатну иттай акъар кІира кьюулул – ца дуснацІа шаврил, цагу цала базурдавусса ккуллалул цІалцІул.

Укунсса жуralул бусавуртту, темардах бурувгун, дан бучІиссар личІи-личІисса назмурду, хаварду, поэмарду лахълан хъхьичІ.

2. Учительнал ва оърчІал буккаву

Программалий лахъхъин қкаккан бувсса цинявгу произведенияртту оърчІал бувккуну бикІан аъркинссар.

Хъирив лаллан бивкІукун чІалай бур оърчІал цайнува цала бувккусса произведенияртту, чІявлуну, миннан щаллуну бувчІуну къабикІайшиву,

классраву пасихІну бувккусса произведенияртту тІурча, оърчІан ххуйну бувчІайшиву, мунияту учительнан хІарачат бан а yrкинссар лахълахъисса произведение бюхъавай классраву буккин, агар произведение хъунмасса бухъурча, ганил гъануми бутІри. Буккаву дайссар цала учительнал, хъхъичІва буккин хІадур бувсса оърчІру бухъурча, бучІисссар миннахъ буккин бангу. Чіявлуну учительтурад цІусса произведениялул бутІри оърчІахъ цахъва буккин буллан икІан, мукунсса буккаврия я вичІи дирхъунан, я цанма бу клакиманан хайр бакъассар.

Тайллану, пасихІну буккаврил бюхъу оърчІаву ялавайми классиртаву сакин хъуну бикІан а yrкинссар. Агарда а рулчинмур классраву дуклакисса оърчІаша цила багъайкун буккаву дан бюхълай акъахъурча, дакІний битан а yrкинссар 5-10 минутрай, нюжмардий цал-кІила дарсирай буккин аврийну ганан кумаг бан къашайшиву, оърчІал буккаврил ялув бацІан а yrкинссар шаппами, му чіявлусса буклай икІан а yrкинссар цайнува цувагу. Лахълахъисса произведение пасихІну буккин, буклай унува вив итабакъин бюхъаврил хъуннасса агъамшиву дуссар произведениялул гъанусса мяъна дурчІаврин ва ганил хъирив лаяврин. А рулчинмур классраву дуклакисса оърчІан кІулну бикІан а yrкинссар предложениялувусса а yrкинсса махъ чІунийну личІи бан, пасихІну буккин, буккаву произведениялул журалух, хасиятрах бурувгун дан, ми аглан хъун а yrкинсса кІанай къавхъуну, махъру бувчІинну къабуклай, цаппара махъру гайминнаяр лахъну, анаварну бу клакини – гай тайллабацІан буллан а yrкинссар. ПасихІну буккин лахъхъин баврил ялувсса даву дайссар анализрайн чул бивщуну, ганицІун дархІуну.

3. Мукъуртищалсса даву

А рулчинмур классраву оърчІал лахъхъайсса личІи-личІисса журалул произведенияртту мазрал чулуха авадансса бур. Вай произведениярттайн чул бивщуну, учительнангу багълай бур дуклаки оърчІал маз магъир бан,

мукъурттил луртан авадан дан. Мунияту, чалачисса зат бур мукъурттил ялувсса даву учительнан гъарцагу дарсирай дуллан айкиншиву.

Маз миллатрал аваданшивуну хъанай бур. Мазрал ур инсан щаллу увну, му бур инсаннал күнтихъисса агъанмур ярагъ. Ванин бувну, школалий бикіу, кулпатраву бикіу мазрал, ихтилатрал чулухунмай хъуннасса аякъа диклан айкинни.

Лавай кіеці лавгесса күццуй, литературуалул дарс дишайсса учительнал хъхычі бавцисса агъамсса масалану хъанай бур ойрчлан цила багъайқун тайллану, пасихіну, бувчинну гъалгъа бан лахъхын баву, гайннал пикри курті баву, мукъурттил луртан авадан даву. Ва бакъассагу, ниттил маз хъанай бур цинявгу дарсру дишин айкинсса ярагъну. Муниятур ойрчлан гъалгъа магъир баврил ишираха мудан зун айкинсса. Амма ва чулухунмайсса ургъил жула учительтуал хъинну чансса бур. Ойрчлан гъалгъа магъир бансса, мукъурттил луртан авадан дансса давуртту диялсса дакъар. Даймургу – кіива ягу шанма махъ дакіних бувчин баврийну гъашиву дай.

Гъалгъа магъир баврил ишираву дуссар личі-личісса давуртту: мукъуртищалсса даву ва куннициун ку бавхісса махъру бусса гъалгъалушалсса даву ва мукунма цаймигу.

Лакрал литературуалул дарсирай мукъуртищалсса даву дайссар личі-личінү:

1) Мукъурттил луртан авадан даву, яни ойрчлан хъхычілава къакіулну бивкісса махъру лахъхыву, мукъурттил ціусса мяънарду кіул даву;

2) Хъхычіва кіулсса мукъурттил мяънарду куртіну кіул даву, синонимирттал ва омонимирттал дянивсса тапаватшиву кіул даву;

3) Буллалисса ихтилатраву махъ ишла баву;

4) Литературный мазраву бакъасса цала лугъатрай ишла буллалисса махъру гъалгъалува буккан баву.

Оърчал мукъурттил луртан авадан дуллалисса щаращивну хъанахъискар художественный произведениярду. Произведениялул анализ дуллалисса чўумал, учительнал аъркинссар оърчиру кўул бан литератуralул терминнащал. Агарда терминну оърчлан къакIулну бухъурча, ганил анализ, мяъна, мурад бувчIин захIматссар.

Цалчин учительнал оърчиру литератуralул терминнащал кўул байссар. Ва даву дайни оърчищацал учительнал геройнал сипат ккаккан дан чичул ишла дурсса къайдарду ххал дигъайссар:

- а) геройнан цанма хасъесса ихтилат, маз ккаккан баву;
- б) авторнал цала чулухасса пикри бусаву;
- в) геройнал сурат щаллу даву;
- г) лашсан баву ишла даву;
- д) геройнал цаява цала буллалисса ихтилатрайну;
- е) тIабиасть ккаккан даврийну.

Ва даву дурну махъ, учительнал бучIискар лахълахъисса произведениялул мазрал анализ дан, ккаккан бан мазрал цукунсса кIану бугълай буссарив геройнал сурат ккаккан давриву.

Ва даву дурну махъ, учительнал бучIискар лахълахъисса произведениялул мазрал анализ дан, ккаккан бан мазрал цукунсса кIану бугълай буссарив геройнал сурат ккаккан давриву.

Дарсиайн xIадур хъанахъийни учительнал личIи байссар словарьданий чичинсса махъру. Масала, «Хан Муртазааъли» тIисса лахъи балайлуву хъунабакълай бур захIматсса махъру: жазаирду, байрахъру, шагъ-къирман, симирдарал нину, тавruz, къизил баш, гада. Бюхъайссар оърчлан кIай мукъурттивасса махъру кIулну бикIангу, бухъурчагу махъру бувчIин бувну, кIайннун синонимру лякъин бучIискар.

Произведениялуву махъру, миннушталсса даву мунил гъанусса мяъналуцIун дархIуну дур. Махъру биялну ва куртIину бувчIин баврин кумаг байссар текстревусса предложениярттал, цанчирча махъру

куннищал ку бавхIусса текстравур миннул зунххими ва кутIами мяньарду цила багъайсса куццуй аьч шайсса.

Методикалуvu махъру бувчIин баврил жура-журасса къайдарду дур: суратрайну, мукъурттийну, антонимирттал, синонимирттал кумаграйну.

Синонимru (гъансса мяньарду дусса махъру) цачIу бивхъуну бувчIин баву хъанахъиссар яла чIяруну, сайки гъарца чIумал ишла дан бюхъайсса къайдану. Щусса мукъуцIун гъансса мяньна дусса махъру ляхълай оърчIал ганил мяньна кIул дайссар. Масала, сумала хъу – ттирхIусса хъу, васият – аманат, ливас – лаххия, лажин – симан, сичча – нетIа, буллугъшиву – аваданшиву, ахIвал бушиву, питна – дяъви, къалмакъал, талатаву – бияву.

Синонимru гъансса мяньарду дусса махъру бунугу, гайннул дяниву личIишиву дуссар. Ванин бувну, учительнал мурад бикIан айкинссар, мюрш ивкIун, мукъурттил мяньардал личIишивуртту ЧалачIи дансса.

Антонимru – куннин ку къаршиSSA мяньна дусса махъур. Гай ишла байссар гъалгъалуву къаршиSSA зад ккаккан дан:

Масала,

Ссут айтIун диркIунни,
Баргъ хъян бивкIунни,
ЧапIимур бат хъунни,
Айну лавгунни.

Увччуунан ккашилчув къакIулссар.
Къадарну яшаяр виричууну ивкIуну хъинссар.

Антонимирттащалssa давривух оърчIру гъира буну хIала буххайссар. БучIиссар mi антонимru бусса предложенияртту сакин дуллали бангу.

Гъалгъа магъир бавриву хъунмасса кIану бугълагъиссар фразеологизмардал учаларттал, лашан бавурттал, чIяру мяньна дусса мукъурттил ва омонимирттал. Вай кIицI лавгесса маз пасихI бай махъру калимаррту оърчIан художественный произведениярттаву мудангу хъуна дакълантиссар, муниятu вай мукъурттищал цила багъайкунсса даву дачин дан айкинссар.

Гъалгъа магъир бан, кунния ку буцан бан къашайсса мукъурттийн фразеологизмарду учайссар. Масала, арцул кару, неъматрал урцIи, ненттабакI тIивтIусса, бакI магъулун щусса ва мукунма цаймигу. Шивунма буххайссар учаларду ва бусаларду.

Мунихлуну художественный текстирдаву хъунадакъайсса калимарду (фразеологизмарду) дурчIин дан аyrкинссар гайннул анализ дурну. Давурттал дуссар личIи-личIисса жуарарду. Масала, гай лув кIицI ларгсса калимарттал мяньна дурчIин дара: акъа чара бакъу, лялух мухIлу дахIин, дакI мяш хъунну.

Лув кIицI ларгсса калимарттан синонимру лякъин:

ДакIнил хIалимшиву –
Ччурччу дикIуйн цIу бичаву –
Лякъа дан –
БутIа бакъа дустал –
Бушкъаправа уккан –

Лув кIицI ларгсса калимартташал предложениярду сакин дара:

Бюрххул дакI, хIакъесса зам, лажин кIяласса, ненттабакI тIивтIусса, ормуулул уччин, багъа бакъасса.

ОърчIал маз магъир бавриву хъуннасса агъамшиву дуссар учаларттал ва бусалартталгу. Учаларттал маз пасихI байссар, пикри куртI байссар, байсса ихтилат кутIану, аьщуйн щуну буллали шайссар.

Арулчинмур классраву лакрал литература лахъхаву дайдишайссар лахъи балайрдая. Вай бур хъхьичІавасса халкъуннал оърмулуву, тарихраву хънай бивкІмур чІалачІи буллалисса, оърмулул иширттацІун бавхІусса балайрду. Лахъи балайрдащал оърчІру кІул хъуну бивкІссар ряххулчинмур классравугу, бухъурчагу цІунилгу оърчІаштал тикрал байссар лахъи балайрдая кІулмур. Бусайссар оърчІахъ чичрулийнусса литература хІасул хъуннин лакрал халкъуннал цала пикри, багъу-бизулул чулухунмайсса, лагма-ялттумунихсса бургаву ккаккан дурну душиву дакІниҳсса творчестволуву. Бусайссар дакІниҳсса творчестволувугу хъунмасса кІану бугълай бушиву балайрдал. Балайрдавасса чІявумий бушиву мукунма оърмулуву хънай бивкІssa личІи-личІисса иширттан хас бувну ляхъан бувсса лахъи балайрдугу.

Дуклаки оърчІру кІул бан аркинссар хъхьичІазаманнул оърмулул сурат хъхьичІ дацІан дуллалисса фольклорданул произведениярдал агъамшиврушал ва ми произведениярдан оъруснال ва цайми миллатирттал критиктурал бивщусса кыматращал.

Литературалул критик Н. Капиева дагъусттннал халкъуннал дакІниҳсса творчестволул аваданшиврия ва мунил личІи-личІисса жанрардая укун чичлай бур: «Ттуршрахъул шиннардил мутталий хІасул хънай диркІssa дакІниҳсса творчестволувун бухлай бур циняв жуардал балайрду. ЧІявусса бур халкъуннал оърмулуву тарихраву хънай бивкІмур аylту буллалисса эпический балайрду, хъунмасса кІану бугълай бур фольклордануву мазрал ва мурадрал чулуха бюхттулсса кымат бишун бучІисса вирттаврахасса балладардал, лирический балайрдал, аъдатрацІун бавхІусса ва оърчІан хас бувсса балайрдал. Дагъусттннал халкъуннал дакІниҳсса творчестволул произведенияртту чІявуми қунниха ку лавхъхъусса бур. Му бувчиң бигъар, ҹанчирча миннал оърмулул ххуллу, багъу-бизу, дин, аъдат-эбадатру чІяруми лархъхъусса диркІун тИй. Лашаву

духъурчагу, Дагъусттннал халкъуннал дакІнихсса творчестволул дур гъарца миллатран так цанна хасъсса ляличИшиву»¹.

Лакрал халкъуннал ляхъан бувсса вирттаврахасса тарихрацIун бавхIусса балайрдаву, дагъусттннал цайми халкъуннал балайрдаву кунма, вирттаврал дурсса виричушивурту хъинну бюхттул дурну дур, миннун халкъуннал хъунмасса кымат бивщуну бур. Амма лакрал бур цайми миллатирттал балайрдаву бакъасса лакрал цала вирттал, цайминначIа бакъасса хIалтIухъантурягуттаса балайрду, оърчIал балайрду ва хъярччи балайрду.

Вай жучIанма бивсса хъхьичIазаманнул произведениярттах бурувгун, лакрал литературалул дарс дихълахъисса учительтураща бюхъантIискар дуклаки оърчIру кIул бан хъхьичIавасса жула халкъуннал оърмулущал.

Учительнал айкинссар бувчIин бан оърчIан цайми миллатирттал халкъуннал оърму кунма, лакрал халкъуннал оърмугу историялул лахъишиврий захIматсса бивкIшиву, гай захIматшивурттайн къарши бувккун, гайннуяр ххувшаву мурадрай талатисса виртталгу халкъуннал дянива буклай бивкIшиву. Бусан айкинссар оърчIахъ хъхьичIазаманная жучIанма бивмунил бувчIин буллай бушиву ччянивагу жула зунттал халкъуннал дяниву хIала-гъурттушиву цащала цалла дакъассагу, оъруснال, гуржиял ва цаймигу миллатирттал халкъуннашалгу диркIшиву. Амма мунияр махъ, мангъулнал, туркнал, ираннал чапхунчийтал дагъусттннал халкъуннайн дяъвирдайн ххяхлай, зулмукаршиврийну цанма ччимур цIакъ буллай, шикку ялапар хъанахъисса халкъуннаща тархъаншиву зехлай, миннال сакин дурмур зия дуллай, миннавусса ххуймур бугъ дан хIарачат буллай ттуршрахъул шинну ларгссар. КIулсса зад бур, мукунсса

¹ Песни народов Дагестана. Сов. писатель, 1970. Вступительная статья Капиевой Н.

тагъарданий яхъанахъисса зунттал халкъуннал я маз, я культура хъхьичIуннай хъанай къадиркIссар.

Я чил билаятирттал чапхунчituraща, я кIанттул хан-багтураща, куртIсса мяньналул ва гужсса асардал видурцIусса дакIнихсса творчество лещан дан къабювхъуну бур. Ми халкъуннал ляхъян бувсса произведениярдал барашин дуллай бур жула зунттал халкъуннал история хъунмасса бушиврун ва миннал цала искусство чиянияцIара сакин дуллай бивкIшиврун.

ЛичIи-личIисса мазру ва миллатру бусса дагъусттаннай инсантурал орму ва къадарду ца лашаврин бувну ва миннал дянивсса уссушиврийсса дусшиврийн ва хIалагъурттушиврийн бувну, дакIнихсса творчестволул произведенияртту чIявумий лавхъхъусса бур. Ми произведениярдал цIарду лархъхъусса дур, миву цава ца виричувная гъалгъа тIий бур, так ми чивчунау бур дагъусттаннал миллатирттал личIи-личIисса мазурдий. Балайчитурал цанма ххуй бивзсса чIаххувсса миллатрал мазурдийсса балайрду цала ниттил мазрайн таржума буллай бивкIун бур. Мунияту яруссанначIа, лакрачIа, даргиячIа хъунабакълай бур Хучбардуясса, Гъумучири орчIаясса ва Азайнин душниясса, Камаллул Баширдуясса, удаман Альиясса лахъи балайрду. «Агар вай балайрдаву гъарца миллатрал мазрай чивчумунил так цанна хасъесса лишан къадиркIссания, гай гъарцагу балай хъхьичIва-хъхьичI цумур мазрай чивчунау бивкIссарив кIул бан къабюхъанссия»¹, – тIий чичлай ур фольклорист Х.М. Халилов.

Лакрал лахъи балайрду сакин буллалаву, чIалачIиссаксса, чиянира дайдирхъуну дур. Ми сакин баврин сававрдунугу, чIявуну, халкъуннал виваллил ва къатIаллил душмантуращалсса талатавуртту хъанай диркIун дур.

Ххюттуршунния лирчусса шиннардил мутталий лакрачIа яхъуну бур дунияллийх цIа дуркссса аырчча Тимурдул аыралуннащал талатаву дурсса

¹ Халилов Х.М. «Лакский песенний фольклор». Махачкала, 1995 г., стр. 73.

лакрал вирттаврал кьюкъул бакIчийну бивkИсса ПартIу ПатIимаясса лахъи балай, яхъуну бур мукунма арулчинмур классраву лакрал литератуralул дарсирай лахъхайсса XVIII ттуршукулий цала тархъаншиврул щаний, лакрал халкъуннал къажарнал аяралуннащал дуллай бивkИсса талапатавурттайсс «Хан-Муртазааыли» тIисса балай. ОърчIал арулчинмур классраву лахъхинтIий бур «Багъадур Аьли», «БурхIай Изажа» тIисса лахъи балайрду.

Лахъи балайрдащал бакъассагу арулчинмур классрал оърчIру лакрал литератуralул дарсирайдай кIул хъунтIий бур халкъуннал эпосрацIун бавхIусса лирический балайрдащал. Ми балайрдаву яргну чIалачIи бувну бур инсантуral щугълурду, пикрирду. Миву буслай бур захIматрал агъулданул къарцинсса оърмулуяту, миннува баллай бур тархъансса талихIрал оърмулул цIанийсс талатаврин гъаз хъияра тIисса леххаврил чIурдугу.

Халкъуннал оърмулевасса яла захIматми чIуннал бусала буллалисса историялул памятникуру жула халкъунначIа бюхттулсса хIурматрай бур эпический балайрду.

Мий балайрдаву халкъуннал ялун дурксса къини виртталну лахълахъимиину ккаккан бувну бур зунттал арамтал ва хъами»¹, – тIий чичлай ур Дагъусттаннал халкъуннал шаэр Ю. Хаппалаев.

Тининнингу кIицI лавгssa куццуй, жула лакрал хъхъичIава ляхъан бувсса балайрду шанма бутIуйх бачIин бюхълай бур. Мий балайрдал куннил-кунниясса личIишиву, миннул хасият оърчIан дурчIин дан учительнан кумаг бантIиссар яларай ришлашисса, лакрал фольклордануха зузисса аylimчу X. Халиловлул ми балайрдал жуардаясса бувчIин баврил. Халилов X. Чичлай ур: «Халкъуннал оърмулеву, тарихраву хъанай бивkИмур айлтту хъуну бур балайрдаву. Элмийну ми балайрдан укунсса

¹ Лакрал халкъуннал магъри. БавтIиссар Пашаев М.-Х. МахIачкъала, Даг.кн.изд-во, 1977. С. 21.

аьмесса царду дур: аьдатирттацун бавхусса балайрду, эпический балайрду, лирический балайрду.

Аьдатирттацун бавхусса балайрду учайссар хъатул аьдатру дуллалини ва мукунна цаймигу аьдатру дуллалини учайсса балайрдайн.

Лирический балайрду учайссар эшкъи-ччаврил, кулпатрахасса, багъу-бизулияssa, халтухъантуралхасса, тарихийсса балайрдайн ва балладардайн.

Виртаврахасса, тарихийсса балайрдаву хъанахъимур циняв агъалинан аьмесса бур. Укунсса балайрдавусса инсантал Буттал къанттул тархъаншиврул цайми-цаймигу циняв халкъуннан аьмесса иширттал цаний талай бур.

Лакрал ляхъан бувсса виртаврахасса, тарихисса балайрдаву, дагъусттаннал цайми халкъуннал балайрдаву кунма, виртаврал дурсса, дуллалисса даву хъинну ларай дурну ккаккан дурну дур. Мукунсса вирттал бур ПартIу ПатIима, Муртазааъли, Къайдар ва цаймигу. Вай виртавраву жям дурну, ккаккан дурну дур халкъуннал къирият, аькълу, гъунар. Ватандалухсса ччаву, оърму ххириашиву, цала Буттал къанттул тархъаншиврухлу жан дулун хадуршиву.

Вай балайрдаву иш бюхъавай хъусса куццуй ккаккан бувну бур. Шиву бусаву ца ишириая, ца тарихравун агъсса инсанная бур.

XIX ттуршукулий ляхъан бувсса балайрдавусса инсантал мяижаннугу оърмулуву бивкIесса инсантал бур. Вай балайрдаву ккаккан дурну дур паччахIнал аьралуннайн къаршину, цала Ватан ядуллай зунттал халкъуннал дурсса виричушивуртту. Амма шарильт ва мюридизм гужсса чумал ляхъан бувсса вай балайрдаву жунма чалай бур диндалул мадарасса асаддугу. Цаппара хъанахъимунин къатIайллану кымат бишавугу дур шиву. Амма вай балайрдаву гъанумур пикри бурган бувну бур тархъаншиврул, узданшиврул цанийсса талатавриясса бусаврих.

Шиву Ватандалул щанийсса зунттал халкъуннал дяъви бусравну ккаккан бувну бур. Ва дяъви тайласса дяъвину чалай бур зунттал халкъуннан, мунихлуну цала къириятгу виричушивугу ккаккан дурну дур»¹.

Арулчинмур классраву лакрал литератураул дарсирай хъхьичІва-хъхьичІ лахълахъисса произведенияну хъанай бур «Хан-Муртазааыли» тісса лахъи балай. Балай лахъхаву дайдихълахъиссар дуккаврил шин дайдирхъуну кІилчинмур дарсирай. Цалчинмур, байбихъулул дарс, учительнал хас дарча ххуйну хъунтіссар оърчіал гъинтнил мутталий бувккумур ххал бигъаврин ва щусса дуккаврил шинал оърчіал цала лахъхинмунищал кіул баврин.

Балай лахълан хъхьичІ оърчіахъ бусайссар XVII ттуршукулул дайдихъулий дагъусттаннал халкъуннал цала тархъаншиврул щаний дуллай бивкісса талатавурттая. Бусайссар мукунма къажар Надир-шагънащалсса зунттал халкъуннал талатавриясса балайрду щанакіулгу яхъуну бушиву лакрал, яруссаннал ва даргиял халкъунначіа ва лакралгу, яруссанналгу лахъи балайрду хъинну кунничіан ку гъансса бушиву.

Балай лахъланнин бувчін байссар оърчіан, ва ляхъан баврин савав хъушиву къажар Надир-шагъ цала аяралуннащал шамулчингу Дагъусттаннайн ххяххаву. Х.М. Халиловлул чичлачимунийн бувну: «Гъарца чіумал мунайн къаршину буккайсса бивкіун бур зунттал халкъ 1739-ку шинал Закаталлайсса Джардал-Белоканнал жяматру гъаз хъуну, Надир-шагънал уссу Ибрагъим-хан ивкіуну ур. Уссихлу кыисас ласунна тіий, му 1741-ку шинал Дагъусттаннал халкъуннайн къаршину увккун ур. Мунал ойттух къанихшиву хіат-хісов дақъасса диркіун дур. Уттинин ливчіун бур мунал «шагъ-къирман» (шагънал ччар) дуллай ивкісса күцүясса бусала. Мюрщисса оърчіашал хъами, ттараціун буккан бувну, дучрах ккуччу бувну бивкіун бур. Гъулудав, Ахттав 1742-ку шинал му

¹ Халилов Х.М. «Лакский песенный фольклор», Махачкала, 1959. С. 73.

лакрал зунтавун авчуну ур. Чулахъ Сурхайл анаварну бавтІсса аяралуннаща чіявусса шагынал аяралуннайн данди бацІан къавхъуну бур. Цала арс – Муртазааълихъ цала бурттигъалтрашал Айндалаллал тихун насу, куну, Чулахъ Сурхайл Надир шагынал аяраллу бацІан буллай ивкІун ур, арсан тихун гъансса тагъар сакин дуллай. Амма лагма рургъуну бухъукун, цанма канийн гъан багъну бур. Шагъ кІилчинмур кыни Муртазааълил бурттигъалтрап хъирив авчуну ур.

Ттурчиял зунттуйн душман ивукун, мунайн данди буккан хІадур хъуну диркІун дур лакрал, яруссаннал, даргиял ва цайминнал кьюкъри. Хъхувай къажарнал дучри канаки буллалисса кІанайн къюлтІну гъан хъуну, къаралгу къатІ бувну, дучри лихъян бувну бур. Хъхувай, къакІулсса кІанттурдай хъирив агъан шагъ нигъа увсун ур.

КІюрххил цачІун хъусса Дагъусттанныл кьюкъри къажарнайн ххярххун дур. Душманнан цивппа чіявусса бушиву ккаккан башиврол хъаниил арамтураш янна ларххун дур ва зунттал хъачІунттайх чарттал чІюйрду бувну бур. Гай архния аяралуннал кьюкъраха лавхъхъуну бивкІун бур.

Муртазааълил бурттигъалтрап Надир-шагынал гъануми аяраллу лихълахъи бувну бур. Ираннал аяраллу ццаххандарал хъуну лихълан бивкІун бур. Гай лихъян бувну бур ДербентуллачІан бияннин»¹.

Укунсса ихтилат бувну махъ, балайлуусса оърчІан букъавчайсса мукъурттищалсса даву дайссар. Балайлул текст дуккайссар хъхъичІ учительнал яла дуккин байссар ххуйну буккайми оърчІахъ. Балайлуву бур куннашал куннал буллалисса ихтилатругу. Ми кІанттурду рольлайх бавчІуну буккин баш бучІиссар. Масала, Сурхай-ханнал ва Надир-шагынал, Сурхай-ханнал ва Муртазааълил, Муртазааълил ва Надир-шагынал дянивсса ихтилатру. ОърчІан бувчІумур суаллайну цАкъ байссар. Дарсирал ахирданий оърчІан зунттал халкъуннал чил билаятирттал

¹ Халилов Х.М. Партии Патима. Махлачкъала, Дағъучпедгиз, 1972. С. 31.

чапхунчituраящалсса талатавурттай ци кIулну бурив цууххайссар. Шаппа хъуниминнахь ми талатавурттай кIулмур цууххин маслихIат байссар.

Хъиривмур дарс балайлул анализран ишла дайссар.

Балай ххалбигълагыни оьрчIал я бурган бан аьркинссар мунил мурад лябуклакисса куццух. Балай байбихълай бур дунияллул заллу хъунна тIий, Надир-шагънал талатавурттайн дурсса хIадуршиннарайн рихшант дуллалисса кунма:

ИстПамлив гъан бувну, ттуупру бан бувну,
Мисрилиг гъан бувну, турду дан дурну,
БакIъялавай битай жазаирдащал
МицIру мусил бавкъу байрахъирттащал,
Найнугу авчури къажар Надир-шагъ,
Шагъкъирман данна тIий мюрзи щархъаву
Канийн ласунна тIий Гъумук Сурхай-хан.

Ганияр гихунмайсса ишру анаварну баххана хъанай бур. Балайлуву Надир-шагънал лакрал аьрщарайн ияннинсса ххуллу ва лаккуйн ивну маxъ ганал щархъай бувсса зулмурду чIалачIи бувну бур.

Гай авгъаннал аьрал щархъайх бавчуна,
Шагъ къирман дуруна мюрзи щархъавух,
Цашалами аьрал ялун бавкъуну,
Канийнгу лавсuna Гъумук Сурхай-хан.

Балайлул дуклаки оьрчIру цал шагънал аьралунначIан яла зунттал вирттаврал кьюкълучIан буцлай бур.

Надир-шагъ чIявусса аьралуннащал, хъунмасса гужирдащал цанил хъирив ца шагъурду, щархъурду ласлай авчукун, Сурхай гъанавиххи хъуну, шагънал канийн лавгун ур. Му чIумал мунал арс Муртазааиль Ссугърахъ дагъусттаннал вирттаврал кьюкъри хIадур дурну, душманнайн иян хIадур хъуну ур. Муртазааиль кьюкълюя балайлуву укун чичлай бур:

Цаппара хIал хъуну, манзил лавгукун,

Ца кьюкъа дурккуна та Ссугъращату.

Найнугу дарчуну му чара кьюкъа,

Ялув ссавнияту паранну кунна.

Му кьюкъул циняннал ярагъ ца бия,

Му кьюкъул циняннал дучри ца бия,

Кьюкъул бакIчинал чу ойрасса бия.

Ялавай чIалачи дурну дур шагынал айралуннал ва зунттал кьюкъул дянивсса талатаврил дайдихъу:

Ца ттупанг бивтуна Мияйнна сунув,

Тур хIала дарккуна Мияйнна къурув,

Гъайта-гъура куна, ялун ххявшхуна,

Яттил ттурзандалийн гъалбарцIру кунма,

Айрал хIала бувхри, ойттул нех дуркри,

Му чарасса кьюкъул ка ялтту дуркри.

ЛичIинува чIалачи бувну бур Муртазааильмур гъунар:

Вил бава дирчIивуй, Хан-Муртазааиль,

Къакъунттул газулийн къарчигъай куна, –

Шихачул уххайва, тиха уккайва,

Тихачул уххайва, маша бутайва.

Муртазааиль виричушиврүл гъунардал маxIрум увсса къажар Надир шагъ цIухлай ур Сурхай-ханнахь:

– Заннаху, заннаху, да чулахъ Сурхай,

Кла чарасса кьюкъа чассарив кIуллив?

Ойру чай бурттигъу вин цурив кIуллив?

Сурхай-хан пахрулий жаваб дуллай ур:

– Кла чарасса кьюкъа лакрал вирттаврал,

Ойру чай бурттигъу ттул Муртазали.

Надир-шагънал бюхттулсса кымат бивщуну бур Муртазааылл и виричушиврун ва къучагъшиврун. Му ай-бюкъу буллай ур Сурхай-ханнай, гукун ххаллилсса арс цала унува канийн увклиун тий:

– Кару вил дагъаннав, да Чулахъ Сурхай,
Га арс вила уна ттул канийн увклиса.
Дагъусттан, Гуржисттан вил хъурдай Сурхай,
Вил арс Муртазали ттулану хъурдай,
Вил арс Муртазали ттула уния
Макка, Мадиналив мина давияв...

Муртазааылл ва Сурхай ханнал дянивсса ихтилатрал яргну чалачи дуллай дур га талатавризу Муртазааылл дуллалисса виричушивурттал агъамшиву.

Лахъи балайлуву лакрал ва къажарнал аъралуннал дянивсса талатаву дирклиса күцүй чалачи дурну дур, амма цаппара канттаву Муртазааылл гъунарду хъиннува хъуни бувну чалачи бувну бур:

Дачиу дугъай хъуний аци-аци
Риршуну авчури Муртазааыли.
Ххивнугу бавчури къажарнал аърал,
Гъалбарци хъирив багъсса чахъри укунма,
Барзу хъирив багъсса къакъунт укунма.

Муртазааылл гъунарду хъиннува хъуни бувну бур къажарнал аъралуннал. Му хъхыичиунай най ур къажарнавун ццах бутлай, хъхыичиун дагъмур бат дуллай. Къажар лакрал аъралуннал бакчиная цала шагънахъ тий бур:

Царай уттусрийкесса цал кару дури,
Цавай кичиурдукесса цал яру бури,
Чал ччаннала царал цува ххал къашай,
Цал зуму ссихирил чу жун ххал къашай,
Ца цала ивчаннин, ациа чал ивчай,

РухI ласун израил, биллагъ, цув ури.
 Ина миннат бува Муртазааълихъ,
 Хъинсса виричунал къамул байссарча:
 Ххуллу була куну, буттал аърщарайн,
 Тайла бува куну, та Хурасаннайн.

Дуклаки оърчIал ябурган бан аъркинссар дачIи дуниял ҆лунтихъун ларсъесса Ираннал шагъналгу, танал аъралунналгу ахир жула зунттаву хъушиву. Му жула зунттал халкъуннал цIанихса лавгмуницIун бавхIусса хъуннасса историялул памятникну хъанахъишиву. Надир-шагъ дяъвилийгу ух хъуну, чIявумий аъраллугу къатI хъуну, бан-битан бухлавгун, Муртазааълил хъхьичI лергълихун агълай ур. Му миннат буллай ур цала миналин итаакыи тIий, гъан итаннугу ссайчIав мяш хъанай акъар: я мусий, я арцуй, я ясиrnай. Амма Муртазааъли жаваб дуллай ур:

– Зу дуллусса мусий, муси шайссарив?
 Муси дучIан данна турлил зуманив.
 Зу дуллусса арцу арцу шайссарив?
 Арцу дучIан данна ттупанграл бартнийн.
 Зу дуллусса ясир ясир шайссарив?
 Ясир бучIан бенна оъру чал хъхьичIун,
 Зун ххуллу булунна буттал аърщарайн
 Хъазамрайн аыш ларсун дакIиницIун битлай.
 На зу тIайла бенна та Хурасаннайн,
 Махъа чухъри дугълай, бяних тур ришлай.

Къажарнал чапхунчитуращалсса дяъвилуву чалан бивкIун бур дагъусттаннал миллатру цашавриву гуж бушиву ва миннаща ччима къатIаллил душман ххит ан бюхъантIишиву.

Учительнал бувчIин байссар оърчIан, ва лахъи балайлун цIа «Хан-Муртазааъли» дунугу, шиву ца виричунал гъунардая балай тIий

бакъашиву, ва бушиву цинявгу зунттал халкъуннал цала тархъаншиврул юнайссса гъунардаясса балай.

Лахълахъисса балайлул мъяналух, гиву гъуртту хъанахъиминнал куннал куннащалсса аралух бурувгун чалай бур, ва балайлувусса геройтурал ва иширттал куннийн ку къаршилла личишиву душиву. Бучискар ххал дигъин оърчлашал, зунттал кьюкъул ва къажарнал аъралуннал, Муртазааълил ва Надир-шагънал дянивсса тапаватшиву цукунсса дуссаривгу:

Муртазааъли

1. Цала ватандалул тархъаншиврул юнай талай ур.
2. Цала вирттаврал кьюкъа ххирасса бакчи ур.
3. Муртазааъли цала гуж къажарнаяр лувусса бушиву чалай бунувагу щах бакъа ххувшаву ласуннин талай ур.
4. Балайлуву Муртазааъли къучагъесса ххаллилсса виричуну чалачи увну ур.

Надир-шагъ

1. Уссихлу кьисас ласлай, цала ю дуккан дуллай чил хукуматирттай зулмурду буллай ур.
2. Цала аъралуннай рахиму-циими бакъасса ми ясирун булунгу пикри бакъасса аъралуннал бакчи.
3. Надир-шагъ цала аърал лияйхту, лергълихун агълай ур, цува сагъну личланну, мусий, арцуй, ясирий мяш хъанай акъар.
4. Надир-шагъ оъсса, оъттух къанихсса ккаччи кунасса шагъну чалачи увну ур.

Балайлул байбихъулий Надир-шагънал аъралуннал шагъ къирманну дуллай, зунттал агъалинал оъ экъибутилай бур, дайлитиулий турча, зунттал вирттаврал кьюкъул шагънал аъралуннал оъттул нех дуккан дуллай бур, байбихъулий Муртазааъли цала кьюкъри сакин дан Сугърахъхун ливхъун ивкихъурча, балайлул ахирданий къажарнал аърал «гъалбарц» хъирив

багъесса чахъри укунма, барзу хъирив багъкъакъунт укунма ливхъун най бур.

Дуклаки оърчлан бувчин бан аркинссар балай ляхъан бувсса халкъ, цала Ватан зулмулуша ххассал даврил юани талатисса Муртазааълил ва зунттал кьюкъул чулий бушиву ва миннал хъуннасса чаврищал, эпитетирттай мяш къавхъуну сакин дурну душиву Муртазааълил сипат. Халкъуннал му лащен уллай бур къарчигъайлуха, гъалбурцИха, барзуха. Ва чалачИи увну ур халкъуннал балайлуву щах бакъасса, цала зунттал Ватан хъинну ххирасса виричууну.

Лакрал аърщи душманнахъхъун ларгуун, му уссурвалсса миллатирттал вирттаврая кьюкъагу сакин дурну, къажарнащал кИрисса талатаву дуллай ур.

Укунсса ххал бигъаву дурну махъ, оърчашал дакIinin бичайссар ряххулчинмур классраву лавхъхъуну бивкIесса лахъи балайрду ва ми балайрдал вирттал Муртазааълишал щачIу бивхъуну ххал бигъайссар.

Мукунма Муртазааълил гъунар граждан дяъвилул ва Буттал кIанттул юаниссса дяъвилул вирттаврал гъунардащал щачIу бивхъуну ххал бигъайссар.

МаслихIат байссар оърчлан, шаппа цала хъниминнахъ юувххуну литературуалул тетрадирттай лахъи балайрду чичин.

Арулчинмур классрал литературуалул хрестоматиялий бур оърчлан цайнува цала буккин ккаккан бувсса «Багъадур Аъли» тIисса лахъи балайгу. Балай ккаккан бувну бур цайнува цала буккин.

Балай цайнува цала буккин булуннин учительнан, учительнан аркинссар оърчлан му бувчин бан. Бусайссар, оърчлахъ балайлуву халкъуннал дащуй дихълай бушиву хъними уссурваврал цала Чавама уссин дурсса хаиншиву, мунан дуркесса луркIан. Хъними уссурваврал лачин бугъан гъанну куну, Багъадур Аъли увцууну, уккан къашайсса муруллавун хIинчурай авхIуну увтун, гилува къайлай бур. Ва къадарсса

къел уссурваврал дурну дур хъуслихсса къанихшиврул, буттая лирчІсса хъуслил Багъадур Аълинсса бутІа цайхва бачІиншиврул.

ОърчІан бувчІин бан аъркинссар лачин бугъан хъунисса арамталгу циван лагайсса бивкІссарив. Миннахъ бусайссар хъхьичІава арамтал урттил хІайвантрах, лелуххантрах авлий нанини, каний махъ бувсса лачингу бувцуну лавгун, мунил кумаграйну ав байсса бивкІшиву. Лачиндалул оърчІругу мюршину бунува кюрттарава бувгъуну, авлий буцланна тІий, каний махъ байсса бивкІшиву. Ва балайлувусса уссурвавралгу, му мурад багъана бувну, увтхъунссия чІивима уссу муруллувун.

Балайлувусса уссурваврал дурсса къадарсса къелуйн къаршину оърчІал дакІурдиву гай оъкки чулий ккаклакисса асадру хІасул шайссар, тІайласса хъинсса виричу ххира шайссар. Бусайссар ва лахъи балай балладардавун багълай бушиву, цанчирча, бувсун бунутІий ца кулпатравусса инсантурая, гайннал дянивсса аралуя. Балайлул ахиргу къумасса дур: Багъадур Аъли ивкІлай ур.

Ва бувчІин баву дурну махъ, балай оърчІахъхъун шаппа буккин булайссар.

III. ХАЛКЬУННАЛ ЭПОСРАЦҮН БАВХІУССА ЛИРИЧЕСКИЙ БАЛАЙРДУ ЛАХЪХАВУ

Арулчинмур классрал литературагул хрестоматиялул дуклаки ойрчIру кIул буллай бур халкъуннал эпосрацIун бавхIусса лирикалул балайрдаштал. Ва тема лахъхаврийн бучIаннин, учительнал ххал бигъайссар дуклаки ойрчIан лакрал халкъуннал шаммардая, балайрдая цуксса хавар бурив, кIулминнахь буккин байссар. ОйрчIан цала бувккумунил мяньна цуксса кIулну дурив ххал дурну, захIмат хъанахъимур учительнал цала, классраштал архIал ххал дигъайссар. Ккаккан дурсса чIумуй цуманаща цими шамма ягу балай литературагул тетрадирттай чичин бювхъуривгу ххал бигъин бучIиссар.

Литературагул хрестоматиялийсса лирический балайрду ххал бигъаву дан ххуйну хъунтIиссар ялавай бивщусса кунмасса ихтилатрал кумаграйну:

Жула халкъуннал лавгсса ойрму, миннал мурад, дард, ойрмулухсса ччаву, ойрмулувусса тIайладакъашивурттайнсса зид хъинну куртIну ва пасихIну лахъи балайрдаву кунма лакрал лирикалувугу чIалай бур. Щана балайрду буклакиминнан миннува баллай бур халкъуннал захIматсса ойрмулул угъ-къакгу, чаннасса ойрму ххиращивугу, ххуйссса ойрмулул ххуллийсса талатавурттайн халкъ гъаз буллаисса леххаврил чIугу.

Балайрдава жунма чIалай бур ойрмулувусса ххуймунихсса халкъуннал ччаву, муниясса цIа, мунищала архIал кIул хъанай буру зунттал халкъуннал къаридсса, кIусса ойрмулущалгу.

Балайрду историялул лахъишиврий халкъуннал ойрмулуву хъанахъисса дахханашивуртташтал баххана хъанай най бур. Миннуву аьчухну чIалачIи бувну бур инсантурагул личIи-личIисса асардугу, чаннасса ойрмулийнсса умудгу, мукунна цIанасса буккун яргну чIалай дур миннал цала Ватандалухсса ччавугу.

Буклакинан бигъану бувчIай бур лакрал улча ялапаршиннаран хъинну захIматсса, къянатсса кIану бивкIшиву, мунияту кулпатран дуланмагърал хъирив, шардалу къарирутун мий архсса шагъурдайн личIи-личIисса санятирттай зий хъус лякъин хIарачат буллай бивкIшиву. Хъус ляхълай, шинну къатIув дуллай бивкIисса хIалтIухъантурал къурчIисса оърмулун барашин дуллай бур хрестоматиялий бивщусса балайлул вай ххуттардил:

Цурк бувманан – ряхва барз,
Чув ивкIунан – ряхра шин,
Агь байчара хIалтIухъян,
Вин – чIун дакъасса ссивир.

ДакIinin ххирасса оърчIру
КIира шинай цал ккаклай,
Ва гъурбатрал дуснакърай
Танинни бикIантIисса!

Балайрдал хIалтIухъантурал къурчIисса, захIматсса оърму бакъа, миннал му оърмулиясса рязи бакъашиву, муинсса къарши буккаву чIалачIи дурну дур. Миннан захIматну бур оърму бутан, цавай хIазрай, гайми хIасратрайсса дунияллий.

Агь, ина оъттун мивуй,
Ва ци оь дуниялли!
Ку хIазирай миналий,
Ку хIасратрай гъурбатрай!

Агь хIасрат цир, язугъ цир,
Лакрал жагъилтурайсса!
ДакIил ххира дуснал хъхьичI
Оърму бутан къашайсса.

ХалтIухъаннал оърмунияр нацIусса бакъар мунал шаппа ливчIсса кулпатрал оърмугу. Мискинсса ужагъралсагу буллай шаппа личIлачIсса мунил оърму захIматсса бивкIшиву чIалай бур балайрдаватугу:

Аман на вай дардирдан
Цу-цумунин ци бави? –
Духмур ялату гъаннин
Щумур ялун диллай дур.

Ссав дурцIусса цIуртти бур
ЧаннацIуку бакъари,
Ар дурцIусса уртту дур,
Урттуй тIутIи дакъари.

Халкъуннал балайрдава ххуйну чIалай бур революция хъуннинсса дагъусттннал хъанил оърму лапва лащинсса, цукунчIавсса ихтияр дакъассса бивкIшиву. Балайрдаву бусласимур хъиннува бюоххай миву ишла дурсса лашанбавурттайхIин ва тIабильтрал къаршил суратру цачIу дишаврийхIин:

На ялунмай хъяй бура,
Вивпрай хъяхъа тIий бура.
Ялтту щаллуну бура,
Вих щаварину бура.

– Зунттаву бюохттул зунттуй,
Цанна муксса пашмансса?
КIюрххил ххяххай ххяххабаргъ
ХъхьичI вийн бакъарив щайсса?

КIюрххил ххяххай ххяххабаргъ
ХъхьичI ттуйн щаврил цивави,
Арду тIутIаву дуний
На зунчалу бикIара!

Лакрал балайрдаву хъамитайпа къумасса оърмулийн къарши буكلай бур, цила ихтияр цила күунтихъюн ласун хярачат буллай бур. Чиявур лакрачла хъаниил цала багьу-бизу, цала асарду чалачла буллалисса балайрдугу.

Багьу-бизулул, эшкьи-ччаврил, хялтюхъантурал балайрду бакъассагу, лакрачла хъинну машгъурди дуснакърал балайрду. Бусласимунийн бувну, миннуясса чиявумий 1877-ку шинал хъусса бунириал чумал ссибирлив гъан бувсса вирттаврал ляхъан бувну бур. Мукунминнуясса цану хъанай бур чиявуми лакран ххуйну күлсса «Гъалбурцил дакиру дусса» тисса балай.

Ва балайгу лахъхъайссар арулчинмур классраву дуклакисса оърчал.

Балай лахъланнин хъхьичI ва сакин баврия күлмур оърчахъ бусайссар Х.М. Халиловлул бувчиин буллалимунийн бувну, ва балай сакин хъуну бур Баратовлул ва Ккуркуллал Зайдул ляхъан бувсса балайрдал ххуттардия. Балай хъинну машгъурну бивкиун бур XIX ттуршукулул ахирданий ва XX ттуршукулул дайдихъулий. Революционер, шаэр ва журналист Саид Габиевлул бусаврин бувну, ва балайлул макъан ца арманинал музыкантнал нотардай чирчууну диркиун дур. Ва га балай оъруснал цалчинмур революциялул гъантрай Петербурглив кабакирттаву учайсса бивкиун бур.

Ва укунсса ихтилатрал хъирив балай учительнал цала буккайссар пасихину, оърчан биюхханну. Буккин байссар 2-3 ххуйну буккайсса оърчахъ. Яла балайлул хъирив лаяврин бучайссар.

Чалачисса куццуй, балайлувусса гъалгъа бур ссивир бувну нанисса лакрал вирттаврая. Амма ми ссал ялув, циван ссивир бувссарив най бунува бувчилий бакъар.

Балайлул дайдихъу пашмансса дур, миву ссивирлив наниминнал дакиру ттурлу даркъусса къумасса барзунттаха лашан дурну дур:

Клай бюхттулсса барзунттайх
 Ттурлу даркъуну дури,
 Вай лакрал мюрш вирттаврал
 ДакIру къуману дури.

Балай ялавай буклан бивкIукун оърчIан бувчIинтIиссар виричу ссивирлив къадарсса къеллул цIаний гъан уллай акъашиву, му цала ххаллилсса пикрирдал цIаний, халкъуннал тархъаншиврул цIаний гъаз хъуну ивкIун тIий най ушиву:

Зунтту зурзутIи бувну,
 РатIру хъюлчайтIи дурну,
 Тархъаншиврул ххуллийну
 Жанну дулун най бури.

Виричу цала дакIнил хIал, ххажалат лащенбавурттайну чIалачIи дуллай ур, мунал цала дакI гъалбурцIил дакIниха, цува хъару гъаргъун, леххан къашавай ливчIесса илкинсса лелуххуха лащен уллай ур:

Гъава банну чайссия
 Бюхттул барзунттал ялтту,
 ХъарацIа хъару гъаргъун
 Щюлли хъхирийн бивчунну.

Ав буванну чайссия
 Дултти зунттал бакIурдайх.
 ХхяпрацIа михъру бувккун,
 Ав буван къашай бунну.

Ганияр гинмай балайлуву буслай бур виричунал чаннасса хияллугу, ххаллилсса къастругу ссивирнал «оъ вацIраву», лахъ зунчалу личIлай душиву:

Мина данну чайссия
 Шагъру ххуйний, ххал бувну,
 Мина дуллан багъунни

Ссивирнал оь вацПраву.

Кюру банну чайссия
Оърчи къакъунттул хъзамрай.
Кюру буллан багъунни
Ссивирнал лахъ зунчалу.

Виричу хъиннува къума лаглай ур шаппасса нину-ппу, кулпат, гъанцири дакIини багълай. Мунал дакI хъит тий дур зулму ялату гъан баврин, тархъаншиврийн:

Залимтурал зулмуул
Лаккуя бачин бувкун,
Оърчиру, кулпат, гъанцири
Агы тIинма ливчунни.

Таниннинни уссурвал,
Зулмууллу личIайсса?
Тархъансса дунияллийн
Тару жува буккайсса?

Балайлул ахирданийсса виричунал оърчиан, кулпатран бувсса аманат, цала лавсун най ивкIисса ххуллу хъама къабивтун, хъхьичIунмай бачин бара тIисса кунмасса бур:

Нажагъ ссивирлив ливчIун,
Жу зана къабикIарча,
Аманат, оърчирув, кулпат,
ДакIний къабуккаву.

Укунсса ххал бигъаву дурну махъ, оърчиахъ бусайссар, укунсса ваванихава лавхъхъусса балайдурду цайми миллатирттал халкъунналгу бушиву. БучIисссар бусан оърчиахъ оъруснал революционный балайдордая.

«ГъалбурцIил дакIиру дусса» тIисса балай шаппай дакIих лахъхъин булайссар.

IV. НАЗМУЛИЙ ЧИВЧУССА ПРОИЗВЕДЕНИЯРТТУ ЛАХХЬАВУ

Шаэрнал щала назмурдаву чалачи буллаисса асардал ва сипатиртал хъунмасса кумаг байссар орчирту тарбия баврин ва миннан орму лаххъаврин. Назмулий чивчусса произведениялүл кумаграйну учительнаща бюхъайссар орчал айылу күлшилийн асар биян бан, ми журалул произведениярду къамул бан, ми журалул произведениярду къамул бан, лаххъин түрча, орчирту чара бакъа хадур бувну биклан айкинссар.

Орчлан назмулий чивчусса произведенияртал гъанусса мяньна, щала цила аваданшиврущал ва ляличишиврущал титиншиврул, дурчин даншиврул, учительнал дарсирай ишла дуллан айкинссар дарс дишаврил личи-личисса къайдарду.

Дагъусттанныал школарттай усттарну дарс дихълахъисса учительтурал даврил ккаккан дуллай бур назмурду лаххъаву миннул хъирив лаяву ялавай ккаккан дурсса журалий дарча къулайну дикланчишиву:

- а) хадур буллаисса байбихъулул беседа баву;
- б) учительнал пасихину, бюхханну буккаву, щала назму ягу мунил бутри артисттурал ккалаккисса күцүх магнитофондалувух вичи дишаву;
- в) мукъуртищалсса даву;
- г) назмулий чивчусса произведение ххал бигъаву;
- д) ахирданийсса жям байсса беседа баву.

Назмулий чивчусса произведение лаххъаврил къайдарду личи дуллаисса чумал, учительнал хисавравун ласун айкинссар произведениялүл жура, гиву ккаккан дуллаисса сипатиртал хасият, чивчусса чун.

Агарда орчирту хъхичиа назмурду лаххъаврийн хадур бувну бивкхурча, миннан гай бигъану дурчайссар. Назмурду дурчаврин кумаг байссар учительнал бусайсса хъхичи мукъул. Хъхичи маҳъ учительнал

лахълансса назмулул хасиятрак, чивчусса чүмүх бурувгун сакин байссар. Масала, С. Габиевлул цала «Чагурт» түнисса назмулуву чагуртну чил кіланайн лавгсса чивисса орчыл чулухунмайсса цала асар ккаккан буллай бур, гукун орчыру айзарал бугъан буллалисса дүссүкъатрайн нааына дуллай, чын түй ур лакрал орчылан бигъасса орму.

Лаккүй аваданминнал цала къазахътурава, халтілүх усттартурал чагуртнава рухы ласласаву муксса хъунмасса бала бивкүн бурхха, му темалия чивчусса произведениярттал лакрал литературашу биялсса кілану бугълай бур. Ва тема лакрал литературашу мукъцалчинми шиннардийн дияннингу хъинну машгүрнү диркүн дур.

Укунсса журагул произведенияртту лахъланнин, га чивчусса чүмүцүн бавхыусса, ганил авторнаясса ва га ссаңүн бавхыну циван чивчуссарив бусласисса ихтилат бан айкинссар.

Буттал кіанттул ціанийсса дяйвилул дагъусттанныл литературалийн хъунмасса асар биян бувну бур. Чичултрап та чүмал цала чіявуми произведенияртту дяйвилун хас бувну чивчуны бур. Миннуятуусса произведенияртту бухлай бур школалунсса лакрал литературашул программалувунгү. Мий назмурду, поэмарду лахълахьисса чүмал орчылан кіул хъунтіссар чичултрап Буттал кіанттүхсса чаву, дяйвилул чүмал миннал чичурдал, мукъул хъуннасса агъамшиву диркішиву.

Вай назмурду лахълахьисса чүмал цинягы халкъуннал немецнал чапхунчituраяр ххув хъуншиврул, ватан дуруччиншиврул бувсса захіматрая, миннал ккаккан дурсса виричушивурттая бусан айкинссар.

Дактінин бутан бучтіссар ялавайми классирттаву лавхъхъусса, Буттал кіанттул ціанийсса дяйвилун хас бувну бивкісса хаварду ва назмурду.

Цума-унугу чичул ціаниңүн бавхыусса кіанттурдайн, Буттал кіанттул ціаний жан харж дурминнан даңлан дурсса гыйкаллачын экскурсиярду баварча ххуйну хъунтіссар.

Тәбиаңтран хас дурну чирчусса назмурду лахълахъисса чүмал хъунмасса хайр бүссар лагма-ялттусса кәнттурдайн экспурсия баврил. Тәбиаңтрап хъирив баңғаврил оырчан цала буттал кәнттул ххуйшиврущал күл хүн күгма байссар, ганихсса чаву гужлан дайссар. Экспурсиялия зана бивкүн махъ оырчал бувсмур, тәбиаңтран хас дурсса назмурду лахъхиннинсса хъхичімахъну хүн буюхъайссар. Цайнма тәбиаңтравунсса экспурсиялул биян бувсса асарду оырчаша буюхъайссар хүн дақъасса сочинениялійнугу чичин. Ми сочинениярду ххал дигъаву, чиявуну, назмурду лахъланнинсса хъхичі маҳъну ккалли шайссар.

Личинурасса бургаву дан айрекинссар мукъурттал яловсса даврих. Му давугу назмурду дуккин байбишин хъхичіри дан айрекинсса. Щусса маҳъру назму дуккиннин учительнал цала хъхичі мукъувугу ишла бан бучіссар. Назму дуккаву дяличан дурну, щусса маҳъру бувчиин булларча, га даву назму щаллуну вив итадақъаврихун дахчинтіссар. Мукъуртишалсса давугу дурну, назмулушталгу оырчиру күл бувну маҳъ, учитель учайссар назму дуккаврийн.

Назму дурчіаврин ва га ххуй дизаврин хъуннасса агъамшиву дуссар учительнал цала буккаврил.

«Учитель цува, ганал гъалгъалул жура, пасихісса маҳъ, ганал хавар, назмурду дуккаву – гъарзад оырчан мудансса эбрат хъанахъиссер. Мунийн бувну учитель гъалгъа түн айрекинссар лахъну, бувчиинну, асар хъунну»¹. Укунсса давурттал оырчиру назмурдал гъанусса мяъналущал, гиву чалачіи буллаисса асардашал күл бантіссар.

Назмулий чивчусса произведенияртту лахъхавриву яла захіматмур шачлануну хъанай бур – мунил анализ даву, хъирив лаяву. Назмурду пикри бувну дуккаврил чалачіи дайссар мукъурттил мяънардал аваданшивуртту. Назмулий чивчусса произведениярттал хъирив лаяву – му ганил темалул,

¹ М.А. Рыбникова. Очерки по методике литературного чтения. М., Учпедгиз, 1983. Стр. 146.

гъанусса мяналул, сакиншиннарал, мурадрал, мазрал хъирив лаяву хъанай дур. Амма учительнаща анализ дуллалини гъарцагу вай бутІрал хъирив лаян хъанай бакъар. Мунийн бувну, ганал цала лахълахъисса назмуул хасиятрах урувгун, цуми бутІрай ацІантІссарив, цуми кІанттурдах хасъесса ургаву дантІссарив личІи бан а yrкинссар. Художественный произведениялул хасият-табиаътрах бурувгунни му лахъхын баврил къайдардугу лякъайсса. Гъарца произведениялул буккавугу, ххал бигъавугу дурну дикІан а yrкинссар ганил журалух бурувгун.

Назмулий чивчусса произведениярттал хъирив лаллалисса чУмал, бургаву дан а yrкинссар оyrчал оyrмулухгу. Анализ дуллалини, хъунмурчІин бургаву дайссар произведениялул яргну, аъямну чІалачІими кІанттурдах. Чичул гъанусса пикри кІул бан бюхъайссар произведениялул сакиншиннарал ганил журалул, мазрал хъирив лаяврийну.

Чіявуну назмулий чивчусса произведениярттал анализ дайссар беседалийну.

Учительнал бувсса беседалул произведениялул чулухунмайсса цала бургаву, га буккаврийну цавува хІасул хъусса асадру бусан кІункІу буллай оyrчІру учительначІан ва кунначІан ку гъан байссар. Мунийн бувну, назмурдал анализ даву цайми къайдардайніяр беседалийну даву лайкъ хъанай дур.

Беседа бан бучІискар чянива хІадур бувсса суаллу буллай. Мунил мурад, лахълахъисса назмуул гъанусса мяъна оyrчІан дурчІин даву хъанахъискар. Ряххулчинмур классраву лакрал литератуralул дарсирдай оyrчІал лахъхъайссар Н. Юсуповлул чивчусса «КІукъакІулсса солдатнаясса баллада», М.-З. Аминовлул «Ттул нину» тІисса Буттал кІанттул цІанийсса дяъвилун хас бувсса произведенияртту. Вай произведенияртту лахъхын хъхъичІ бусайссар вайннуву дяъвилул тема гъаз дурну душиву. ЧІалачІи бувну бушиву Ватан дуручлай жанну дуллусса жула халқуннал арсру дакІния къабуккантІшииву.

Буттал кіанттул ңанийсса дяъвилияту оърчан ялавайми классиртавусса буккаврил дарсирдаява кіулссар. Ми кіул хұуссар дагъусттаннаясса дяъвилул вирттавращал, миннал бувсса гъунардашал, миннан хас бувну чивчусса балайрдашал, назмурдашал. Кіай произведенияртту лахълахыни тіурча, оърчал пикри бурган бан бучіссар кіай чивчусса құумух, назмулийну, поэмалийну шаэртуран учин чимуних.

Назмурду лархъхуңу къуртал дуллалисса мукъуву, оърчан кіулмур жам баву мурадрай, учительнал бувчін бан айкинссар вай назмурдаву авторнал айч бувсса асардугу, дяъвилий гъуртту хұнуну, жанну дуллуминнал чулухуннайсса чавагу ца шаэрнан дақъа, цинявгу инсантуран хасъсса душиву. Мукунма бучіссар бусан оърчахъ дақъаву қіакъ даву мурадрай, жула халқыннал ва хікуматрал хұниминнал дуллалисса давурттая.

Оърчан лавхъхұмур жам бувну махъ, назмурду дуккин дайссар ххуйну буккайсса оърчахъ, ягу вичі дишайссар магнитофондалувуҳ.

Утти мисалдаран ласунну С. Габиевлұл «Чагарт» тісса цамур темалун хасъсса назму.

Хъхычұнсса лакрал чичу-революционер С. Габиевлұщал оърчіру кіул шайссар байбихъулул классиртавува. Учительнаща ганая оърчан кіулмур цала хъхычі мукъуву гъарта бан бюхъайссар. С. Габиевлұл хұниминнан кунна оърчангу цанналу хас дурсса ғярусса назмурдугу чирчуны дур. «Чагарт» тісса назмулуу С. Габиевлұл кқаккан буллай ур хъхычавасса оърчал къурчісса, язугъесса, ккаши-мякъесса оърму, багъана бакъанма, зулмукар-усттарнал тамансса щунгу дайсса пана оърму. Назму дуккиннин хъхычі учительнал бувчін байссар оърчан захімат бизан кунмасса махъру: къяйрду, пурш-батана, лурзимах ва м.ц.

Мунияр махъ, мунал пасихінү назму дуккайссар, хъирив дуккайссар оърчал. Оърчая тіалав дан айкинссар паракъяттасса, гъарца чичрулул лишан хісавравун ларсъесса буккаву.

Хъуннасса агъамшиву дуссар оърчал махъру ва мукъурттил дайлитIурту аъямну бувчIинну дуккаврил. Яла назмуул гъанусса мяъна дурчIин дуллалисса беседа байссар. Ва назму ккавнал бусласисса хавар кунма сакин дурну душиву мяълум шайссар. Оърчан бувчIайссар чичул чагуртнал чулухуннайсса ва гайннал оъ хIачIачIисса усттартурал чулухуннайсса ургаву цукунсса дуссарив. Ахирданийсса шеърилул яргну чIалачIи буллай бур С. Габиевлул тархъаншиврухсса чаву, циняв лакрал мискинсса халкъ бигълин буккавринсса кЛункIу тIаву:

Агъ, ина бат шивуй, чагуртнал оърмуй!
Бат хъуну, лавгния зана къабивкIун,
Луххал дуссукъатрай къункъуллив ларкъун,
Бигълин буккан циняв лакрал мискинтал.

Назмуул гъанусса мяъна дурчIин дуллалисса беседалуву, оърчан захIматсса, щанасса чIумуцIун къабавхIусса махъру ва калимарту дурчIин дан аъркинссар. Ми дурчIин дан аъркинссар оърчан ххуй дизайнну, гъанусса мяъна дурчIаврин кумаг хъунну.

Оърчан бувчIумур, назмуул хъирив буллусса суаллал кумаграйну щакъ бан аъркинссар.

Та чIумалсса щалагу Аърасатнавусса оърчал оърму хъунмурчIин цалавхъхъусса бушиву ккаккан башиврул, щачIу дирхъуну ххал дан аъркинссар И.-Х. Къурбанылиевлул чивчусса хаварданувасса Жабраиллул ва С. Габиевлул чагурт оърчал сипатру. Ми кIиягу оърчал сипатру хъхьичI дацIан дан кумаг бантIиссар оъруснал художник В.Е. Маковскийл дурсса «Хъунабакъаву» тIисса суратрашал оърчIру кIул баврийну. Ва суратрал чагуртнал тIавтIисса, ккашилсса оърму яргну хъхьичI бацIан бан кумаг бантIиссар.

Дуклаки оърчIру назмурду дурчIаврин хIадур буллалини чIяруну ишла дайсса букъавчIайсса махъру бувчIин бувну, миннущалсса предложениярду сакин даву къагъашайссар. Ва даврил бачIва назмуул

мурад бувчIин кумаг баву дакъа гивусса геройнал сурат хияллаву сакин даврин, га хъхьичI ацIан аврин кумаг къабайссар.

Лахълахъисса назмулул макъулучIан гъансса гъавас оърчIаву хIасул баншиврул учительнал дурчIайссар га произведение бувчIин бан къулайми къяйдарду.

Ласунну Б. Рамазановлул чирчусса «Интнил марч» тIисса назму. Ва назму лахълан хъхьичI оърчIахъ бусайссар Б. Рамазановлул оърмулул ххуллуя ва творчестволуя, дакIини бутайссар ялавайми классирттаву лархъхъусса ганал творчестволуя дакIний ливчIимур. Агарда оърчIал га назму лахъланнса чIумуйнин интниясса сочинение чирчуны диркIхъурча, гиву чIалачIи дурну диркIсса интнил лишанну дакIини дичайссар, къачирчухъурча оърчIаштал интнин хасъсса хасиятру ххал дигъайссар.

Бусайссар Б. Рамазановлул сюжет дакъасса лирикалуву ва назмулул агъамсса кIану бугълай бушиву, шиву аъч буллай бушиву гужсса асарду, хъунисса щугълурду, лагма-ялтту хIакыну дусса дуниял, буттал кIанттул тIабиасть, гъарца къини хъанахъисса ишру. Бусайссар мукунма назмулуву чIалачIи бувну бушиву дунияллул гъарцагу ххуйшивурттах лап аъжаивну личIлуну уруглагаврийн шаэрнан цIусса журалий ххал хъусса оърму. Мунихлуну чIалай бушиву шаэрнан чIявусса лагма ялтумур хIисавгу хъанахъишиву – аньнакIул оърчIайссар парх бивкIсса къувлул аньтIикIашивугу, дуссукъатлул ялувсса кIулщул пуркIуврал къанкъгу, цIуну бувсса оърчIал яру тIитIайссар кунма, хъя тIисса интнил мурхьирдайссар къупругу, ватандалул архсса дазурдай бавцIусса боецтал – къаралчиталгу.

БувчIин байссар «Интнил марч» тIисса назмулуву метафорический гъануну ларсун душиву мурчал сипат, цурдагу муданма хъхьичIунмай хIарачат буллалаврил, хъинчулийссар луглагавурттал, лавайссар мурадрал цIаний дакI гъалак дуклакаврил лишанну хъанахъисса. Укунсса

журалийсса ихтилат оърчIаштал бувну махъ бучIайссар назму пасихIну оърчIахъ дуккаврийн.

Лирикалул произведение лахълахьисса дарсирай назму дуккаву дарсиral яла бюохттулмур даражану (кульминацияну) хъанай бур.

Амма чIявуну оърчIал назму дуккаву ххару, ритм, рифма хIисавравун къаларсун, назмурдал мазран хасъсса ляличIишивуртту хIисавравун къаларсунна дувай. Назмурду дуклакини чарабакъа бургаву дан айкинссар шеърилул хха буккаврих, мунил дайлитIулий буккун цанмавагу хавар бакъанма чансса чIумуйсса бавцIуну лякъайссар, му паузалул шеърилул ххару кунния ку личIи байссар.

Классравусса учительнал буккаву му яла оърчIан бувчIайсса, миннан гъансса лирикалул произведение утта буккан баву хъанай дур. Учительнал пасихIну дурсса буккаврил кIану я магнитофондалул плёнкалийн лавсъсса артистнал буккаврил, я радиолувухсса дикторнал буккаврил къабугъайссар.

Лахълахьисса назму учительнал дуккан айкинссар кIила, анализ даннин ва анализ дурну махъ, хъхьичIимур буккаву дайссар учительнал, кIилчинмур му буккаврин хъхьичIава хIадур увсса дуклаки оърчIал.

Дуклаки оърчIру пасихIну буккаврих къайгъулий буругланшиврул вичIи дирхъуминнахъ цала дуснал буккаврин кымат бишлаши байссар. Учительнал цала буккаву дикIан айкинссар пасихIсса, оърчIал дакIурдин асар биян буллалисса, амма мунил учительная артистная куннасса буккаву тIалав къадуллалиссарча, филологиялул кIулшиву ларсъсса гъарцагу инсаннан лайкъисса пасихIсса буккаврил бюхъу тIалав буллалиссар. ПасихIну буккаву дакъа, литературулул дарс дишайсса учительнан программалул дуклаки оърчIая дакIних лахъхъин тIалав буллалисса лирикалул произведенияртту цанмагу кIулну бикIан айкинссар.

Назму пасихIну дуккин лахъхъин баву – му пасихIну буккаврил гъанур.

Назмурду пасихIну дуккин лахъхын баву цуксса агъамсса масала бунугу – му лирикалул произведение лахъхаврил щалва мурад бакъар. Назмурду лахълахъисса дарсирдай орчIал дикция, буккаврил даража гъаз баврин хас дурсса давуртту дайссар, амма вай гъарцагу давурттал яла агъанмур цуппа произведение лахъхаву бушиву хъамабитан бан къабучIискар.

1) Назмурду дакIних лахъхаву

Назмурду дакIних лахъхаву мудангу пасихIну буккаврищал дархIуну дикIайссар. ДакIних назму ягу произведениялул бутIа лахъхаврил дуклаки орчIал маз пасихI шаврин, память итххяххаврин хъуннасса агъамшиву дуссар.

Дуклаки орчIан программалул дакIних лахъхын ккаккан бувсса цинявгу произведенияртту кIулну бикIан айкинссар.

Назму лахъхын бигъану бикIаншиврул орчIал назмулуву гъалгъатIимур хъхьичI бацIан бан, хияллаву мунил сурат xIасул дан кIулну бикIан айкинссар. Назмурду дакIний личIаврин хъуннасса агъамшиву дуссар мунил экъинанисса, вив итабакъин, дакIний личIан бигъа буллаисса рифма дусса ххуттардил. Назму орчIашал дакIних лахъхаву учительнаща щаллу дан бюхъайссар личIи-личIину.

Масалардан ласунну укунсса дарс. Учитель увххун классравун дайдишайссар дарс, цурдагу шардай дуллусса дарс цIуххаврия дакъарча А. Оймаршаевлүл «ХIухIалал балай» цала учительнал дакIних классрахь буккаврия. Ттул пикрилий, ва балайлун цукунчIавсса бувчин бавуртту айкинну дакъар, агар учительнаща ва дакIних хъунмасса гъавасрашал, ххуйсса макъулуштал, шиву шаэрнал чIалачIи буллаисса захIматрахсса гъира чIалачIи бувну, буккин бюхъарча ва му кунмасса асар орчIайнгу биян бан бюхъарча. Балай бувкун махъ ца минутрайсса учитель къаагъайссар. Яла маслихIат байссар орчIан балай дакIних лахълан байбишаву.

Цаппара минутирттава оърчIал лахълахъаву дяличIан дурну, учительнал цума оърчI цукун назму дакIних лахълай урив цIуххайссар. Му суалданун жаваб дулун оърчIан захIмат шайссар. Му оърчIан дакIних лахъхайссса куц бувчIин бан яла сант думур чIунни.

ОърчIахъ бусайссар учительнал цал хъинну пикри итабавкъуну дуккин айкиншиву назму. Дуркун, шаэрнал цала назмулийну учин ччимур ххал бигъайссар. Ялагу буккин байссар хъхьичIсса мукъва хха, духъурча рифмарду ххал дигъайссар ва дакIний ританмур байссар. Буккин байссар кIилчингу, дакIний ливчIмур ххал байссар ва мурад цIуххайссар. Мурад оърчIал му чIумал луттиral мазрайну буслан бикIайссар. Цаппарамнал мунийннин дакIних лахъхайссар. Мукунма бучIискар лахъхъин гайми куплетругу. Дарсиral ахирданийнин оърчIал щала назму лахъхайссар. Миннахъхъун шардай цамур давугу къадулайссар.

Ва даву дуллай гъан дурсса дарс оянна ларгсса ххай бакъару.

V. АРУЛЧИНМУР КЛАССРАВУ ДУКЛАКИССА ОҮРЧАЛ ДАКИНИХССА ВА ЧИЧРУЛИЙНУССА ГЪАЛГЪА МАГЬИР БАВУ

Арулчинмур классраву оүрчал гъалгъа магьир баврил даврин ккаккан дурну дур 10 ссят. Ва ккаккан дурсса чумуй дакъассагу, оүрчал маз магьир баврил ялувсса даву учительнал дуван айкинссар гъарцагу мазрал бикIу, литературанул бикIу дарсирдай.

Оүрчал гъалгъа магьир баву лакрал литературанул дарсирдай дайсса давурттал агъанминнул цану хъанай дур.

Арулчинмур класс къуртал бувсса оүрчан, программалул талавшиннарайн бувну, күлну биклан багътай бур художественный ва элмийсса текстру анаварну дуккин, художественный произведениярду пасихIну буккин (миннувух драматический произведениярдугу), эпический произведениялул ягу мунил бутIул мурад дакIних ягу чичрулийну бусан. Мунаща бюхътай биклан айкинссар лавхъхъусса произведениялийн бувну, чичрулий, ягу дакIних сочинение щаллу дан, буллусса суаллан щаллусса жаваб дулун, произведениялул геройтуран къимат бишун, дакIних мукъуртийну лавхъхъумунил сурат дан. Ялагу мунан күлну биклан айкинссар произведение чивчума, ганин ца ва цанил мяньна, лавхъхъусса произведениялул мурад, гиву гъуртту хъанахъисса геройтал ва хъанахъисса ишру кунницIун ку бахIин, гивусса мазрал пасихIшиврул ярагъру ляхълан ва произведениялунсса гайннул агъамшиврия бусан.

Вай ва цаймигу бюхъурду оүрчлаву сакин хъуншиврул, учительнан айкинссар гъарца мазрал ва литературанул дарсирдай гъалгъа магьир баврил ялув зун.

Учительнал хъхьичI бавцисса гъанусса масалану хъанахъискар, пикри бувну, маз магьир бан ишла дайсса къайдарду личIи даву.

Арулчинмур классраву оүрчал маз магьир баврил ялув дайсса давуртту ялавайми классирттаву мазрал ялув дуллай бивкIминнуйн чул

бившунур дайсса. Мукунсса давурттуну хъанахъиссар учительнал пасихІсса буккаву ва бусаву, художественный произведениялул хъирив лаяйни дуклаки оърчІру ихтилатравух хала буххан баву, личИ-личИсса журалул мурад бусавуртту, классрал къатІув бувккусса луттирду ххал бигъаву, ххал дурсса киносуратрая, телепередачалия бусаву.

Гъалгъа магъир баврин хас дурсса дарсирдай оърчІаштал дайссар мазрал пасихІшиврул ялувсса ва мукъул ялувсса даву. Ми давуртту даван аркинссар произведение лахъхъаврил гъарцагу шачІанттуй: байbihъулул дарсирай, произведениелущал кІул хъанахъини, хъирив лаллалини, жям бай дарсирдай.

Школарттай чичрулийнусса ягу дакІнихсса маз магъир баншиврул яла ишла дайми къайдардуну хъанай дур текст пасихІну дуккаву, бувккун, дакІний ливчІмур чичаву, бувккумунил мурад бусаву, цукунсса бунугу хавардания ягу текстрая ихтилат баву ва мунин кымат бишаву.

Текstral ялувсса даву дайни яла чіяруну ишла даймур къайдану хъанай дур оърчІаштал текстрая ихтилат баву (беседа). Мунил оърчІал маз итххяххаврин, пикри буллали баврин агъамшиву дуссар.

Бувккумунил щаллусса мурад бусласини, мукъурттил хъирив бацІавугу дайссар, миннул пасихІшиврул ярагъругу ххал бигъайссар.

Литературалул дарсирай гъалгъа магъир баврил ялувсса даву мудангу дархІуну дикІайссар мазрал дарсирдайсса маз магъир баврил даврищал. Художественный текстрал маз ахттар баврил оърчІру кІул байссар ниттил мазрал ляличІишиврущал, чичул мазрал хасиятращал. Чичул мазрал журагул хъирив лаяврил оърчІаву пасихІну гъалгъа бансса бюхъу сакин байссар. Маз магъир баврин хас дурсса давурттал оърчІан куннициун ку бавхІуну гъалгъа бан, чичлан кумаг бантІиссар.

1. Цаннал ихтилатрал ялувсса даву.

Цаннал цала гъалгъа – му хъанай бур гъалгъа тІима цама ихтилатчи акъа цувалу гъалгъа тІий ухъурча, гъалгъатІий ягу чичлай.

Цаннал гъалгъа сакин хъуну бикІайссар куннил хъирив ку ца пикри бусласисса ца темалун хас дурсса предложениярдая.

Цаннал ихтилатрал агъамшиву дуссар цала гъалгъалийну учин ччимунил мурад чІалачІи бавриву, мурадгү бавхІуну бикІайссар цукунсса дунугу темалущал. Темалух бурувгунни мурад ва тІутІимунил гъанусса пикри бусайсса ва чичайсса.

Цара-ца темалия ихтилат бан бучІиссар личІи-личІину, мунил мяъналух бурувгун.

КунницІун-ку бавхІуну, бувчІинну гъалгъа бан лахъхын башиврул, дуклаки оърчІаву сакин бан аркинссар мунил аркинсса журагул бюхъурду.

- а) гъалгъа хас бувсса темалул мурад, мяъна бакІравун итадакъин;
- б) темалул мурад чІалачІи бан кумаг бансса материал датІин ва му материал куннил хъирив ку тІайлану бусансса чичинсса план сакин дан;
- в) чичлачини мазрал пасихІшиврул ярагъру, фразеологиялул оборотру ишла дансса бюхъу хъун бан.

Вай бюхъурду щаллу шайссар гъарца журагул къядарду оърчІал пикри авадан бан, пасихІину ихтилат бан, лахъхын байни ишла дарча.

Цукунсса бунугу суал ххал бигълагъини, классраву уттарашибу хъуншиврул, дуклаки оърчІ ва учитель цаннан ца бувчІлай бикІан аркинссар.

Цайнува цала ихтилат бан лахъхын байни, куннащал куннал буллаисса гъалгъалул тагъар сакин даврил оърчІру цала пикри бусан кІункІу байссар.

Масала, оърчІ буслан икІайссар бувккусса луттираш геройнаясса цала пикри, цайнува цала бувккун, цанма ххуй бивзсса бутІул мурад.

2. Мурад бусаву ва мунил оърчал маз магъир бавринсса агъамшиву.

Оърчан цайнува цивппа гъалгъа тіун лахъхын буллаини, хъуннасса агъамшиву дуссар личІи-личІисса журалул мурад бусаврил.

Щиха бунугу лавхъхууну мурад бусан хІарават баву – му маз магъир баврил хІурамур къайдану ккалли дан къабучІискар.

Бувккумур цІунил дакІинин бутаврил оърчан кІулмур гъарта байссар, цавувагу чичлансса бюхъу сакин байссар.

Лавайми классиртаву текстрачан гъансса, кутІа дурсса, цумур бунугу бутІа язи бувгъуну личІи бувсса бутІул мурад бусаву ишла даву хъинчулий ккаклай бур.

Вай цинярдагу журалул мурад бусаву даншиврул, цила багъайкунсса хІадуршин дикІан а yrкинссар – текст цавура цала дуккин, лахъну дуккин, бувккумунил план сакин дан, захІматсса махъру ва калимартту дакІний дитансса хІаракат бан. Текстрал мурад бусаврил циняр жуарду ишла дайссар маз магъир баврин хас дурсса дарсирдайгу, литератуralул произведение лахъхаврил циняв шачІанттайгу.

Произведение лавхъхууну, ганил анализайн хІадур буллаисса дарсирай бучІискар оърчая тІалав дан личІи-личІисса бутІрал мурад бусаву.

Художественный произведение дахъва буклакини, лахълахъини, оърчал учительнал каялувшиврийну мурад бусаву дайссар: бусанмунил план дайссар, текстраву хъунабакълакъисса, оърчан захІмат бизан кунмасса махъру ва калимартту доскалий чичайссар. Мунил мурад куннил хъирив ку тІайлану бусан ва бусласимуниву чичул маз ябан кумаг байссар. Мурад бусаврил хъуннасса агъамшиву дуссар оърчан текст дурчІлачІисса күц, мунил биян буллали асар, мунил чулухунмайсса миннал пикри кІул баврин.

Художественный произведение лавхъхъуну, ганил хъирив лаяву куртІну дуллалини, учительнал личІирасса ургаву дайссар текст чирчусса журалух – хавар бусаврил журалий дурив, текстраву чивчумунил сурат хъхъичІ дацІан дуллалисса куннасса бусаврил журалий дурив ягу цала пикри-ақълулул къувкъумур бусласисса куннасса журалий дурив.

ОърчІан мурад бусан яла захІмат шайссар шамилчинмур жура.

Укунсса текстрал мурад бусаннин ххуйну хІадур хъуну, текстрава гъанумур пикри личІи бан хІарачат байссар.

БучІискар ва журалул текстрал мурад бусаврил план суаллал жавабирттал журалий сакин дангу.

Цала ссая бунугусса пикри ачь буллалисса текстрал мурад бусаву дуллалини, дуклаки оърчІал хІарачат бан айкинссар бувчІин чичу произведениялийну учин ччай ивкІимур, му бувчІиншиврул ганал цала произведениялийну учин ччай ивкІимур, му бувчІиншиврул ганал цала произведениялуvu ишла бувсса мазрал пасихІшиврул ярагъру. Мукунма мурад бусаврил кумаг байссар дуклаки оърчІан бувчІин геройнал дакІнил хІал.

Гъарца журалул мурад бусаврил, художественный произведение лахъхъаврил личІи-личІисса шачІунттай бикІайссар цила мурад. Произведение лавхъхъуну га куртІну ххал бигълагъини ишла дайссар личІи бувсса бутІрал мурад бусаву. Учительнал ччянива хІадур бувну, бусайссар геройнал хасиятран кымат башлашини цуми кІанттурдах ябурган бантІиссарив. Масала, 7 классраву «ХIухчу Рамазан» тІисса хавар лахълахъини учительнаща мурад бусан личІи бан бюхъайссар бутІри:

1. Лакрал щархъал ахІвал.
2. Та чIумуву ялапар хъанай бивкІминнал оърмуруду;
3. Цивппа бакІ букканшиврул инсантурал ляхълай бивкІсса шартІру;
4. ОърчІал революция хъуннинсса оърму;
5. Революция хъуну махъсса инсантурал оърму.

Литературуалул дарсирдай чýяруну ишла дайссар кутIа бувсса мурад бусаву, цанчирча хъунисса произведенияртту лахълахыни щаллусса мурад бусаврин хъуннасса чIун харж хъанай дунутIий. КутIану мурад бусаву – му хъанай дур яла агъанми кIанттурду личIи бувсса мурад бусаву. Укун мурад бусайнни ххуйну кIулну бикIан айкинссар текстрал мурад, бувчIлай бикIан айкинссар ганил сакиншинна ва гъанусса мурад.

3. Чичрулийнусса гъалгъа магъир баврил къядарду.

Чичруулул давуртту литература лахъхъаврил гъанусса бутIану хъанахъискар. ОърчIал маз итххяххан баврин чичруулул давурттал хъуннасса агъамшиву дуссар.

Дуккаврил шинал мутталий учительнаща бюхъайссар программалул тIалав дуллалисса чичруулул давуртту дан четвертирттайх дарчIуну.

Арулчинмур классраву дуклакисса оърчIаву ялавайми классирттаву сакин хъусса чичруулул вардишру цIакъ дайссар, му давугу чан-чанну тIий захIимат дуллай дачин дайссар. Му бакъассагу арулчинмур классраву оърчIру кIул шайсса цIусса чичурдал жуардащалгу. Лавайми классирттавусса чичруулул давуртту оърчIан захIиматссар, агар байбихъулул школалий миннащал цила багъайкунсса давуртту дуллай къабивkIхъурча.

Аьдатрайн бувну, литературуалул дарсирдай дайсса гъануми чичруулул давурттуну хъанай дур изложенияртту, сочиненияртту. Изложениярттал мурад хъанай бур дуклаки оърчIал цала бувккумунил, ягу цанма бавмунил мурад щаллуну чичин лахъхъин баву. Миннул жуарардугу дур личIи-личIисса: оърчIан хъхъичIара кIулсса текстрайн бувсса, кIул дақъасса текстрайн бувсса, хIадурнасса пландалийн бувсса.

Сочиненияртту чичайссар лавхъхъусса художественный произведениярттайн, оърчIал цала тIабиаьтрал хъирив бацIаврин, суратирттайн бувну.

Оърчал гъалгъа магъир баврин хъуннасса агъамшиву дуссар литературанул хрестоматиялул методикалул аппаратрал. Цайми тарбиялул масалартту щаллу баврищал архал мунил оърчал маз магъир баврингу хъуннасса агъамшиву дуссар.

Оърчал гъалгъа магъир баврин хас дурсса давуртту ххал дигълагъини учительнан дакIний бикIан аyrкинссар хрестоматиярдаща циняр чичрулул давурттал журагарду ккаккан дан къабюхъайшиву, миккусса чичрулул давуртту произведениярттацIун дархIусса душиву, гайми чичрулул давуртту программалул тIалавшиннарайн бувну, цанна хIадур дан багъантIишиву.

Даврил къайдалух ва масаларттах бурувгун изложенияртту дуссар кIира журагул – чичин лахъхын буллалисса ва лавхъхъумур ххал бигълагъисса, му даврил хасиятрах бурувгун дикIан бюхъайссар текстрачIан гъансса, кутIасса, личIи бувсса произведениялул ягу хаварданул бутIуйн бувсса, ялун ххи дурсса заданияртташалсса, сочинениялул элементиртташалсса.

Лавхъхъумур ххал бигълагъисса (контрольные) изложенияртту миннул журагулукъабурувгун яларай ккаккан дурсса куннасса къайдалий дан бучIиссар.

Учительнал кутIану изложение даврил мурадраясса ихтилат байссар, дуккайссар текст. БувчIин байссар оърчIан захIимат хъун кунмасса махъру, ми доскалий чичайссар ва план дулайссар. Текст дуккайссар цал ялагу, мунияр махъ оърчIру изложение чичлай байбишайссар.

Контрольный изложение дуллалини, оърчIахъ, цахъва мурад бусан къабайссар.

Вайми лахъхын бай изложенияртту даврил къайдарду миннул хасиятрах бурувгун даххана шайссар. Масала, текстрачIан гъансса, щаллуну гъарзад чичайссар изложенияртту кутIасса изложениярттайр оърчIан чичин бигъассар.

Текстражан гъансса изложенияртту оърчал чичайссар авторнал маз, ганал калимаррту ишла дуллай. Изложениялунсса текст оърчал күлсса, гайннал лархъхъусса духъурча, му хъиннува хъинссар.

Учительнал изложение чичлан хъхъичі бувсса ихтилатрал, буллусса суаллал оърчал хаварданул гъанусса мурад, гивусса геройтурал хасиятру, чичул маз дакінин бутан кумаг бантіссар. Мура чүмал, учительнал оърчаштал цаппара захіматсса мукъурттил, калимарртал мяйна дакінин дичайссар. Текст лархъхъусса духъукун, оърчаша куннил хъирив күтіллану агъанми кіанттурду къакъабивтун изложение чичин бюхъайссар.

Күтіласса изложенияртту чичаву оърчал захіматссар.

Мукунсса изложенияртту дайни, оърчал күтіа дан бигъасса текст дурчайссар. Күтіа дур изложениялул мурад хъанахъиссер текстрал мурад күтілану бусаву, мугу авторнал гъанумур пикри, хавардануву буминнал хасиятру, ишру баххана къабувну.

Текстрал ца бутіул изложение дуллалисса чүмал, яни текстраву язи бувгъусса бутіул изложение дуллалини, щала материал къачичайссарча, ганива учительнал личіи дурсса темалия чичайссар, цурдагу чарча щаллуну, чарчагу күтіа дурну. Ва журагул чичрулул агъамшиву дуссар оърчал күлсса щаллусса произведениялувату ккаккан дурсса темалунсса материал личіи дан бюхъавур.

Изложенияртташал архал арулчинмур классраву чичайссар сочинениярттугу. Хъиннурда хъуни дакъасса сочиненияртту оърчал чичлай бивкіссар ххюлчинмур ва ряххулчинмур классирттавугу. Сочиненияртаясса тіалавшинна классрава классравун хъун дайссар.

Оърчал сочинениярдая гъанусса тіалавшиннану хъанахъиссер миннаща цала айқылуулук къувкъумур, цала пикри куннил хъирив кү чичин бюхъаву.

Сочиненияртту темалух ва журалух бурувгун личИ-личИссар (оърчIал цала оърмуул опытрайн чул бившуну чичайсса, суратрайн бувсса литератуralул произведение гъануну лавсун чичайсса).

ОърчIал цала опытрайн бувну чичайсса сочиненияртту миннал оърмулух бурувгун даххана шайссар. Сочиненияртту чичайссар оърчIан циняннан хасъсса иширттай, миннал аьмну дуллай бивкIсса давурттайту. Масала, «Ссутнил лишанну», «Шяравун инт дуркIунни», «Ттул нину», «Ххувшаврил байран», «Ттун ххуй бизайсса пиша» ва м.ц.

Литератуralул произведениялийн бувну сочинение чичлан байбихълахъисса чIумал, буляссар суаллу. Ми суаллансса жавабирттайну сакин шайссар хъун бакъасса хавар, чан-чанну тIий сочинениярттал темарду шайссар ва миннал цала произведениялуя, мунил геройтурая, миннал занакъалашиннардая цала пикри буллалимур чичаву тIалав дайссар.

Суратрайн бувсса сочиненияртту дан бучИссар цинявгу классирттаву. Ми дувайссар лахълахъисса произведениялул мурадрачIан гъансса темалийн бувсса суратирттайн бувну.

Ми журалул сочиненияртту учительнал оърчIаштал цал дакIних сакин дайссар яла чичайссар.

Школалий дувайссада личИ-личИсса чичрулул давурттаву агъанмурну хъанай дур сочинение. Сочинениярдал дур личИ-личИсса жуарарду. Яла чIяруну школалий ишла дуллай бур литератуralул произведениялийн бувсса ва оърчIал цала оърмулуву асар биян бувмунил гъанулийсса сочиненияртту. Вай давурттаву оърчIал лахълахъимуниясса пикри бувсун, цайнува цала цукунсса дунугу темалухсса цала бургаву чIалачИ дурну дикIан айкинссар.

Цуксса хIайпнугу, чIявуми лакрал школарттай сочинениялул ялувсса даврих багъайсса я бурган буллай бакъар. Хъинну чанну дур оърчIан асар хъумунил гъанулий чирчусса сочиненияртту, лахълахъисса литератуralул

произведениялийн бувсса сочиненияртту түурча, га произведениялүл мурад бусаврин күра дарну дур.

Хал бувсса школарттал арулчинми классирттаву чыруну хүнадакъайсса, сочинениярттал темарду хъанай дур шиннал чүннан хас дурну чирчусса, лакку кәнттун, цала шяраваллан ва байрамирттан хас дурну чирчусса сочиненияртту.

Сочинение – му чичруулул даврил личиисса журга хъанай дур. Сочиненияртту чичаврил ойрчал маз магьир шаврин, литературагул произведение куртіну бувчаврин ва мунин багъайсса кымат бишаврин агъамшиву дуссар.

Личи-личиисса темардайн бувсса сочинениярттал дуклаки ойрчан цала учин чимур куннил хъирив ку тайлану, буклакиманан бувчинну чичин лахъхын бан аркинссар. Амма чывумур чумал ойрчан цанна сочинение чичаврил сававгума къадурчлачиисса кәнттурдугу хъунабакълай бур. Цила багъайкунсса я му даврих бурган буллай бакъар дарс дихълахъимигу. Чывумий кәнттурдай му дарс дишинсса күлшигу дакъар учительтурачагу.

Ойрчал сочинениярттаву яла чыруну хүнадакъайсса диялдакъашивуну хъанай дур темалун хасъесса мурад къачичаву, произведениялуву хъанахъиминнан лайкъесса кымат бишун къабюхъаву. Чыруми сочинениярттаву ишру художественный произведениярттаву хъанахъисса чумуцун бавхуну къабикай.

Гъуртту хъанахъиминнан сипатирттал кымат бишлашини, инсан ялун урган цукунсса уссарив, ганал хасият, түллү чалачи дурну дур, ганал ойрмуулул лагма-ялтту хъанахъиминсса агъамшиву ккаккан къадурну.

Сочинение чичаврил гъану бизайссар художественный произведениелүл анализ дуллалини, чичаврил буюкъу түурча сакин шайссар ганил гъанусса мяна күл дуллалини.

Произведение ххал бигъаврил журагалух бурувгун сакин шайссар сочинениярттал журагарду: гъуртту хъанахъиминнал хасиятирттал хъирив лаяву, кымат бишаву – геройнал сипат, гъуртту хъанахъими цачIу бивхъуну, ххал бигъаву, геройтурали сипатру цачIу дирхъуну, ххал дигъаву.

Сочинение хIадур даврил цинявгу шачIанттай: материал хIадур дуллалини, чичлачини, чивчумур ххал бигълагьини каялувшиву дайссар учительнал.

Цумур дунугу темалийн бувну сочинение чичин оърчиру хIадур буллалини, ганил гъанусса мурад бакIравун итабакъин гайннан кумаг байссар, хъирив аркин дансса материал хIадур дайссар, сакин дайссар план, яла бучIискар пландалийн бувну дакIних мурад бусан бан ва чичин бан.

ЧIявлуну, оърчIал сочинениярттавусса гъалатIру итххяххан буллай бур гайннан тема, цала ссяту чичинтIискарив букъавчIуну личлаврин бувну, ганил гъанусса мяньна вив итакъадакъаврин бувну.

Сочинениярттал темардал мурадну бикIан бюхъайссар чичул щалагу творчестволул хъирив лаяву, ганал цаппара произведениярттан кымат бишаву ягу ца произведениялун хас дурсса темалийн бувну сочинение чичаву.

Чичул творчестволух бурувгун сакин хъанай дур сочинениярттал темардугу миннул цардугу.

VI. АРУЛЧИНМУР КЛАССРАВУ ДАЙССА ТЕОРИЯЛУЛ СУАЛЛАЛ ЯЛУВССА ДАВУ

Арулчинмур классраву, хъхьичми классиртаву литератуralул теория лахъхъаврил ялув дуллай бивкIсса даву хъхьичIуннай дачин дурну, куртI дайссар.

Программалул тIалавшиннарайн бувну, оърчIан дулун багълай бур яла аyrкинми дурчIалартту: лахълахъисса произведениялюя, ганил агъанми бутIрая, миннул чичун учин ччимур бувчIин буллалисса кумаграя, произведениялул чичул оърмулущалсса ва га чивчусса чIумущалсса бахIаврия.

Литератуralул теориялул яла агъанмур масалану хъанай бур сипатирттайну оърму ккаккан баву. Сипатирттайну чичул оърмулуву циняннан аымну хъун бюхъайсса ишругу чIалачIи бувну, гайннухсса цала ургавугу чIалачIи дуллай ур.

Литератуralул произведение лахълахъини дуклаки оърчIру кIул хъанай бур лахълахъисса произведениялул мурадращал, гъанусса мяньналущал, гиву гъуртту хъанахъиминнал сипатирттащал, произведениялул сакиншиннаращал мукунма мазрал пасихIшиврул ярагъуннищал ва литератуralул произведениярттал жуардащал.

Арулчинмур классрансса литератуralул программалий дуллуну дурва класс къуртал буллалисса оърчIан кIулну дикIан аyrкинсса лагрулийсса кIулшивуртту. Вай кIулшивурттал кумаг бантIиссар оърчIан цайнува цала бикIу, учительнащал архIал бикIу литератуralул произведение бувчIин ва ганин къимат бишун.

Литератуralул теориялул, миннул жуардаясса дурчIалартту оърчIан кIул хъуссар ялавайми классиртавугу. Ми кIул хъуссар назмурдащал, хавардащал, магъращал, учалардащал, бусалардащал.

Арулчинмур классраву ялавайми классирттаву лавхъхъумур күрті баврищал, ттинин хъунакъабавкъесса литератуralул теориялул масалартташталгу кіул хъунтіссар.

Литератуralул произведениярду қачын байссар, гайннул къайдарду, гъавас, лагру, тема хісав дурну. Гукун қачын бувесса, муданна қа тәбиаыт дусса произведениярдал жуардайн жанрапруду учайссар. Гъарца жанралул дур қила тәбиаыт, қила журға. Гъарцагу дуклаки оырчі бюхълай икін айркинссар личінің бан литератуralул произведениең цумур журагуунун багълай буссарив. Чаянира шиннайра литератуralул произведениярттү чичаврил дур шанна журға – эпический, лирический, драматический.

Оырчал я бурган байссар литератуralул произведениярттаву оырму личін-личіссесе чичруулул жуардай қкаккан баврих. Укун личін-личіссесе чичаву айркин дуллай бур инсаннал оырму личін-личіссесе жуардай қкаккан башиврул: бусса күццүй, қайми инсантурашал, иширтташал бавхынун (эпос), қувалу пикрирдай, дардирдал (лирика), ахирданийгу давриву, занакъалашибруву, қуннашал қуннасса бястраву, энадраву (драма).

Эпический произведениярдаву оырму гъартану қкаккан бувну бикілайссар, инсантурал оырмулул суратру, тарихраву хъанахъисса, халкъуннал дянивсса ишру қалачі байссар.

Вай произведениярдаву чичул қалачі байссар ми иширттахсса қала ургаву, миннул чулухунмайссаса асар.

Лирикалул произведениярдал айч байссар асарду, пикрирду, хияллу, шугълурду. Вай назмурдал қалав байссар вайннун жаваб дуласса асардугу.

Эпический ва лирический произведениярдашал оырчыру кіул шайссар дуккаврил личін-личіссесе шачыннттай, лакрал ва оырснал литератуralул дарсирдай.

Ялавайми классирттаву миннал личИи байссар шеърирдай ва хаварданий чивчусса произведениярду.

Арулчинмур классраву оърчлан бувчИин байссар инсантуран бувайсса гъалгъалул ва художественный прозалул дяниву личИишиву душиву. Учительнал му личИишиву бувчИин байни бусайссар художественный прозалуву чичул оърму яргну ЧалачИи бан, оърмулуву хъунабакъайсса ишру мяълумну ккаккан бан мазрал пасихIшиврул ярагъру ишла байшиву. БувчИин байссар мукунма мазрал пасихIшиврул ярагъру ишла баврийну проза поэзиялучIан гъан хъанай бушивруя, амма миннул дянивгу хъуннасса личИишиву душиврия. Шеърирдал хха архIа-архIалсса слогирттая сакин хъуну бикIайссар: миннуву чIявусса чIурдугу кунниха-ку лавхъхъусса бикIайссар. Шеърирдал кIукунсса сакиншиннарайн ритм учайссар, ритмалул шеъри бючIан байссар. Художественный прозалуву тIурча цукунчIавсса ритм, рифма ишла къадайссар. Ми дакъахъурчагу прозалул мазгу бикIайссар аьщуйн щусса, бюххансса, пасихIсса.

Прозалул жуарарду оърчлан аьщуйн щуну кIул дан захIимат шайссар, миннул цанна хасъсса, аьщуйн щусса аьдатру дакъанутIий.

Мунияту учительнан хъуннасса, аякъа дан багъай эпический произведениярдал дянивсса личИишиву дурчИин дан. Мунияту оърчлан бувчИин байссар эпический произведениярдал дайдихъу хавар бушиву, мунияту чичулт бувкIшиву очеркирттайн, повестирттайн ва романну чичаврин.

КлицI бан багълай бур цIанасса литература лахълахъисса элмулул вай эпический, жанрардаясса дурчIала сантирайн дуртун, миннул жуарардал дянив ца дазу риршун дакъашиву. Ми дурчIаларттал, гъарца журалул произведениялун цинна хасъсса хасиятру кIулшаврил хъуннасса агъамшиву дуссар произведениялул хъирив лаяйни, мунил анализ дайни.

Учительнан тIурча къабучIискар повесть, роман ххал бигъайни дайсса тIалавшиннарду ишла дан магъа, хавар лахълахъини.

Арулчинмур классрал хрестоматия байбихълай бур эпический балайрдаяту. Эпос хъанай бур фольклорданул (халкъуннал дакIнихсса творчестволул) жуардаясса ца. Мунил мяъналух, аымсса хасиятрах, тематическалух, формалух бурувгун эпос бачIлай бур цаппара жуардайх: вирттаврахасса, тарихийсса, лирикалул ва эпосрал бутIа хIала бувхсса лахъи балайрду (балладарду). Миннувасса чIявумий балайрду лахълай бур школалий, ми цивпагу бавхIуну бур тарихраву, оърмулуву хъусса личIи-личIисса иширттащал ва кумаг буллай бур дуклаки оърчIан хъхьичIазаманнул оърмулул сурат хъхьичI дацIан дан.

ХъхьичIазаманная жучIанма бивмунил бувчIин буллай бур чянива жула зунттал халкъуннал дяниву хIала-гъурттушиву цашалла цалла дакъассагу, оъруснال, гуржиял ва цаймигу миллатирттал халкъуннащалгу диркIшиву. Амма мунияр махъ, мангъулнал, туркнал, ираннал чапхунчитал дагъусттннал халкъуннайн дяъвирдай ххяхлай, зулмукаршиврийну цанма чимур цIакъ буллай, шикку ялапар хъанахъисса халкъуннаща тархъаншиву зехлай, миннал сакин дурмур зия дуллай, миннавусса гъарца, ххуймур бугъ дан хIарачат буллай ттуршрахъул шинну ларгун дур.

Я чил билаятирттал чапхунчитураща, я кIанттул хан-багтураща, куртIисса мяъналул ва гужсса асаддал видурцIусса дакIнихсса творчество лещан дан къабювхъуну бур. Ми халкъуннал ляхъан бувсса балайрдал барашин дуллай бур жула зунттал халкъуннал история хъунмасса бушиврул ва миннал цала дакIнихсса творчество чянияцIара сакин дуллай бивкIшиврул.

Дагъусттннал эпос арманинал «Сосуннал Давуд», къиргъизнал «Манас» кунма лахъисса бакъари. Къиргъизнал тарих ца «Манасрайну» биялну чIалачIи бувну бур. Цуппагу кIива-шанма хъунисса луттирду бувгъусса бур. Лакрал ва дагъусттннал эпос тIурча, лахъисса

бакъахъурчагу, пикри-мяньалул ва къалипраг чулуха щаллуну бартлавгса бур.

Лакрал литературалул программалийн бувну эпосрал балайрду лахълай бур ряххулчинмур, арулчинмур, ацЦулчинмур классирттаву. Лахъи балайрду лавхъхъукун оърчиру миннул жуардащал ва хасиятирттащал кIул байссар. Ххал бигъайссар оърчищащал миннул жуарду цания ца ссайну личIи хъанай бурив. Бурганну арулчинмур классраву лахъхайсса «Хан-Муртазааъли» тIисса лахъи балайлух. Шиву хъуннасса бургаву дурну дур виричунах, мунал талатаврих, гъунарданух, гужрах ва къириятрах. Муртазааълил сипатрайну халкъуннал яхIгу, буттал кIанттухсса ччавугу, душманнайнсса зидгу иширайну ккаккан бувну бур. Балайлул дайдихъулий тамансса кIану бувгъуну бур тарихрал иширттал. Ххуйну хIисав дарча, ми ишру ваца хъхьичI махъ кунма, Надир-шагънал циксса ттуупру, ттуупангру бивкIссарив, цукунсса билаятру цайнма мютIи бувссарив чIалачIи буллай бур: «Аърщарай щамаксса душманнал аярал битIикъукъулт кунма ялун бавчуна». ЧIалачIисса куццуй, ва балайлул хъхьичIимур бутIа буслай бур цукун къуват бусса душманнащал Муртазааълин иллан багъссарив. Вай гъарца зад тарихраву хъуну бур. Амма балайлул хъунмур бутIа Муртазааълил сипатрал, му иллалисса куццул, душманнал аярал бас бувну, къатI буллалаврил, мунал буллалисса гъалгъалул бувгъуну бур. Укунсса задру ца инсаннайну ккаккан буллалисса эпос вирттаврахасса балайрдал жуralувун багълай бур.

Ва балайлул сакиншинна ххал дигълагъини оърчиал я бурган байссар шивусса пасихIшиврул личIи-личIисса формардах. Шиву хъунадакълай дур хъуни бавуртту (махъ хъун бувну бусаву – гипербола «Цавай яру бури бярду кунмасса, царай уттусрийкса цал кару дури»), лашанбавуртту («ялув ссавнияту паранну кунна»), метафора («оъттул гъухъ», «гъалбурцIил кару»), эпитетру («кIирисса някI чIутIул», «чIарасса кьюкъя», «някI ссавниясса» ва м.ц.). Вай пасихIшиврул айламатру дархIуну

дур эпосрал мяъналущал, муниву учин ччимунишал. Ми цила-цила кIанттавун руртун балай сакин бавриву дур мунил хъунмурчIинсса ххуйшивугу.

Миву буллалисса гъалгъардал (диалограл) хъинну куртI дурну дур Муртазааылил сипат, мунал талатаврил жура, чурххавусса къувват ва циняннан (душмантуран ва дустуран) эбратну чIалачIаву.

Муртазааылил буттащалмур гъалгъалуву хъиннува куртI дурну дур мунал цукун махIаттал хъунсса виричушиву дуллалиссарив ва цукунсса хIал чурххайн бувкун буссарив.

Буттал кIанттул цIаниссса дяъвилуву Муртазааыли чIалачIи увну ур ца чулуха хъуннасса караматрал заллуну, кIилчинмур чулуха, щавурдугу дияйсса, цIунгу бикIайсса, угу уххайсса, цайми зияннугу шайсса инсантуравухсса инсанну. Амма душманнайр ххув къавхъуну ярагъгу щяв бихълай акъар.

Арулчинмур классраву лахъи балайрдащал лахъхайссар балладардугу. Балладарду хъанай бур эпосрал ца журану. Балладардаву тарихийсса кIанттурдая бусласаву чан хъуну, виричушившрийсса ва лирикийсса иширттая гъарзану бувсуну бикIайссар.

Балладалуву ми кIивагу зад хIала бувххун бикIайхъурчагу, ми щаллу хъусса жанралул ца журалий ккаккан бувну бикIайссар. Инсаннал дурсса виричушиву, мунал пикрирду, дардру, эшкьи-ччаву иширайну чIалачIи дурну дикIайссар. Балладардаву чIявуну караматсса, дакIин къабагъансса затирттая бувсун бикIайссар. Масалдаран ласурча «ГъалбарцI Аълил» тIисса баллада, шиву хъуслилшиврий хъуними уссурваврал чIивима ивкIлай ур.

Бусайссар дуклаки оyrчIахъ балладардаву цайва виричунай ай дакъасса бивкIу (бивкIурду) шайшиву. Миву ккаккан дурну дикIайшиву хантурал, багтурал, аваданминнал куннащал куннал, ягу халкъуннава увкссса виричунащал дуллалисса ччалаччавуртту, литIлатIавуртту, ххуйма

хъяврин увну, мунан зиян бавуртту, душнил ва оърчIал ара зия дурну, миннал бакIрачIан бувкIумур бусласавуртту. ЧIявумур чIумал, ххуй бакъасса инсантурал цана хас акъаманащал талатаву дайшиву кьюлтIину, хъяврин увну. Бусайссар мукунмасса задру шайшиву уссурваврал дянивгума, ялув кIицI лавгсса балладалуву кунма.

Цимивагу баллада ххал бивгъуну, оърчIан миннул хасият кIул хъукун, миннаща балладарду байми журагул эпический балайдая личIи бан бигъану хъунтIиссар. ЧIалачIисса куццуй, балладарду бюххансса, дакIинин асар хъунсса, виртавран ккавкмур дакIивун къувтIуну, бакIрава къабуклакисса бур. Мугу пасихIисса мазрай балай баву дакъасса, мунил сакиншиннарал ва темалул ляличIишиву дур.

Арулчинмур классраву оърчIру кIул шайссар эпический произведениярдал цамургу журагулуштал – баснялущал. Баснялул гъану хIайвантрал, жанавартрал миннувухва хIала инсаннал сипатру дурну, миннул мазрайну, рихшантрай, чулий мяньалий, сатирапул журалий увкусса махъру хъанай бур. Щил маз ишла барчагу, баснялуву дащей дирхъуну дикIайссар инсантурал оъккимий хасиятру, дуллалисса даву, багъу-базу. Басня къуртал шайссар насихIатрайну, мораль бусаврийну. Мивугу учин ччимунил гъанусса мяньна дуссар. Ца-ца чIумал мораль бикIан бюхъайссар баснялул бакIрайгу.

КIай ларай кIицI ларгсса баснялул хасиятирттая дуклаки оърчIахъ бувсун махъ, бувчIумур цIакъ бан бусайссар жула лакрал баснярду чичултрай ва дакIинин бичайссар оърус литературалул дарсирдай лахъхъайссба баснярду ва ми чивчуми.

Лакрал акъа дагъусттанныалгу хъхьичIа-хъхьичIисса басня чичу хъанай ур Гузунхъал XIасан. Арулчинмур классрал программалийн бувну оърчIал лахъхъайссар Гузунхъал XIасаннул чивчусса «Юсуп-ханнал ажари» тIисса басня.

Оърмулул къура шин хъуну Гузунхъал XIасаннул чивчуну бур яла гужмий произведениярдаву агъамсса кIану бувгъусса басня «Юсуп-ханнал ажари». Чичул му баснялул гъануну лавсун бур Кураллаву хъусса иш.

«Документиртал бусласаврин бувну, кураллал агъалинал цала оърмулул къурчишиврия, ккашийх бувккун нанаврия, Юсуп-ханнал буллалисса зулмурдая, ласласисса хъунисса налогирттай округрал начальникнайн аързарду чивчуну бур. Ми ххал бигъин лавгун ивкIсса Лорис Меликов агъалинал тIимур тIайла буллай цаярва хъунаманайн чичлай ур: «Кураллал хан, генерал-майор Юсуп-баг шиная шинайн цала аързи гъарта-гъарза дуллай, дагъиялийну ва арцуйну налогру хъуни дуллай, миннул ахир къачIаландиркIукун халкъ ссавурдания бувккун бур...»¹. Ва оърмулову хъусса иширайн бувну Гузунхъал XIасаннулгу басня чивчуну бур. Шаэрнал ажарттул образрайну халкъуннал тагъар цукунсса дуссарив яргну чIалачIи буллай ур.

Кураллал жяматру иттипакъ хъуну
Хъунмасса ажари машан лавсун бур,
Мунил къув бивттуну, тIинтту рирттуну,
Му сагъну бунува кIачIа бувну бур.
Памушник щяивкIун ишру ххал байни,
Мунал усттурданий ажаригу хъур.

Цуксса усттарну Гузуновлул аъркинмур бувчиин буллай урив чIалай бур ялаваймур бутIуй. Ажари столданий хъуну махъ, халкъуннал:

Вакилтурал кунни, жул аърза бакъар,
Вана ва ажари винма чIалай бур.

«Жул аърза бакъар», – майжаннугу, аърза бакъарив? Аърза бур, цуппагу хъунмасса. Амма вакилтал нигъа бувсун бур цанма танмихI къабан. Шаэрнал тIурча, цинма хасъесса баснялул формалий, тIайлану

¹ Кассиев Э.Ю., Ахмедов С.Х. Дагъусттаннал литература. Махачкала, Дагучпедгиз, 1992 г.

бувчын бувну бур вакилтал циван къабивкүн буссарив, миннал гъарзад ажарттуйн циван бутлай буссарив. Ажари түрча, бивзун, э-өй-гу куну, нигъагу къабувсун, халкъуннал тагъар цукунса дуссарив тайлану бувчын буллай бур:

Ва бала мусиват ттуй бувсса кунма,
Кураллал билаят укун буссари.
Кураллал аэрщарай күлли түркү тий,
Дуканмур, лахханмур дақъа буссари.

Баснялуу муенин савав Юсуп-хан ва мунал къуллугъчитал бушиву хъинну мяълунну ва щаллуну чалачы бувну бур.

Амма «ажарттул тимур бан, Юсуп-хан укъан увну, цама начальник ивтссар тий халкъуннан ялттува баян барчагу, къюлтіну хангу цала кіанай ивтун, мунал помощникнугу «начальник» ивтун ур. Айзачитурал ойван ми кіиягу бавкъуну, халкъуннай буллаисса зулмурду хъиннува гуж бувну бур.

Шаэрнан чалай бур айзардайну цичав къашайшиву. Амма халкъуннал тагъар, миннал пикрирду ахвал ххуй бан буллаисса харачат тайлану ккаккан баву хъунмасса задну ккалли бан бучир. Шяир хъинну вихну ур цамур, цусса ойрму бучантчишиврий:

Апарин, ажарий, ина бувунни
Мискинтурал ялув хъунисса ишру.
Бучантссар замана, турду рищунссар,
Зулму яла лавгун, рахмат хъунссару.

Шаэрнал ккаккан буллай ур зулмуул личи-личисса чуллу. Цала захматрай, дақ тайлану яхъанахъисса инсантал хъяврин буллалаву, хилларду, макрурду буллалаву – му хъиннува захматтаса зулму хъанай бушиву. Гузуновлул цулкүлүл, бурчил, варанттул образирттайну ккаккан буллай ур макрурдаву заралсса «микробру» бикайшиву. Масала, чиарусса

шиннардий цила билаятрай ххаллилсса урттуву, түтэлаву, багырдаву буллугърай яхъанахъисса варанттухь хиллакар цулкүлүл тий бур:

Ва киантту ттулихха, ина циссара,
Вил ихтияр цири, изму щияри?

Микку варанттул ва цулкүлүл дя-зума даншиврул судрайн булун хүкмү бувну бур. Шарильтрал дивандалий (судрай) къадишиву дан цулкүлүл бурцын овкүкүн, загълунсса варанттуя му нигъабусарчагу, хүхчил хъа биширча, гъарзад ххуйну хъунтиссар куну, цулкүлүл му рязи буллай бур. Судрал хүкмү бувну бур варанттуй хүхчил хъа бишн. Цила мазран ва цинма бан нанисса бала щуркүл хъуну, варанттул хъап куну бувгъуну, тихунмай, шихунмай палцы буллайгу бивкүн, бувххукун раттүв экни бувтун гъан бувну бур.

«Варанттул диктүя махтум хурчагу,
Душман ивкүн мурад цулкүлүн буллун бур»

– тий ур шяир. Махъа-махъыг баснярдай биктыйсса күцүй, укунсса бувчын баву (мораль) маслихат буллай ур:

Пикри бара, дустал, ва хаварданий,
Байсса иширттаву тайлану биктэн.

Хъхьичва-хъхьич оврчын күл шайссар эпический произведениялүл журану хъанай бур хавар. Хавардаштал оврчын күл хъанай бур байбихъулул школалийгу, дянивми классирттавугу, лавайми классирттавугу.

Ормулуву хъусса ца чивисса иш лавсун, ганияту чивчусса, личину хъун бакъасса произведениялийн хавар учайссар. Цила лагрулул хъун дакъашиврийнур мунил повестьясса ва романдалуясса личишивугу.

Хаварду биктыйссар гъанусса мяньна, мурад бусса, цукунсса бунугу инсаннал ормулуву хъусса иширая, жанавартрал ормулух бусласисса, тайбильтрал чалачиннарая бусласисса, щугълурду чалачы буллаисса.

Хаварду бикIайссар мукунма ххуйсса ягу оъккисса дайлитIу дусса, дайлитIурагу дакъасса. Ца-ца чIумал кIира-шанна чагъарданул чIапIуй, чичрулий, чIалачи бувну бикIайссар инсаннал щаллусса оърму, ца-ца чIумалгу зувира-мукъцIалла чIапIуй, чIивисса лахIза.

Ца-ца хаварданул бусласимуниву чIалан бикIайссар буккун цанма хъхьичIавагу кIулну бивкIимур, цайминнуву тIурча, такIуй хъун къабюхъаймур, майжан бакъамур, так хияллаву хъхьичI бацIан бан бюхъаймур.

Хъунабакъайссар мукунма чIявусса хавардал кьюкълуву цава ца герой усса, ягу хъун бакъасса ца хавардануву чIявусса геройтал бусса кIанттурдугу.

Лакрал литератуralул программалий, дянивми ва лавайми классирттаву лахъхыин ккаккан бувну бур мадарасса хаварданул жанралий чивчусса произведенияртту.

Лакрал литератуralул программалий дянивми ва лавайми классирттаву лахъхыин ккаккан бувну бур мадарасса хаварданул жанралий чивчусса произведенияртту. Миннуясса цану хъанай бур А. Оъмаршаевлул чивчусса «ХIухчу Рамазан» тIисса хаваргу. Хавардащал оърчIру ялавайми классирттавугу кIул хъуссар.

Классрал лавай хъанахъиссаксса оърчIан жанрардая кIулмур гъарзагъарта хъанан бикIайссар, миннал хавар тарих гъануну лавсун ягу оърмулову хъусса иш гъануну лавсун чивчусса буссарив личIи байссар.

Лакрал ва оъруснال литератуralул дарсирдай хаварданул жанр лахъхъаврийну оърчIан бувчIайссар мунил темарду оърмулову хъанахъисса иширттацIун дархIуну даххана шайшиву ва миннул инсаннал оърмуул циняв чуллу чIалаchi байшиву.

Лавай кIицI лавгсса куццуй хаварду бавхIуну бур оърмулову ва тарихраву хъусса иширттащал. Лавг заманнул кинирду оърчIал хъхьичI

даңлан дуллай бур И.-Х. Къурбанаълиевлул «Жабраил», А. Оъмаршаевлул «ХIухчу Рамазан», Ю. Хаппалаевлул «Нину ва арс» тIисса хавардал.

Та заманнайсса оърчIру ккашилну, лаххиялул лащинну бивкIун бур. КIу-кIусса давурттив дуллалаврил тайнан бакI гъаз дансса мажал къабивкIун бур, тай элму-тарбия лахъхъаврия, школалия махIрумну бивкIун бур.

ОърчIру ва тагъарданий бивтсса паччахIнал хIукуматрайн чичулт цала чичурдайну къарши буклай ва оърчансса алши-талихIрал щаний, цала революциялул ххуллийсса давриву ва талатавриву букъавсса къабитлай бивкIун бур. Гайннан хъинну чай бивкIун бур оърчIру ккашища, зулмулуша, ихтиярду дакъашивруща ххассал хъуну. Элмулул ва культуралул хъинбаларду тайнан ккавккун, тайнная халкъуннангу, буттал кIанттунгу хайр булун бюхъайсса инсантал хъун. ТIутIимур тайлашиврул, ккалаккинан бюххаврил чулуха лакрал литератуralуву лайкъесса кIану бугълай бур А. Оъмаршаевлул «ХIухчу Рамазан» тIисса хаварданул. Хаварданул гъануну авторнал лавсун бур 1912-1915-ку шиннардий цанма букансса ччатIух-иных аваданминначIа ичIува зий бивкIесса мюрщикса оърчIал оърму.

Нитти-буттаща хъхъу-къини къакуну зий бунугу, оърчIан янна-ус, дуки-хIачИя дулун бюхълай бивкIун бакъар. Мунияту оърчIан багълай бивкIун бур цала оърмулун къалавхъхъусса захIмат буллан, цала цивппа дулан хъун.

Ряххулчинмур классраву лавхъхъусса И.-Х. Къурбанаълиевлул «Жабраил» кунмасса, чан-къанну личIийсса темалийн бувсса хавар бур «ХIухчу Рамазан».

ЧалачIисса куццуй ва хаварданул гъанусса геройталну хъанай бур мюрщикса оърчIру, хъхъичI бацIлай бур миннал оърму ва миннан та чIумал ккаклай бивкIумур.

Арулчинмур классраву хавардашал назмурдашал бакъассагу оърчIру кIул хъанай бур Апанни Къапиевлул чивчусса «Шаэр» тIисса повестьял бутIрашал. Ряххулчинмур классравува оърчIру кIул хъуну бивкIссар повестьяясса дурчIалалушал, бухъурчагу арулчинмур классравугу дакIнийн дутайссар повестьран хасъесса личIишивуртту.

Литературалул теориялун хас дурсса давурттаву, учебникирттай чIалачIи буллай бур повесть – му хавардануяр хъунмасса, романдалуяр чIивисса произведение хъанахъишиву. Му мукунсса произведение хъанахъишиву оърчIан цал уттигу дакIин бутан бучIиссар. Бусайссар оърчIахъ повестьраву хавардануву кунма хъусса ца хъунбакъасса иширая чивчуна къабикIайшиву, цимиивагу ца инсаннал оърмулову хъусса иширттай чивчуна бикIайшиву, ми циняв ишругу, произведениялул гъанума геройнал лагма хъанан бикIайшиву. Повестьраву цимиивагу ишру бакъа, ца геройнал лагма гъанагъисса цимиягу геройгу икIайшиву. БувчIин байссар мукунма повестьраву оърму хаварданувунияр хIала бувххун (сложныйну) чIалачIи бувну бикIайшиву.

ЧIалачIисса кущцуй, повесть учин бюхълай бур дянивсса лагру дусса эпический произведениялийн. Повестьял лагру романдалуяр чIириссар. Цила аьдатрайн бувну, повесть чIяву бакъасса эпизодирттайну щаллу хъанахъиссар: ганиву гъуртту хъанахъисса инсантал хаварданувунияр чIявуссар, амма романдалувунияр чанссар.

«Шаэр» тIисса новеллардая сакин хъусса лу А. Къапиевлул произведениярттаву агъанмурну хъанай бур. Ганиву щаллу дурну дур шаэр Сулайманнул сипат, ккаккан бувну бур ганал оърму. Цала луттирал хъхьичIмукуву Къапиев чичлай ур: «Луттираву цичIав личIисса ишру хъанай бакъассар. Авторнал цала хъхьичI бартбигъин захIматсса масала бивхъуну буссар: шаэрнайхчIин ккаккан бан оърмулул проза, га нанисса куц ва гъарица къини хъанахъимунил дахханашиби. ЛичIи-личIиссанняя къасттана арх уцлай ва мудан хъунбакъакъимур бакъа ккаккан къабуллай (иччун мури яла жапамур), автор хIарачатрай ур шаэр цува ккаккан аврияр,

тарих лахъисса зунттал агъалинал рухI ганиву дурчIин, революция хъуну махъисса багъу-бизулул гъанулий га ххал дигъин»¹.

Чичул ва масала хъинну усттарну щаллу бувну бур. Луттираву жула хъхьичI ацIай ур хIакъисса зунттал чув, ккаккан дурну дур Совет хIукуматрал зунттал халкъуннал оърмулуву дурсса дахханашивуртту. Чичул шаэр Сулайман хъхьичI ацIан уллай ур ккурттулуву, чурчарисса къяпагу бивхъуну, ганал яру бур хъунисса, някIисса, лажин дур мурхьирал къавкъисса чIапIуха лархъхъуну цIанну ттуруссса, мунияту дахъва чял хъусса ганал чIири марххала кунма кIялану чIалай бур.

Сулайман ур шаэр ва хъудугъу. Ганал гъалгъа бур шаэрнал зумуну чIюлусса, циву оърмулул дарсру гъарзасса, айкъылу бусса, Сулайманнул ихтилатраву чIявуну ишла буллай ур лашанбавуртту, символлу, метафорарду. Вана учала кунна айкъылу бусса калима: «Бусласиманал дугъайссар». Шикку ихтилат хъунил давриха лашан бувну бур, ца ур хъу дугълай – гама ттихIай. Лашанбаву: «Шаэр булбул куна сахаватлуну икIан айркинссар»; метафора: «БакIрачIан бувкIицириннул гъиву дур ттул дакIиниву лухIисса къюмайтIутIи кунна. Га щаралархъун, хъамаран дизлай дур. Ганил ялун на къус икIаннин гива нанисса къункъал ттул оътту щаращи буллай бур».

Шаэр ур обществолул жяматрал къуллугъчи. Цала къуллугъ багъайкун биттур булланшиврул шаэрнан айркинни тархъаншиву.

Шаэрнал сипат яргну чIаланшиврул, Къапиевлул гъарза-гъартану ишла дурну дур ганал дуллай ивкIимур. Цаппара новелларду ганал чирчуну дур цала, чичул цIанияту, цайми ганала цIания автобиография кунма, цаппараннуву ккаккан увну ур ХIабиб тIисса Сулайманнул дус. Буккун къакIулли, ганал сиппат цукунсса дуссарив, га ци даврий уссарив, ганал ци кулпат буссарив. Га ур авторнал кIану бугълайсса инсан. ХIазран бакъархха шаэртурал назмурдаву Апаннинайн ХIабиб тIисса!

¹ Капиев Эффенди. Избранное: в 2 томах. Т. 1. Махачкала, 1971. 9 с.

А. Къапиевлул новеллардая сакин хъусса повестьраву ца геройнал лагма гъанагъисса цимиягу геройгу ур, мукунма оърмугу хаварданувунияр хIала бувхун чIалачIи бувну бур.

Мунияту, оърчIаштал ххал диргъуну вай повестьрал хасиятругу «Шаэр» тIисса произведениялул анализ дайссар.

Арулчинмур классраву дуклаки оърчIру кIул шайссар романдалуштал. Миннал лахъхъайссар М. Хуршиловлул чивчусса «Сулакъ баар» тIисса роман.

ХъхьичIва-хъхьичI бувчIин бан айкинссар дуклаки оърчIан роман цила лагрулийну циняв прозалий чивчусса произведениярдаяр хъунмасса бикIайшиву. Ца-ца чIумалгу му повестьраяр лагрулул хъунмасса бакъанувагу романну ккалли буллан бикIай, мунил оърму гъартану ккаккан бувну буну тIий.

Оърмулул ва чIумул гъартасса сурат щаллу дуллалисса ишругу айчухну, гъарца чулухату лавсун ккаккан буллалисса хъуннасса лагру дусса эпический произведениялийн роман учайссар.

Бусайссар романну бикIайшиву прозалий чивчусса ва бикIан бюхъайшиву назмурдайссагу (масала, А.С. Пушкиннул «Евгений Онегин» – оърус мазрайssa). Повестиrtтаву къадикIайссар, романнаву архIала дачин дурну дикIайссар кIира-шанна, мунияргу ххишаласса сюжетру. БикIан бюхъайссар сюжетрал ца ххуллу, яни лябуклай нанисса иширттал ца яржа. Амма тамансса романнаву сюжетрал цимивагу ххуллу хъунабакълай бур, ххишалдаран гай ххуллурдаватусса гъарцанничIа завязка, кульминационныйssar пункт ва развязка дикIан бюхъайссар.

Сюжетрал ххуллурду бикIан бюхъайссар гъанусса ва кIилчинмур даражалулss. Сюжетрал гъанусса ххуллурдуну хъанахъиссар гъурттушиву дуллалисса яла хъуниминнал къадардануцIун бавхIуну хъанахъиссар цаппара ишру.

Сюжетрал ххуллурду тамансса бушаврил каши дуллай дур ойрму гъартану чалачиIи бан, хъинну чиявусса инсантал ккаккан бан. Ганил чичуххъюн каши дуллай дур ца-цасса геройтал гъарца чулухату сурат дурну ккаккан бангу.

М. Хуршиловлул чивчусса «Сулакъ баар» тIисса романдалул ккаккан буллай бур 1905-кусса шиналсса революция хъуну махъ Дагъусттраннал захIматкашнал дуллай бивкIисса талатаврил сурат.

Романдалуву чичу буслай ур Салатаву тIисса зунттал шяраву революциялул хъхьичIисса шиннардий хъанахъисса иширттая. Романдалуву усттарну ккаккан бувну бур шяравусса хъуслил ва къинилул заллухъру ва мискинтал. Шяраваллил старшина Узаир ур оъсса, инсаннай къия дангу, гай кьюкъин бангу махъунай къашайсса адимина. Узаирдул чул бишай кIануну хъанай ур малла Аърипгу, гайннал махъ бавцIуну бур паччахIнал хIукуматрал бивтсса чиновникталгу.

Романдалуву ккаккан бувну бур залимтурал зулмурду бухIан къахъанай, гайннайн къаршину буклан бивкIисса мискинталгу: XIусман, Байгъуш ПатIима, Мисиду ва цаймигу. Узаиргу, ганал ппу Аъраш-найпгу бусса шяраву ацIан дакIил къамул къабуллай, ятинну ливчIисса жагъил Оъмар xIалтIилий най ур. М. Хуршиловлул биялсса захIмат бувну бур Оъмардул революциялувунсса ххуллу аъчухну чалачиIи бан.

Зузалтрап ойрму «Сулакъ баар» тIисса романдалуву чалачиIи бувну бур зузалт хъудугъултрап ва Аърасатнал циняв мюрш миллатирттал талатаврил бакIичитал бушиву. Так зузалтрап дянив Оъмардуя хъунни цила икIайкунсса, унгу-унгусса революционер.

«Сулакъ баар» тIисса романдалуву М. Хуршиловлуша бювхъуну бур Дагъусттраннал зунттал агъали чантI тIутIаврил мархри чалачиIи бан.

Произведениялувусса ишру куртIисса бур: ганиву чIяруссса эпизодру, чиявусса гъуртту хъанахъими бур. ЛичIи-личIисса журалий общественный

группарду гъуртту хъанай бур. Шиву ккаккан буллай бур революционертурал кьюкълуву Оймардул дуллалисса къянкъасса талатаву.

«Сулакъ баар» түнисса роман лахъхъаврийну дуклаки ойрчлан күл хъунтүссар жула халкъуннал лавгсса ойрму, га заманнайсса багъу-бизу, аьдатру, куннал куннащалсса аарду, зунттал халкъуннал ас, намус, чувшиву, яхI, къирият, иш багъний чараав бацлаву, ххарину хъамаличу къамул аву чичун ххуйну күлшиву. Мунищала архIал заманалун хасъсса лащинсса, къадарсса түуллу дусса, хъуслил ва хъуншиврүл цаний чимур лавмартшиву дан махъунмай къашайсса хантурал, багтурал, ттуршама къатрал заллухъруннал халкъ лиллай, гайннал дянив ссивцурду бичлай, сси бунай ссан дизлай бачин бувну бивкIсса ойрму чичул буюхъайссаксса хъирив лавну лавхъхъуну бивкIшиву.

VII. ЛАКРАЛ ЛИТЕРАТУРАЛУН ХАС ДУРНУ, КЛАССРАЛ ВА ШКОЛАЛУЛ КЬАТИУВ ДАЙССА ДАВУРТТУ

Школалий классрал къатIувсса даврин хъуннасса агъамшиву дуллай бур. Мунил масаларттуну хъанай бур: оърчIру цила багъайкун тарбия баву, оъннасса чIун личIи-личIисса, миннан ххуй дизайнса, хайр бусса давуртту дуллай тIайла дуккан кумаг баву.

Классраву, лакрал литературалул дарсирай, оърчIан лахъхин буллай бур произведениялуву бусласимур бувчIинну, чичул магъиршиву хIисавравун ларсун лахъхин.

Вара даву хъиннура куртI дуллай дачин дан багълай бур классрал къатIувсса буккаврил дарсирайту.

Луттирад оърчIан кумаг байссар оърмулевусса ишру бувчIин, чайгу бикIайссар хъиннува чIявусса кIул бен. Классрал къатIувсса буккаву хъанахъискар оърчIал пикри щаллу бансса, чара бакъа дан айкинсса давуну.

Махъсса шиннардий захIимат хъуну бур оърчIаштал классрал къатIувсса буккаврил даву дачин дан. Цанчирча, чIявусса оърчIру кIункIутIи хъуну бур техникалучIан, аьщуйн щуну лахъхайсса элмурдачIан, спортрачIан. Литература тIурча, гайннал кIилчинмур пландалийн рутлай бур. Мазрал ва литературалул дарс дишайсса учительтал укунсса тагъарданул буржлув буллай бур классравугу, дарсру къуртал хъуну махъгу кIа иш янила буккан къабитан.

КIулсса куццуй, школалул дуккаврил ва тарбия дулаврил даву дарс дишаврийну къуртал хъанай дақъар, архIалла дачин дан багълай бур классрал ва школалул къатIувсса давугу. ХIатта ххуйну даву дирхъусса школалий, опыт бусса учительтурачIа, яла ххуйми методирттай оърчIаштал классравусса даву дуллалисса кIанттурдайгума хъунабакълай бур художественный литературалия, чанну хавар бусса, литературный маз къакIулсса оърчIру. Ванин сававну классрал къатIувсса литературалул

даврих, кружокру зузаврих, литературно-творческий дарсру оърчIахъ дишаврин, литературно-художественный вечерду, экскурсиярду ва м.ц. давуртту дуллалаврих школардаву багъайсса ургъил къабуллалавур.

Учительтуран кIулну бикIан айкинссар дарсирайтар махъсса чIун оърчIал цуксса цанна мюнпатну гъан дуллай буссарив.

Литература дишайсса учитель буржлувссар кIул бан оърчIан цукунсса луттирду буклан ххирассарив, цукунсса бувкүссарив луттирду, ми ча ласайссарив, цуми журналлу буккайссарив, буккаврин нюжмардий цуксса чIун харж дайссарив.

Вай цимурца кIул барча, дуклаки оърчIачIансса ххуллу лякъин, миннащалсса дахиаву цIакъ дан, оърчIая цукунсса тIалавшиннарду дан дурив ххал дан бигъа хъунтIискар.

Школалул къатIалу лахъхиншиврул, литератуralул учительнал чIявуми оърчIал луттирду ласайсса библиотекалущал дахиаву дан айкинссар. Мунил мурад оърчIал цукунсса луттирду буклай бурив ххал бавур.

1. Классрал къатIувсса буккаву.

Школалул къатIувсса даву – му хъхьичIра-хъхьичI, классрал къатIувсса буккаву сакин давур.

Цинявгу классиртал программалий ккаккан дурну дур классрал къатIув буккинсса произведениярдал сияхI. Му сияхI майжан дайссар литература дишайсса учительнал, школалул библиотекалувусса луттирду ва оърчIан кIулмур хIисавравун лавсун. Классрал къатIувсса буккаврил дуссар кIира жура:

а) чарабакъа дуккин айкинсса, дарсирай лархъхъумуницIун дархIисса материал цайнура цала дуккинсса;

б) цанма ххуй бизайми, ягу учительнал буккин маслихIат бувми луттирду цала мажал хъусса чIумал буккаву.

Учитель чарабакъа оърчIал классрал къатIувсса буккаврил ялув ацIан айкинссар. Ганал бюхъайссаксса кумаг бан айкинссар классрал къатIув буккин ккаккан бувсса луттирдал библиотека щаллу бан. Библиотекалул зузала кIул увну икIан айкинссар 8 классрал оърчIан классрал къатIув буккин айкинssa луттирдащал. Мунал луттирду баххана баван айкинссар нюжмардий, кIира нюжмардий цал. Агарда библиотекалуву оърчIан буккин ккаккан бувсса луттирду чанну бухъурча, бучIиссар дарсирдая махъ классраву бавцIуну лахъну буккаван. ОърчIая, цала бувккусса произведениялул, ганил авторнал цIа, фамилия ва произведениялул чулухунмайсса цала пикри чичаву тIалав дайссар.

Буккаврил ялув каялувшиву даврил яла къулаймур журо хъанахъиссар классрал къатIувсса буккаврил дарсру. Ми дарсирдал мурадну хъанахъиссар гъарца оърчIал классрал къатIувсса буккаврил ялув каялувшиву даву, миннал буккаврил хъирив бацIаву.

Классрал къатIувсса буккаврил дарсру цIакъну дархIуну дикIан айкинссар литератуralул дарсирдащал ва цаймигу луттирдащалсса даврил жуардащал.

Классрал къатIувсса буккаврил дарсирдай дайдирхъусса даву къуртал хъун бюхъайссар буккултрал конференциярдай, литератуralул вечердай ягу ми дарсирдай бюхъайссар жям дан конференциярдай, литератуralул вечердай дурсса давуртту. Мукунсса давурттуну хъун бюхъайссар цала улча лахъхъаврил ялувсса давурттугу (оърчIал бюхъулух бурувгун).

Литератуralул программалул, шинал мутталий гъарцагу классраву мяйра дарс классрал къатIувсса буккаврин ишла дан ккаккан дурну дур.

Классрал къатIувсса буккаврил план даннин хъхъичI, хъинну хъирив лавну, буккинssa луттирду личIи бувну бикIан айкинссар.

Мивусса произведенияртту бикIан айкинссар идеялул ва художествалул чулуха лавайсса, ххуй бизансса, оърчIан бигъану

бувчIинсса. Ми произведениярттал оърчIал кIулшиву ларай дайссар, буккаврил усттаршиву магъир дайссар, хияллаву сурат даву итххяххан дайссар, пикри буллали айссар.

Классрал къатIувсса буккаврил дарсру дишаврил къайдардал агъамшиву чIирисса дакъар. Вай дарсирдай цирда литератуralул дарсирдайнияр чIяруну ишла дайссар хъирив бацIавуртту, ххал бигъавуртту, хIала бакъайссар тIуркIулул бутIри, личIи-личIисса жуralул сценкарту, конкурсру (бяс-ччаллий буккавуртту).

Классрал къатIувсса буккаврил дарсирдал план дайссар ми дарсирдан хъхьичI бавцIусса масаларттайн чул бившууну, миннул литератуralул дарсирдащалсса дахIаврих бурувгун. Буккаврил дарсирдал план дан айкинссар учительнал цанма къулайсса күццүй. Мунаща бюхъайссар хъхьичIра-хъхьичIисса байбихъулул дарс классрал къатIувсса буккаврий каялувшиву даврил цалчинмур шачIануну ккалли дан.

Ми дарсирдай оърчIан буккаврих гъира бутан айкинссар. Букъавккуманаша луттирдал геройтураясса ихтилатравух хIала уххан къабюхъантIиссар, му давривух хIала уххан чарча буклан багъантIиссар. Классрал къатIувсса буккаврил дарс дишаврил яла къулаймур журал хъанахъиссар – конкурс, бяс-ччал.

Мяйлчинмур классраву 2-3 дарс харж дан бучIиссар дакIнихсса творчествалун, бюхъавай чIявусса шаммарду дакIних лахъхыин маслихIат барча ххуйну хъунтIиссар.

Классрал къатIувсса буккаврил дарсру хас дурну дикIан бюхъайссар лакрал ва дагъусттаннал халкъуннал дакIнихсса творчествалун ва лакрал ва дагъусттаннал чичултрал произведениярттащал кIул шаврин.

Дарсиайн хIадур дурсса материалданух урувгун учительнал хIадур байссар цала бансса ихтилат.

Хъинну ххуйну хъунтIиссар дарсирай кIицI лагансса луттирдал выставка дарча. Учительнал хъунмасса бияла буссар гъарца оърчI цащава бюхъайсса xIарачат бувну, гъира бувтун, дарсирайн xIадур аврин.

Махъесса классрал къатIувесса буккаврил дарсру, щала шинал мутталий бувккумунил ккал даврин хас дарча бучIиссар. Ххуйну хъунтIиссар, агар ва дарсирайгу хъхъичIра-хъхъичIсса классрал къатIувесса буккаврил дарсирай куна библиотекарь гъуртту хъурча. Му учлан аyrкинссар оърчIал бувккусса луттирду чивчусса карточкардугу ларсун. Мунал оърчIахъ бусайссар буккаврил агъамшиврияту ва ларгсса шинал чIявусса луттирду бувккусса оърчIаяту.

Аъмну щала классрал буккаврил къимат бишлашини, библиотекарнал ва давривух xIала буххан байссар цаппара буккултгу. Щуххайссар миннахъ цумур бунугу луттираясса цала пикри дакIний ливчIсса геройтурал, цанма яла гужсса асар биян бувсса иширттая (ихтилат банми хъхъичIва xIадур бан бучIиссар).

Дарсиral ахирданий учительнал оърчIру кIул байссар гъинтнил мутталий дуккинssa литератуralуштал. Литератуralул сияхI дикIан аyrкинссар хъун дакъасса, бувчIин бан аyrкинссар сияхIрайсса луттирду бакъассагу, оърчIан буккин аyrкиншиву цанма ххуй бизайсса цаймигу луттирду.

Гъинттул буккинssa луттирдал маслихIат буллалини, учительнал ми луттирду оърчIан ккаккан байссар, миннуя гъарцаннуя бусайссар, баян байссар дучIантIисса дуккаврил шиналсса цалчинмур дарс гъинттул бувккумуни хас дантIишиву.

БучIиссар оърчIан буккултрал дневникру бачин баву маслихIат бангү. Ми дневникру бачин бансса қуц оърчIан шинал мутталий лахъхин бувну бикIан аyrкинссар.

Дневник башиврул тетрадь кIива бутIуйх бачIайссар. Мунил цалчинмур бутIуй чичайссар циняв бувккусса луттирду: цел автор, яла

луттирил ца, лу итабавкъусса шин, художникнан ца. Кілчинмур бутІа оърчІал цанма ххуй бивзсса луттирил чулухунмайсса цала пикри чичаврин харж байссар.

Чичаврил журагдү дикІайссар личІи-личІисса. Му бюхъайссар бикІан щаллусса луттирил кымат бишаву, (гъуртту хъанахъиминнаясса хавар, текстрава цанма дакІний ливчІмур парча, цумур бунугу цанма хъинну асар биян бувсса сурат). Мукун личІи-личІисса давурттая оърчІру къахъунтІиссер. Му дневникрал хъирив лаяврийну учительнаща цала оърчІал кІулшивугу, буккаврил даражагу хІисавравун лавсун классрал къатІувсса буккаврил дарсру дишаврил цаймигу къайдарду лякъин бюхъантІиссер.

2. Мяйлчинмур классраву къатІувсса буккаврил дарсру дишаврил къайда ва миннул мурад.

Мяйлчинмур классрансса лакрал литератураулул программалийн бувну дуклаки оърчІру кІул хъун тІий бур халкъуннал дакІнихсса творчестволул произведениярдащал, дагъусттннал халкъуннал хъхъичІазаманнайсса, революция хъуну мукъахсса, дяъвилул шиннардийсса ва цанасса чумалсса оърмулуштал ва багъу-бизулуштал. Укунсса журалул произведенияртту классраву, лакрал литератураулул дарсирдай бакъа, классрал къатІувсса буккаврил дарсирдайгу лахъхынн ккаккан бувну бур программалий.

Классрал къатІувсса буккаврил дарсру чіяруну дишайссар (беседалул) оърчІашалсса ихтилатрал журалий. Ми дарсирдай дуклаки оърчІаву тарбия бан аркинссар инсаншиву, адав мяърипат.

Классрал къатІувсса буккаврил дарсирдай оърчІан пикри буллан лахъхайссар, инсантурал дянивсса аарду, лагма-ялтту хъанахъимур бувчІлан бикІайссар.

Лакрал литератураулул ва мукунма оъруснан литератураулул дарсирдай лахъхайссса произведениярттал темарду кунничІан ку гъансса

духъукун, ва иш хIисавравун лавсун, лакрал ва оърус литературалул дарсру куннищал ку дархIуну диширча ххуйну хъунтIискар. Учительнал ва оърчIал дянивсса ихтилатрал зумуну сакин дурсса дарсидал оърчIал маз итххяххаврин, пасихI шаврин агъамшиву дуссар. Вай ляличIишивуртту хIисавравун ларсун айкинссар дарсидал план сакин дан.

Учительнал ва дуклаки оърчIал дянивсса ихтилатрал журалий дарс дишиншиврул лахълахъисса произведениялущал оърчIру дарсирайнинва кIул хъуну бикIан айкинссар, дарсирай тIурча, ихтилат суаллал ва жавабирттал кумаграйну бачинтIискар.

Ихтилатрал кумаграйну дарс дишайни ишла дайсса журагдуну хъанахъискар произведениялул хъирив лаяву, диспутру, семинарду, конференциярду, бюхълай бухъурча, чичултрашталсса хъунабакъавуртту.

Дарсидал сакиншинна лахълахъисса произведениялул лагрулия ва дарсидал мурадрая хъар шайссар.

Ихтилатрал журалий дирхъусса дарсидал хъхьичI бикIан айкинссар хъирив лаян айкинсса масала. Му масала хас байссар ца хъунмасса, мяняналул чулуха хIала бувхсса произведениялун, ягу кIива-шанма ца темалун хас бувхсса произведениярттан.

Журалух бурувгун классрал къатIувсса буккаврин хас дурсру дикIайссар:

- а) байбихъулул дарс;
- б) хъунмасса художественный произведение цайнува цала буккин ва бувчIин бан хIадур буллалисса дарс;
- в) бувккумур куртI буллай миннул хъирив лаллалисса дарс;
- г) бувккумур, лавхъхъумур жям буллалисса дарс.

Ца произведение лахъхъаврин вайксса ссятру харж дан бюхълай бакъар. Беседалул журалий дирхъусса дарсидал мурадгу цайнува цала бувккусса произведениялувусса адаврал, инсаншиврул масаларттах, личIинувасса ягу бурган бувну, гай иширттах гъарцаннал цала ургаву

сакин дан бюхъаву дур. Му мурадрал түрчча чыруну, кирия журалийса дарс дишаву таалав дуллай дур – ихтилатрал журалий ва диспутрал журалий.

3. Классрал къатIувсса буккаву ва мунил классравусса буккаврищалсса дахIаву.

Цанасса чыумуву школарттал ишла дуллалисса лакрал литературанул программалий дуллуну дур шанна журалул сияхI: классраву, классрал къатIув ва цайнува цала буккинсса произведениярттал.

Программалий хъхичIра-хъхичI ккаккан дурну, дуллуну дуссар чарабакъа лахъхын айкинсса произведениярттал сияхI, гайннул хъирив орчIал цала буккинсса, кайва чичултрал произведенияртту, яла гъарца классрал программалул ахирданий классрал къатIув орчIал буккинсса произведениярдал сияхI.

Программа ххал дигълан бивIукун, чалай бур дуклаки орчIан биялсса луттирду буккин айкиншиву. Буклакаврия орчIан хайр бикIаншиврул учительнан вай шаннагу сияхIрайссса произведенияртту айкълу буну куннищал ку баxин айкинссар.

Цукунни дахIаву дан айкинсса классраву лахъхинсса ва классрал къатIув буккинсса произведениярттал дянив?

Классрал къатIув буккинсса произведенияртту личIи буллалини учительнал харачат бар айкинссар личIин бар мяньалул ва мурадрал чулуха классраву лахъхайминнучIан гъансса, мунил кумаг байссар программалул материалдануя кIулмур куртI бар.

Классраву ва классрал къатIув лахъхинсса произведениярттаву бур цава ца авторнал чивчусса произведенияртту. Ми чывумур чумал хас бувну бур ца чыумун, ца темалун. Масала, майлчинур классравугу, классрал къатIувгү лахъхын ккаккан бувну бур А. Омаровлул, Гузунхъал Хасаннул, Ттурчиял, Маммадайл, М. Чариновлул, А. Алиевлул произведенияртту. Миннал произведенияртту классраву лахъхын ккаккан

бувми ва классрал къатIув лахъхын ккаккан бувми, мяъналул ва мурадрал чулуха кунничIан ку гъансса бур. Му бакъассагу, классраву цума унугу авторнал биографиялущал ва ганал дурмунищал учительнаща оърчIру биялну кIул бан хъанай бакъар чIун диялсса дакъашиврийн бувну, классрал къатIувсса буккаврил дарсирай тIурча, учительнаща бюхъантIискар авторная бикIу, произведениялия бикIу лавхъхумур гъарта бувну, куртI бан.

4. Классрал къатIувсса буккаврил дарсирадл сакиншинна ва микку даву дачин даврил къайдарду.

Классрал къатIувсса буккаврил дарсирай учительнал даву дачин дайссар щала классравусса оърчIаштал. Циняв оърчIаштал зузини чIалан дикIайссар учительнан дарс дишинсса куцгу, га сакин дансса къайдагу. ЧIяруну дарс дишайссар яларай чIалачIи дурсса куццуй:

- 1) ХъхьичIмахъ;
- 2) ОърчIал бувккумунихсса бургаву ххал дигъин кунмасса суаллу;
- 3) Лахълахъисса произведениялийн бувсса ихтилат;
- 4) Лавхъхумур учительнал оърчIаштал жям баву.

БувчIайсса зад бур, ялув чIалачIисса схемалия учитель произведениялул хасиятрах, журалух урувгун, тинай, шинай хъунгу бучIишиви. Агарда дарсирай ххал бигълай бухъурча оърчIан хъхьичIавагу ххуйну кIулсса чичу, му чIумал хъхьичIмахъ личIину аyrкин къашайссар, дарс сакин даву учительнаща даххана дан бюхъайссар оърчIан кIулмур ва миннал гъира xIисавравун лавсун, амма чIяруми дарсру цирда ларай чIалачIи дурсса журалийри дишайсса.

БацIанну дарсидал гъарца шачIанттуй. ХъхьичIмахъ чIявумур чIумал учительнахъри бикIайсса, мунил кумаг байссар лахълахъисса произведениялул мяъна куртIину дурчIин. Цила мурадрах бурувгун, чIявумур чIумал, му чичул оърмулия ва мунал дурмуниясса ихтилатри бикIайсса. Ихтилат xIадур байни, учительнал личIи байссар оърчIан

лахълансса произведениялул гъанусса мяньна дурчын дан кунмасса къанттурду. Чичул оърмулуя бусласисса ихтилат бикъан аркинссар оърчал оърмулух бурувгун, гайннаща цахъва бусласимур бувчын бюхъан кунмасса. Ца-ца чумал гъану бикъайссар оърчахъ чичул оърмулевасса, хъакыну хъусса, дуклаки оърчан ххуй бизансса кунмасса къанттурдугу бусаварча.

Чијуми лакрал бикъу, цайми миллатирттал чичултрал биографиярту бикъу, литературанул хрестоматиярдай, миннал цала чивчусса, луттирачъансса хъхъичъмукъуву буллуну буссар.

Биографиялул бутъа, ягу щала произведение лахъланнин хъхъичъ учительнал буккирча ягу бусарча, мунил оърчыру произведение вив итабакъаврин хъадур байссар. Цаппара произведениярдачъан буллусса хъхъичъмукъул оърчан произведение буккин ва вив итабакъин кумаг байссар, мукунма хъхъичъмахъ буккаву произведение лахъланнинса хъхъичъмукъун ккалли бан бучъискар. Чијумур чумал, хъхъичъмукъуву, учительнал бусайссар га произведение чивчусса чумуя, чумун хасъесса личъи-личъисса ахъвалданул инсантурал хасиятирттая, произведениялуву хъанахъисса иширттая.

Хъхъичъмукъуву учительнаща бюхъайссар бувчын бан оърчан къакъулсса, произведениялул текст дуклакини захъмат бизан кунмасса махърутгу.

Хъхъичъмукъул хъирив учительнал ххал бигъайссар оърчал хъхъичъва бувккуну бивкъисса, цъана дарсирай ххал бигълагъисса произведениялухсса оърчал бургаву. Му ххал бигъиншиврул учительнал оърчахъхъун га произведениялуюсса суаллу булиссар, суаллу хъинну пикри бувну сакин байссар, оърчал къулшиврул даражалух бурувгун.

Дарсидал гъанумур къану бугъайссар бувккүсса луттирайн бувну бувсса ихтилатрал, ихтилат оърчан ххуй бизанну гъайссанр агарда суаллу

тайллану, произведениялүл гъанусса мяна дурчын данну, гъуртту хъанахъиминнан лайкъесса кымат бишуну бухъурча.

Дарсирай я бурган бан аркинссар орчыл ормулух ва миннал художественный литература дуккаврил даражалух.

Дарсидал махъва махъмур бутіуву учительнал орчылаштал лавхъхъумур жям байссар. Цала ихтилатраву учительнал орчылан дакынин бичайссар произведениялүл бувчын захыматми кыанттурду, ми цүнилгү бувчын байссар. Шиккува учительнал кымат бишайссар орчыл суаллан дуллусса жавабирттан, аркинну бухъурча гай тайла дацлангу дайссар. Цала ихтилатраву учительнал цал ялагу кицил лагайссар лахълахъисса произведениялүл, бувкүсса луттирал ххуйми кыанттурду, аркинну духъурча чылачы дайссар диялдақъашивуртту.

Классрал кытаппесе бүккаврил дарсирай ишла дайссаса личи-личисса лахъхын баврил къайдардаву агъамсса кылану бугъайссар пасихын бүккаврил, личи-личисса мурад бусаврил жуардал, дакынных суаллан жаваб дулаврил, дакынхссаса сочинениярттал ва докладирттал. Вай хъанай дур дакынхссаса даврил жуарарду.

Дакынхссаса дакъассагу, классрал кытаппесе бүккаврил дарсирай бувкүсса произведениялийн бувну чичруулул давурттуу дайссар.

Чичруулул давурттуну хъанай дур бувкүмүнил план чичаву, личи бувну цитатарду чичаву, чичруулий суаллан жавабру дулаву, изложенияртту даву, бувкүмүнил күтпесе мурад чичаву.

Классрал кытаппесе бүккаврил дарсирай яла чыруну ишла дайссаса даврил жура ялагу хъанай дур пасихын, бюхханну бүккаву.

Классрал кытаппесе бүккайссаса произведениярдү орчыл чынива бувкүн бивкүн бухъукун, гайнан текст щала дакынныг кыадикайссар, мунияту учительнал чынива хыадур бан аркинссар бюхханну бүккисса бутари, ми бутари цивпагу бучыссар тарихраштал бавхыусса ягу цума унугу геройнал хасиятран кымат бишлайссаса бухъурча.

Чіявуны, дуклакиминнан ххуй къабивзсса произведенияртту учительнал пасихІсса буккаврил, гайннул чулухунмайсса асар чІунийну ккаккан баврил, ххира байссар. Агарда буккуща цала буклакимунил мурад, мяъна чІунийну дурчІин дан бюхълай бухъурча, му буккаву бачІва яруннийну буккавунияр цукссагу хъинссар.

Произведениялул хъирив лаяврил дайдихъулий текст ккалаккини, оърчІая тІалав дайссар пикри бувсса буккаву. ПасихІну, бюхханну буккайни тІурча, му пикри баву хъиннура тІалав дан аркинссар, цанчирча, пасихІсса буккаврин хІадур байни, произведениялул гъанусса мяънагу, сакиншиннагу, мазгу ххал бивгъуну буну тІий. Бюхханну, пасихІну буккаврил бюхъу бусса чІумал, оърчІру буклакимунил пикри буллан бикІайссар, бувккумур гайннан бигъану бувчІайссар ва га произведение асар шайссар. Мунищала архІал дуклакиминнал мазгу итххяххайссар. Текстрал хъирив лаллалини, пасихІну буклакини, оърчІан лакку мазраву ишла дайssa калимарду дакІий личІайссар, маз авадан шайссар, миннал гъалгъа мяъна дусса ва пасихІсса бикІайссар.

Чіяумий дуклаки оърчІал буккаву дикІай ца чІунийнусса, бизарсса, я мурад, я гъанусса мяъна дурчІаврин цичІав кумаг къабуллалисса. Му бакъассагу буклай бикІай къухънану, махъру баччан буллай, букъавчІинну.

ОърчІан мудан дакІний бикІан аркинссар цала буккаву мудангу тІайласса, бувчІинssa, пасихІсса дикІан аркиншиву.

Цири оърчІан кІулну бикІан аркинssa пасихІну буккаврил усттаршивруя?

ПасихІну буккаврил яла агъанмур бутІану хъанахъиссар оърчІаша чІунил кумаграйну личІи-личІисса пикрирдал ва асадал жуарарду ккаккан бан буюхъаву.

ОърчІан пасихІну буккин лахъхын башиврул хъун бакъасса произведение ягу мунил бутІа ласун аркинссар. Гъанусса мяъна дурчІиншиврул текст оърчІахъ цавува цала дуккин байссар, яла ххал

бигъайссар га буккинса чунил жура. Буклакима, чунил журалийну, произведениялувусса пашманssa асардугу, дакIихтуунусса хъяхъавугу, шадсса макъугу ккаккан дан бюхълай икIан аыркинссар. Тари дурну хъинssa классрал къатIувусса буккаврил дарсирай пасихIсса буккаву, произведениялул хъирив лаяннин ягу хъирив лавну маxъ.

Произведение дахъва лахълай байбивхъусса чумал, оърчища кIанийн дагъсса буккаву дан къашайссар. ПасихIсса буккаву, произведение ххал бигълагъисса чумал, ягу ххал бивгъуну маxъ дарча къулайну хъунтIиссар.

Дуклаки оърчиан кIулну дикIан аыркинссар произведениялул аымса мяъна, сипатру, сакиншинна, буккаврил анаваршиврул даража.

Дуккаврил шинал ахирданийнин, оърчиал буккаврил даража лавай хъуну, маз пасихI хъуну бикIан аыркинссар.

Миннан му чумал бувчIуну бикIан аыркинссар пикри бувсса, аыркинssa күццүй, гъарца чичруул лишаннай бацIлай дурсса бюхттулесса (лахъсса) буккаву, пасихIсса буккаву хъанай душиву.

ПасихIну буккин лахъхыин баврил ялувусса даву дуллан аыркинссар хъхьичIра хIадур дурсса пландалийн бувну. Асар хъунну буккинssa хаварду ва назмурду учительнал чянира личIи дурну, хIадур дайссар, гай цирдагу оърчиан асар биян бансса, маз магъир бансса дикIан аыркинссар.

Классрал къатIувусса буккаврил дарсирай литератуralул произведение ххал бигъайнни, цимилагу кIура баян багъай ганил мурадрачIан. Ва чумаллив ишла дан багъай гъануми лакрал литератуralул дарсирайдай ишла дайссар, личIи-личIисса журалул мурад бусавуртту.

Дянивми классиртаву ишла дай текстрачIан гъансса, кутIа дурсса, цумур бунугу язи бувгъуну, личIи бувсса бутIул мурад бусавуртту. Вай цинярдагу журалул мурад бусавуртту даншиврул, цила багъайкунсса хIадуршин дикIан аыркинссар – текст цавура цала дуккин, лахъну дуккин, бувккумунил план сакин дан, захIиматсса маxъру ва калимарту дакIний

дитансса хIарачат бан. Текстрал мурад бусаврил циняр жуарарду ишла дайссар цирда литературагул дарсирдайгу, классрал къатIувсса буккаврил дарсирдайгу, классрал къатIувсса буккаврил дарсирдайгу произведение лахъхаврил циняв шаchунттай.

5. Классрал къатIувсса буккаврий каялувшиву даву.

ОърчIру тарбия бан ишла дайсса личIи-личIисса давурттал кумаграйну, ми цайнува цала пикри бувсса буккаврихун багъну, цайнува цала ххуйсса лу личIи бувну, цила багъайқун ганил мурадгу бувчIуну, произведенелуву хъанахъимунил миннан асар биян бувну бухъурча – му tайлабацIулун ккалли бан бучIиссар.

Махъсса шиннардий, жула халкъуннал маэшат ссуссукъу хъуну, оърму бутан захIмат хъуну бухъурчагу, газетру, луттируду, журналлу букъачIайсса кулпатру чанну бур, чIявуминначIа шаппа бур цала библиотекартту, бур библиотекартту шяраваллил кIанттурдай, райцентрдай, оърчIру дуклакисса школарттай. Амма оърчIал цайнува цала буккаврил даражада тIурча, хъинну лагъсса бур. ОърчIал цайнура цала дурккумур ххал дуллалисса чIумал, чIалай бур, миннал буккаврихсса гъира багъайсса даражалийн биян бувашиву, бувккумунил мурад ва мяньнагу миннан багъайсса куццуй дурчIлай дакъашиву. Ва иш, тагъар хъунадакълай дур чIявуми лакрал районнай яхъанахъисса дуклаки оърчIачIа, мунияту цин лавхъхъусса асар биян буллай бур миннал тарбиялийн.

ОърчIру цайнура цала художественный литература дуклансса даражалийн бичин дайсса давуртту лакрал чIявуми школарттай хIурану дур ва му оърмулул тIалавшин дуллалисса тагъарданин диян архру. ЧIявуми дуклаки оърчIан цанна кIулну дакъар дуклан аркинмур, буклай бур бири-биривсса луттируду.

Мяйлчинмур классрал дуклаки оърчIал буккаврил хъирив лаяврил чIалачIи буллай бур миннал лакрал литературалух къулагъас дакъашиву, буккайнигу шеърилий чивчусса ва драмалул произведениярттах бакI дугълай бакъашиву. Буккаврил даража, буккаврил чулухунмайсса бургаву личIи-личIисса школарттай ва личIи-личIисса классирттаву ца лавхъхъусса бакъар.

ЧIявумур чIумал оърчIал ми бюхъурду литературалул дарс дишайсса учительнал даврия хъар хъанай дур. Цала даврил хIал кIулсса, литературалул дарсру дишайсса, учительтураг маслихIат буллай бур оърчIан цайнува цивппа гъира бутансса цаппара къайдарду.

ОърчIан буккаврихсса гъира бутаншиврул факультативный занятиярттай учительнал маслихIат байссар, буккин лахълахъисса авторнал цаймигу оърчIан ххуй бизан кунмасса произведенияртту. Масала, Ттурчиял Маммадайл «Баргъ бивунни сундаров», Ккурккуллал Щаза «Зайдилов Max1аммадлугъаса зума», С. Гъабиев «Х1атталлив», Гъ Саэдов «Зунттаву къунттал дянив» назмурдащал оърчIру кIул буллалини, оърчIан чичул творчестволуя кIулмур гъарта баву мурадрай маслихIат байссар буккин вайннала цайми произведениярттуг. Бусайссар чичулт вай назмурдаву шаэртураг Лакку кIанттухсса ччаву, кIанил тарихрахсса, миллатрахсса ччаву, к1икку инсантураг дуллалимунил чулухунмайсса хIурмат чIалачIи буллай ушиву.

ОърчIан буккаврихсса гъира бутаврил дур цамургу журар – дарсираштал ва микку дайсса давуртташтал дахIаву дакъассагу учительнал цала бувккумур оърчIан ххуй бизанну бусаву. ОърчIахъ, цанма бувккуну ххуй бивзсса луттиридая ва миннул биян бувсса асардануя учительнаща бюхъайссар бусан дарсирай, переменалий, оърчIаштал экспурсиялий лавгсса кIанай. ОърчIан луттиридах гъира бутангү, цала бувккумур оърчIан ххуй бизанну бусангү, учитель цал цува ххуйсса бувккуну икIан айкинссар

— ва хъанахъиссар литература дишайсса учительнаяссса хъхьичІра-хъхьичІсса тІалавшинна.

Классрал къатІувсса буккаврий каялувшиву даву мурадрай, учительнан аyrинссар оyrчлан буккин маслихIат буллалисса луттирдал сияхI классраву, чIалачIисса кIанай лахъан. БучIиссар лахъан «Цусса луттирду» тIисса плакатгу, муний чичайссар луттиран цIа, мунил кутIасса мурад, му цуппагу учительнаща бюхъайссар ккаккан бан классрал хъхьичI.

Литература дишайссса учительнал кумагчину икIан аyrинссар библиотекарь. Му сакин дуллай икIан аyrинссар чIун-чIумуй цIуну бувкссса луттирдал выставка.

Хъунмасса мюнпат буссар дуклаки оyrчIал дянива луттирду буккин ххирасса оyrчIру личIи бувну, миннал кумаграйну буккайминнал аьдад хъун дарча. Буккин ххираминнал группалул дуллансса даврин ца агъамур журану бучIиссар ккалли дан миннал цала бувккусса луттирдая кутIасса мурад чивчуну, классрал чIирай лахъаву, мунил оyrчIру буккаврийн кIункIу бантIиссар.

Литературалул дарс дишайссса учительнан, оyrчIал буккаврил даража гъаз баву мурадрай дачIи шинал мутталий кIила-шамила миннан кIулмур ххал бигъайссса классрал къатІувсса буккаврил дарс дайссар.

Гъарца дуклаки оyrчIал кутIану цала бувккумуния, цанма ххуй бивзмуния бусайссар. Учительнал бусайссар цанма агъамну чIалачIисса призведениярдал. Ахирданий учитель ацIайссар оyrчIан уттигу кIул хъун аyrинсса агъамсса луттирдай.

6. Библиотекалул даву ва библиографиялияссса кIулшиву ласун кумаг бансса давуртту.

Щанакулсса оyrму баххана хъуну бунугу, чIявуми инсантурал луттирахссса къулагъас чан хъуну дунугу, инсаннал оyrмулову луттирал бугъайссса кIану хъинну агъамсса бушиву — му щак бакъасса зат хъанай бур. Мунияту учительтурал, альимтурал, чичултрал, критиктурал,

библиотекартурал я бурган бан айркинссар оърчиру тарбия бавриву луттираштади бугълагъисса кіанттух ва миннул биялалух. Хъуннасса агъамшиву дуссар оърчан луттираштади зана-къала хъун лахъхин баврих, луттираштади справочный аппарат ишла бан лахъхин баврих гъарца кыни оърчиру луттираштади кіункіу тіунса хасият хъун даврих, луттираштади бакъа газет-журналлаштади зун лахъхин баврих.

Гъарцагу школа къуртал буллалисса оърчан кіулну бикіан айркинссар луттираштади сакиншинна ялттутува бурувгун мунил мурад кіул бан, цайнува цала библиотекалуву цанма айркинssa лу лякъин.

Ва даву оърчаштади лахъхаврий каялувшиву дан айркинссар литературагул дарс дишайсса учительнал, школалийсса, шяравусса библиотекарттай зузиминнал.

Оърчан луттираштади, ми сакин баврия, тарихрая, га итабакъин хіадур бавриясса кіулшиву ялавайми классиртавар дуллай байбишайсса.

Мяйлчинмур классравусса оърчаштади ялавайми классраву лавхъхумур куртI байссар, миннан библиографиялужа сияхIру ишла дурну, цанна айркинssa литература лякъин.

Лавайми классиртаву дуклакисса оърчаша цанна айркин дансса литература мюрщиминнансса ва хъуниминнансса библиотекартаву лякъин бюхълай икІан айркинссар.

7. Литературагул кружок.

Школалийсса литературагул кружокраву чіявуну гъуртту шайссар лавайми классиртаву дуклакисса оърчиру.

Литературагул кружокравусса даврил оърчал гъира цукунсса произведениярттах бурив кіул бан кумаг байссар, мазрал чулухуннайсса кіулши шаврин, оърчавусса гъунарду итххяххан баврин мадарасса кумаг байссар.

Кружокраву цачIун байссар ца классравусса, ягу ганища архIалсса классиртавусса оърчIру. Кружокрал даврил чул бишлашиссар оърчIал бюхъулийн, гъунардануйн, гъираайн. Цайнура цала дуллалисса даврил жура личIий дурну, цува рязину кружокрал давтивух гъуртту шаврил, оърчIал давтивух гъансса гъира гъаз байссар.

Кружокрал даврил гъанусса мурад – оърчIан цайнура цала даву бакIрайн ласун кумаг баву ва миннавусса гъунарду ялун личин баву хъанахъиссар.

Каялувшиву дуллалиминал кружокрал гъарца членнахъхъун ганал бюхъулуха лархъхъусса даву дулаван аркинссар. Так му чIумалли оърчIал гъунар ялун личин бан кумаг хъунтIисса.

Кружокрал план най бунува дачIи шинайсса хIадур дайссар, гъуртту хъанахъими зурий кIила-шамила батIинсса куццуй.

Махъра-махъесса батIаву оърчIан лавхъхъумур жям баврин хас дайссар. Кружокрал члентал бавтIиминал хъхьичIун буккан бюхъайссанр хъун бакъасса пъесалущал, концертращал, цайми личIи-личIисса даврил жуардащал.

Литературалул кружокраву гъуртту хъанахъими библиотекарнал, литературалул дарс дишайсса учительнал хъхьичIунсса кумагчиталну хъанахъиссар. Миннал оърчIру лакку мазрай чивчусса луттирдащал кIул байссар, классрал къатIувсса буккаву сакин даврин кумаг байссар.

Буккултрал кружокрал агъамсса давуну хъанахъиссар, программалувун букъавхсса произведенияртту буккаву ва миннул хъирив лаяву. Ми произведенияртту оърчIал буккайссар занятиярдай ягу шаппа.

Занятиярттай байсса литературный тIуркIурдал (викторинарттал, литературалул лото, цумур-дунугу темалун хас бувсса учалартту, бусалартту батIаврил) тIабиальтрал, лагма-ялттумунил, инсантурал оърмулул хъирив бацIаву дурну, чивчусса хавардал оърчIру, чантI учин бувну, итххяххан байссар.

Ва кружокрал давуну ялагу хъанахъиссар литературалун хас дурсса вечерду ва утренникру даву, ми вечердай, утренникоирттай выставкарду даву, чирал газетру итабакъаву, альбомру хадур баву.

Къулайну хъунтиссар агар хъхьичисса дарсру хас дарча «Тун ххуй бизайсса луттирду» «Тун ххирасса лакрал чичу» ва м.ц. темардан.

Кружокрал давривун духлахиссар республикалисса чичултращалса хъунабакъавуртту сакин давугу. Чияруну кружокрал заседаниярттал ххал дигъайссар гъуртту хъанахъиминнал чирал газетрайн чирчусса макъалартту, цала ляхъан дурсса назмурду, хаварду. Ххуйми материаллу чирал газетрай, ягу кружокрал альбомрай рищайссар.

8. Литературалул кружокрай цала улча ва мунил лавгмур лахъхъаву.

Классрал къатIув дайсса даврил жуардаву агъамсса кIану бугълай бур улча лахъхъаврил. Тарбия баву ва за лахъхъин баву оърмулучIан гъан бансса куццуҳ луглай, учительнан цIунил ва цIунил зана бикIлан багъай цивппа яхъанахъисса кIанттул тарихрачIан, оърмулучIан, тIабиаътрачIан. Мунияту учительнан экскурсияттал ва цаймигу улча лахъхъаврин хас дурсса материаллал кумаграйну оърчIан литературалуя кГулмур гъарта буллан багъай.

Лакрал литературалуцIун бавхIуну цала кIану лахъхъаву му хъанай дур классрал къатIув дайсса давурттал яла захIматмур.

Мивун духлай дур фольклорданул произведениярдацIун бавхIусса историялул памятникоирттащал оърчIру кIул баву ва цала кIанттул чичултрал оърмулуштал ва дурмунищал дарсирдайнияр гъарза-гъартану оърчIру кIул баву.

Укунсса кIулшивуртту дулаву мурадрай учительнал кружокраву гъуртту хъанахъисса оърчIру за кIулсса инсантуращал хъунабакъин бувну, архивирттаву яхъусса документирттащал, газетирттащал, журналлащал кIул бувну, фольклордануву ва чичул произведениярдаву чIалачIи бувсса

ишру хъусса кІанттурдайн походрайн, экскурсиярдайн буцирча ххуйну хъунтIиссар.

Цала кІанттуя, ганил лавгмания, микку лявхъусса чичултрай, гайннал дурмания, хъхьичIава цала улклуй хъанай бивкIесса иширттая кІулмур гъарта бан чисса оърчIру литератуralул кружокравун буххайссар.

Лакрал цаппара школарттайгу дур цала историялущIун, фольклордануцIун, чичултрап дурмуницIун дархIесса материаллу.

Вайннул кумаграйну, лакрал литература дихълахъисса учительтуал оърчIан кІулмур гъарта буллай бур, миннан личIи-личIесса чIуннардий хъанай бивкIесса иширттал хъирив лаянсса гъира бутлай бур.

Кружокрал члентуран, литератуralул хрестоматиялий чивчумурнияр ххишаласса материал учительнал цала дулайссар, ягу дуккинсса кІану ккаккан байссар.

Цала кІанттул лавгмания, тарихрая, халкъуннал дакIихсса творчестволуя кІулмур авадан баврищал архIал оърчIан произведениярдаву чIалачIи бувмунин, тарихраву хъанай бивкIимунин къимат бишлан лахъхайссар.

Фольклорданул произведениярттаву, магъраву, лахъи балайдаву, учаларттаву, бусаларттаву чIалачIи увну ур хIакъесса инсан-зузала, буттал кІану душманная буручлassisса виричу, цала халкъ ва ватан ххирасса инсан укунсса хасиятрал лишанначIан кIункIу тIий икIан багълай ур оърмуулул ххуллу байбихълахъисса инсан.

Вай произведениярттангу багъайсса къимат бившуну, шивусса вирттаврал ххуйми хасиятру дуклаки оърчIаву тарбия давриву цин лавхъхъусса кІану бугълай бур литератуralул краеведениялул кружокрал.

Улча лахъхаврицIун дархIесса давурттаву агъамсса кІану бугълай бур лув кIицI лаглагисса даврил жуардал:

а) Цала райондалул оърмуулул личIи-личIесса чулляссса, чичруулул давуртту дайни ишла дан куннасса материал оърчIал цайнура цала датIаву;

- б) Лакрал чичултрашалсса хъунабакъавуртту;
- в) Чичул оърмулуцIун, ягу даврицIун бавхIусса кIанайн экскурсия баву;
- г) Чичултрал цала ватандалун хас бувну чивчусса произведенияртту лахъхъаву.

Вай укунсса давурттавух оърчIру шавкьирай хIала буххайссар, миннул гайннан цала Буттал кIанугу, миллатгу ххириа хъун бан кумаг байссар.

9. Литературалул кабинет.

Гъарца предметран цинма хасъсса кабинетраву дарсру дишаву школалул оърмулевун цАкъну бувххуну бур. Школарттай цин лавхъхъусса, кабинетирттаву дарсру дишаврил опыт сакин хъуну бур. ЧIявуми школарттай литературалул ва мазрал дарсру дишай ца кабинетраву.

Кабинет – му хъанай бур дарс дишайсса класс-лаборатория ва учительнансса лаборатория, мунал цала чIалачIи пособия, методикалул пособия, классрал къатIувсса оърчIаштал цащарапалусса даву, стенгазета итабакъаву – гъарзад дайссар ва кабинетраву.

Литературалул кабинетрал чIирттай лахъайссар лакрал писательтурал портретру, миннал мазрая тIий бивкIимур. Гъарцагу классраву буссар кабинет оформить бан кумаг бувансса оърчIру. Миннал кумаграйну хIадур байссар чIалачIи пособия цукунсса дунугу темардан хас дурсса выставкарду.

Литературалул дарсирай яла ишла баймур ярагъ бур лу.

Кабинетравусса хъун бакъасса библиотека сакин байссар оърчIал дарсирай ва классрал къатIувсса давурттай ишла байсса луттиридая. Вай луттиридай бикIайссар программалий лахъхъин ккаккан бувсса произведенияртту. Кабинетраву бикIан аркинссар методикалул журналлу:

«Литература в школе», оърчлансса журнал «Чавалачин», литературно-художественный журнал «Цубарз», журнал «Зунттал хъами» ва мукунна лакку мазрай итадаркъсса критический литература.

Кабинетраву биклан айкинссар лакку мазрайсса орфографиялул словарь, лакку мазрал ва оърус мазрал словарь ва мукунма кабинетраву биклан айкинссар писательтураг союзрал справочник, писательтураг оърмулую ва дурмуния чивчусса луттируду.

**МИСАЛДАРАНССА ДАРСРУ
ГЬАРУН САЭДОВ
(1894–1919)
«Леххаву»**

Арулчинмур классраву дуклаки ойрчIру цалчин кIул хъанай бур Гь. Саэдовлул ойрмулущал ва дурмунищал.

«Гьарун Саэдовлул ойрму муданма личIантIиссар жагъилминнан зборатну. КIяла къазахънал Щахъардал къуманиву ашун ивзусса чIумал, га хъинну жагъилсса инсан ивкIун ур. Цала жагъилсса ойрмулий ганал дурмур, чирчумур лаласурча, чIалай бур Гьарун, махъ бакъа, пагьму лавайсса инсан ивкIшиву. Га ур жагъилну унува хIукуматрал хъунисса къуллугъирттай итан лайкъ хъусса революционер, чичу, публицист, шаэр, драматург. Агъалинан Гьарун бусравсса ивкIшиву чIалай бур лакрал чIявуми шаэртурап ганая назмурду чичаврийну»¹.

Гьарун Саэдовлул чивчусса «Леххаву» тIисса назму лахълан хъхъичI учительнал ойрчIру кIул байссар ганал биографиялущал.

Гьарун Саэдов увссар 1891-ку шинал, 8 майрай, Ваччиял шяраву Гъази-Гъумучиял округрай дилмажну ва школалул учительну зий ивкIисса Саэдлул кулпатраву.

Гьаруннул ппу ивкIиссар, цала чIумух бурувгун дурккүсса, арсру дуккин бан хIарачат буллалисса инсан. Мунияту ганал цала арсру (Бадави, Гьарун, Сайпу, Дивир) дуккин бувссар. Къурандалий ивтун, буккин чичин лавхъхъуну махъ, 1902-1904-ку шиннардий Гьарун Гъумуксса школалий дуклай ивкIиссар. Яла га буттал уххан увссар Щурагъесса реальный училищалувун. Гиву Гьарун ва МухIуттин Чаринов цIакъесса дустал хъуссар. 1915-ку шинал га увхссар Москавуллал коммерциялул институтрал технический отделениялувун. Институтраву дуклай унува,

¹ С.Х. Ахмедов. Лакрал литературалул тарих. МахIачкъала. ИЯЛИ РАН. 2006, с. 14.

Гъарун дус хъуссар революция дан чалиш хъусса студентътурашал (Уллубий Буйнакский, Султан-Саэд Казбеков ва цаймигу).

Февраль революция хъуну махъ, Гъарун Саэдов увкІссар Дагъусттаннайн. Щурагъ Гъаруннул ва ганал дустурал сакин дурсар «Дагъусттаннал просветительно-агитационное бюро» тИсса жагъилтурал организация. Гъарун Саэдов увчІссар га бюорол председательнал заместительну. Бюорол хIукмулийн бувну, Гъаруннул байбивхъуссар «Илчи» тИсса лакку газет итабакълан. Газетрал хъхьичIми номерду буккан бувссар ганал цала, ливчIми – Курди Закуевлул. Гъаруннул цаймигу лакрал жагъилтал зузи бувссар газетраха. Ибрагъим-Халил Къурбанылиев чичлай ур: «Гъарун дакIнил чани хъинну гъартасса ия. ПаччаIлугъирттал давуртту, гайннал политикартту, жула къатлувусса давуртту кунна, кIула, личIи-личIисса партиярду, гайннал мурадрүү, гайннал лавсун нанисса ххуллурду, бавккумур, тIайламур хъинни хъирив лавну кIула. Агъалийнан хайр бумур зарал бумур аьчухну ккаккан бан гъунар бусса ия. Тайла дакъашивурттая сивсуну чивчуны, агъалийнан чIалачIи буван гъунар бусса ия. Тайладакъашивурттая сивсуну чивчуны, агъалийнан чIалачIи бувну, бавккуми баявур бан усттар ия»¹. «Гъарун инсаннайн хъинну гужну асар биян байсса инсан ия»², – тIий чичлай ур гава Ибрагъим-Халил. «Илчи» газетрайхчин Гъ. Саэдов бувчIин буллай ивкІссар дунияллий хъанахъимур, халкъуннал хъхьичI бавцIисса масалартту.

Революция хъуну махъ Гъ. Саэдовлул хъунмасса захIмат бувссар Дагъусттаннай Совет хIукумат дихълай. Га увчIуну ивкІссар Военно-революционный комитетрал председательнал заместительну, ганайн тапшур бувну бивкІссар дяъвилул иширтталсса байсса отдел. Ганал ва MaxIач Даходаевлул хIарачатрайну сакин бувссар дяъвилийн хIадурсса ятIул аярал.

¹ Щубарз, 1992, № 1. 68-69 л.

² Там же.

1918-ку шинал июньдай, ревкомру буқын бувну, гайннун кІанай советру бувчІлан бивкІукун, Гъ. Саэдов увчІуссар Щурагъесса советрал исполкомравун. Исполкомрал га гъан увссар Аьштарханнай Совет хІукуматрал хъуниминнах кумаг бува чин. Кіилчингу га гъан увссар Царицыннай кумаграл хъирив. Га Царицыннай унува, сентябрь зурий, Дагъусттаннай хъунисса ишру хъуссар. Полковник Бичераховлул аяралуннал Совет хІукумат лиян дурну диркІссар. Ганалва хъирив зунтавун бувкІссар туркнал аяралгу.

Шавай зана хъукун, Гъаруннун багъессар Лаккуй кьюлтІну зун. Гъази-Гъумучиял округрай ганал коммунистурал ячейкарду дурскар, партиялул комитет бувссар, цува бакІчисса. 1919-кусса шинал мартрай ганаща бювхъуссар Гъумук Совет хІукумат дишин. Щурагъ Зунттал хІукумат тІисса буржуазиянал хІукуматрал Уллубий Буйнакский ва ганал гъалмахтал бувгъусса чүмал, Гъарун Саэдов бакІчину лакрал аярал бавчуссар гай мурахас бан. ГайннацІун дарги, къумукъ цачІун хъуну, Лаващиял шяраву штаб бацІан бувссар. Га восстание гъагъан дан зунттал хІукуматраца хъанай къабивкІссар. Мунияту Деникиннул гъан бувссар кІяла къазахънал аярал, зунттал миллатру цайнма мютІи бан.

Ярагъуннил балгусса аяралуннал хъхьичІ партизантурала бацІан къавхъуссар. Гайннал хъуниминнал маслихІат бувссар, шаппа-шаппай лавгун, халкъуннах хъумур бусан. Му ниятрай Гъумукух хъуну нанисса Гъарун Щаврдал къурув увгъуссар кІяла къазахъ барча бан нанисса паччахІнал хІаписартурал. Гайннал Гъарун уллуссар кІяламиннаххъун. КІяла къазахънал хІаписартурал Гъаруннухъ, большевиктурая личІи хъурча, сагънугу итанну, хъуннасса чингу дулунну увкукун, Гъаруннул къянкъасса жаваб дуллуссар: «Большевикра на ниттил увнийгу, уттигу, ивкІуну маҳъгу».

КІяламиннал Гъарун аьщун ивзссар Щахъардал къуманиву 1919-ку шинал 15 августрай. Укун къуртал хъуну бур Гъаруннул яргсса ойрму.

Арулчинмур классраву лахъхайсса «Леххаву» тIисса назму чирчуун дур революция хъуннинна.

Шаэрнал биографиялущал оърчIру кIулгу бувну, назмугу дурккуну махъ бусайссар оърчIахъ ва назмулийну шаэр зунттал жагъилтурайн дуккаврийн, тархъаншиврийн оъвтIий ивкIшиву. Га шеърилуу шаэрнан, буттал билаят азиз хъуну чIалай, жагъилтурахъ ганин кумаг бара тIий, оъвтIий ур. Га ур «тяхъасса чаннасса кыни чIа чайминнахъ», «ххаллилсса хияллу дакIиву буминнахъ», «чантI учияра», «лавай бизияра», азизсса миллатран хъинбала бара, уттиратти арчи цIулаган дара тIий.

Назму хъун дакъасса духьукун, бучIискар классраву цаппара ххуйну буккайсса оърчIахъ дуккин бан яла оърчIаштал ххал бигъин мазрал пасихIшиврул ярагъру. Ххал бигъайссар оърчIаштал шеърилуу ишла бувсса шавкъ рутансса махъру-сипатру: «ххаллилсса хияллу», «тяхъасса, чаннасса кыни». Шаэр элму лашан дуллай ур багъраха, азвамшиву – лухIисса цIаннаха. Миллатрая гъалгъа тIутIини, га ишла буллай ур «аьзизсса» тIисса эпитет. Жагъилтурал хъхьичI шаэр бихълай ур лавайсса масала: дуккаврийхчIин дуниял цIулаган дан.

ОърчIан кIул хъумур жям баву мурадрай бучIискар булун суаллу:

1. «Леххаву» тIисса махъ шаэрнал ци мяньалий ишла бувну бур?
 2. Шаэр щийн леххаву тIий ур? Миннахъ дасттарду дахIияра ПутIаврил мурад ци бур?
 3. «Уттиратти лухччи цIулаган дара», – тIисса махъру зун цукун бувчIлай бур?
 4. Назму ци чIумал чирчусса дур?
 5. БучIирив назму цIанасса оърмулийнгу «Леххавуну» ишла дан?
 6. «ЛухIисса цIанну» шаэрнан ци чIалай диркIссар?
- Шаптай балай дакIних лахъхыин буляссар.

САЭД ГАБИЕВ
(1882–1963)

«КъачIуннивкъай», «Айб мадари»

Шаэр, чичу, публицист, хъунасса революционер ва та чүмалсса лавайсса къуллугъчи Саэд Ибрагимович Габиев увссар Айрасатнаву. Ганал ппу Гъумучатусса Ибрагим 1877-ку шиналсса восстаниялувух гъуртту хъуну тий паччахIнал хIукуматрал гъан увссар Псковский губерниялийсса Опочка тIисса шагърулийн цала кулпатращал. 1882-ку шинал 28 майрай гикку увссар Саэд. Га увну цаппара хIал хъукун, циняв ссивир бувми Опочкалия шаптай бавчуна бур. 1883-ку шинал гай бивну Лаккуйн.

Саэд дуклан ивкIун ур Гъумуксса ойрус школалий, га школалул цалчинмур класс къуртал бувкун, 1893-кусса шинал, га дуклан гъан увну ур Щурагъесса реальный училищалувун. Амма гиккугу личIину аглан хъун къаивтун, буттал га, увцуну, 1894-кусса шинал уххан увну ур Ставрополлай гимназиялувун. Га гимназия тIивтIуну бивкIессар Кавказуллал ойрчIан паччахIнал хIукуматран айкинсса къуллугъчитал хIадур буллан. Амма Ставрополлал гимназиялуга бувкун бур тамансса революционертал (Саэд Габиев, Уллубий Буйнакский, Жалалуттин Къоркъмасов ва цаймигу). Саэдлул гимназия къуртал бувну бур 1903-ку шинал.

1904-1911-ку шиннардий Саэд дуклай ур Петербурглийсса университетраву (физико-математический факультетрал естественно-историйсса отделениялуву). Айрасатнал цалчинсса буржуазно-демократийсса революциялул чүмал Саэд Габиев, ярагъ канихъну, гъуртту хъуну ур Путиловский заводрал зузалтран дурсса баррикадарттай хъусса къизгъинсса талатавриву. Революциялул чүмалгу, га дух хъуну Сайд къюлтIину Петербурглия ярагъ, революциялин ойвтIисса литература тайла дуклай ивкIун ур КлапкIайлин, Грозныйлин, цайми шагъурдайн. Ганал

дачин дурну дур халкъ чантI чин баврил даву: личIи-личIисса шагъурдай га ккалай ивкIссар лекциярду, 1912-1914-ку шиннардий итабакълан ивкIссар Петербурглий «Зара Дагестана» ва «Мусульманская газета» тIисса газетру. «Заря Дагестана» итабакъайсса бивкIссар оьрус мазрай, амма ганиву рищайсса диркIссар Дагъусттннал мазурдийсса макъалардугу. Гай макъалардаву Саэд Габиев халкъуннахь буслай ивкIссар дунияллий ва Аърасатнаву хъанахъисса иширттая, оьвтIий ивкIссар буттал кIану цУлаган бан чялиш хъияра, цУсса школарду тIитIара, чантI тIутIияра, дуклаки тIий.

Гай газетирттайсса Чярусса макъаларду (оьрус ва лакку мазрайсса), шеърирду, «Халкъуннавун» тIисса повесть, «АхIимакъ» тIисса аллегория чивчуну бур цала Саэд Габиевлул. «Заря Дагестана» тIисса газетравусса статьярду мукун къутIайсса бивкIссархха, хIатта га Дагъусттннал губернатор Вольскийл судрахъхун уллуну ивкIссар. МахIач Даходаевлул залогран арцу дуллуну, дуснакърая мурахас увссар.

1917-ку шинал февраль революция хъувкун, Саэд Габиев увкIссар Дагъусттннайн, апрель зуруй га увчIуссар Гъази-Гъумучиял окружрал комиссарну. Граждан дяъвилул чУмал га цАкъну талай ивкIссар Совет ХIукуматрахлу.

1918-ку шинал га увчIуну ур Военно-революционный комитетрал членну, Щурагъиял советрал председательну, Военно-революционный трибуналданул председательну.

1920-1921-ку шиннардий Совет ХIукуматрайн къаршину ХIуциннал Нажмуттиннул восстание гъаз дурсса чУмал, С. Габиев ивкIун ур Дагъусттннал ревкомрал председательну. 1920-ку шинал 13 ноябрданий ганал датIин дурну дур Дагъусттннал халкъуннал чрезвычайный съезд. Габиевлул къамул увну ур га съездрайн Дагъусттннал автономия баян бан увкIсса, хъунасса бакIчи И.В. Сталин.

Ж. Къоркъмасовлущал ва Аь. Тахо-Годищал га гъан аьркинну бивкІссар Москавлий Дагъусттнал конституциялулсса бан. Амма дяъви къизгъинсса, Совет хIукуматран нигъачIисса чIун дуну, ганаща къабювхъуссар гъан. Ганан кIанай гъан увссар М.-М. Хизроев.

1920-ку шинал С. Габиев увчIун ур III интернационалданул Баргъбукавал билаятирттай пропагандалул ва революциялул иширтталсса байсса советрал членну. Дагъусттнай совнарком хъувкун, га ивтун ур хъхъичIа-хъхъичIисса просвещениялул наркомну. Га даврий 1921-1923-ку шиннардий С. Габиевлул хъуннасса даву дурну дур, цIусса школарду, техникумру тIитIлай, учительтал хIадур буллай. 1923-1926-ку шиннардий га зий ивкIун ур финансирдал наркомну.

1927-ку шинал Коммунист партиялул хIукмулийн бувну С.И. Габиев гъан увссар. Ттуплisliй зун ЗСФСР тIисса Грузия, Армения ва Азирижан цивун бухлахисса хIукуматрай га хъунисса давурттай зий 10 шин дурсар. Муния мукаяхгу Габиев ялапар хъанай ивкІссар Ттуплisliйва, пенсиялийнгу увккуну. Га ивкIуссар 1963-кусса шинал Ттуплisliй, цала аманатрайн бувну, увчуссар Гъумук.

Саэд Габиевлул творчество дур лакку мазрайссагу, оьрус мазрайссагу. Га чичлан айивхъуну ур гимназиялуву дуклай унува. Ганал жагъилнийва чивчусса «Лак. Гайннал лавгмур ва багъу-бизу» тIисса художественно-этнографический ва тарихийсса очеркраву ххуйну бувсуну бур лакрал тарихрая, багъу-бизулия. Ганиву С. Габиев буслай ур лакрал шамххалтурая, хантурая, тарихраву гайннал дурсса давурттая.

Ганияр маҳъгу С. Габиевлул чирчуны дур чIяруssa элмийсса давуртту, итабавкъуну бур назмурдал жужрю. «Заря Дагестана» тIисса газетравусса цала макъалардаву С. Габиев ур халкъ чантI чинмур буслай, пачхахIнал хIукуматрал низам дашуй дихълай, захIматкаш революциялул ххуллийн буцинмур буллай. Масалдаран, 1912-ку шинал оьрус мазрай ва лакку мазрай чирчусса «30 май» тIисса макъалалуву С. Габиев ур: «...жагъ

супитурал жагъ ялувсса хәкимтурал приказирттал цичлав чалан къадиттай, цүсса ттизаманнул ормуулул ссихI буххан къабиттай бур жула зунтавун», – тий.

«Чунни, валлагъ, чунни жуласса жува буллан, акъарив, жула къацIив къюлтI учара тий дишин цучлав къаучIайссар. Дуниялгу, чунгу жухра ялугъи дақъассар, найри дусса, лахълахъи, дуклаки, мадрасартту бан кумаг бара чув булларчагу. Му зу барча, дунияллий барчаллагъгу, ахиратлуу чиригу чан къахъунтIиссар. Цалассанияр жяматралмур иширалсса бан аркинсса гьарица бурхыниссачувнал», – тий чичтай ур С. Габиев.

ОрчIру чичул биографиялущал кIул бувну маxъ, бусайссар гайннахъ ванал творчестволуву агъамсса кIану бугълай бушиву революциялул темалул. Ва тема душиву ванал прозалуву ва поэзиялуву. Бусайссар мукунма С. Габиев хияллай ивкIшиву буттал улча тархъан бувну, цүсса циняв рязисса, халкъ чантI кусса низам дишин. Га овтIий ивкIун ур паччахIнал низам мархлуцIакул даххана даврин, тархъаншивруйн. Мукунминуюсса хъанай бур орчIал мяйлчинмур классраву лахъхайсс «КъачIуннивкъай» тисса назму.

Ва назмуул гъанусса мяйналуясса кIулшивугу орчIан дуллуну, учительнал цалагу бувкуну, орчIахъгу буккин бувну маxъ, бучIайссар назмуул анализрайн.

Цалчинми ххуттардивува шаэр овтIий ур мискинсса зунттал агъулдануйн, зулму картурайн къаршину къянкъану бацIияра тий. Шаэрнал пикрилий угъ-къак тий, бан-бит бакъа орму къабуттай, халкъуннан аркинну бур «къуману ливчI миллатрангу» леххавурттугу дуртун, ца инсан кунма гъаз хъуну, зулму ялату экъиличин, «жандармтурал ххурххуппа» ххит дан. Га даштай бихълай ур агъалинай зулму буллалисса чиновниктал, машачитал ва хIаписартал.

Шаэрнан халкъ щинзирданий бавхIусса кунма чалай бур. Мунияту га леххаврий ур «...ятIул ттугъгу бувну», чулданин буккан чIунни тIий. Агарда хIисав дарча ва назму, чалай бур шаэрнан бувчIай бивкIсса революция гъан хъанахъишиву. Назмулуву дакъар личIисса чIюлушиннарду (эпитетру, метафорарду), амма ишла бувсса лашанбавурттал (ттукри, ашак, ххурххуппа, ккаччал ссинжир) хъинну гужсса асар буллай бур цила иттав къутIинну учаврил.

Хъирив лаяву дурну махъ, бучIиссар оърчIахъ буккин бан ва бувчIумур жям баву мурадрай суаллу булун:

1. Назму цумур хIукумат дусса чIумал чирчуну дур?
2. ПаччахIнал заманнай хъанай бивкIсса ци иширттал къума уллай ур шаэр?
3. Назмулуву чичлач исса лавхъхъусса цукунсса ишру хъунабакълай бур цланасса жула оърмулуву?

Назму шардай дулайссар пасихIну дуккин лахъхъин.

Хъиривмур дарс харж дайссар «Айб мадари» тIисса назму лахъхъаврин. Балайлущал оърчIру кIул банин бусайссар ва назмулуву шаэрнал цала буттал кIанттухсса чаву чалачIи дуллай ушиву, цува къадарданул архсса кIанттавун увтун унугу, дакI ва айкълу цала буттал кIанттучIара душиву буслай ивкIшишиву.

Яла учительнал назму дуккайссар пасихIну, дюхханну. Хъирив дуккин байссар оърчIахъ. Яла бучIайссар назму ххал дигъаврийн. Назмулул дайдихъулийва чичун цала буттал кIану цуксса ххирассарив чалай бур. Му ур «ччисса буттал кIанттурдив», «щюлли барзунттив» тIий, мукун чай бунугу му къадарданул увтун ур «дакIин хас бакъасса ухссавнил чулийн, амма дакI ва айкълу даинма гъанну, зуя айтIий бикIай дяхтта ва хъхъунив». Шаэр цала буттал кIану дакIния буклай акъар мунияту «кIюрххил лавай ивзун, чани ххал хъувкун, хъхъичIра-хъхъичI зул сурат ттун чалан дикIай» тIий чичлай ур. Мунан цува цала ватан

къадиртун, цамур кIанай ялапар хъанай унутIий тахсиркарну чалай чичлай ур:

Ялтту бучIу ттуя, азизсса миллат,
Зуха дансса даву къадунна лирчIри,
Душмантал сававрай гъурватрайн агъну,
Жан дакъа зун дулун цичIар къалирчIри.

Назму ххал диргъуну махъ, бучIискар оърчIахъ назму дуккингу дурну, кIулмур жям баву мурадрай булун суаллу:

1. Ва назму ци чIумал чирчухъунссар?
2. «ДакIин хас бакъасса ухссавнил чулий» циван яхъанай ивкIискар шаэр?
3. Буттал кIантухсса мякъ цумур куплетрайну чалачIи бувну бур шаэрнал? ва м.ц.

Шардай назму «Альб мадари» пасихIину, дюхханну дуккин дулун.

КУРДИ ЗАКУЕВ
(1888–1968)

«Бюхттулнинмай»

Курди Закуев (АхІмад Каради) увссар 1888-ку шинал Гъумук аяраб мазрай дурккусса айлимчы MaxІаммад-Хажинал кулпатраву. MaxІаммад-Хажинал цала арсан аяраб мазгу, цайми элмурдугу лахъхын дурну дур. Шаххучу Саэд Габиевлул ганан ойрус алфавитрай буккин-чиchinгу лахъхын бувну бур. Гъумучиял школалуву ва Бархъарав МаллайчIа дуклайгу ивкIун, АхІмад Каради (Курди) увкIун ур Щурагъун, Айли КъаяевлuchIа дуклан. Щурагъату га лавгун ур Аыштарханнайн. Гикку ганал 1913-ку шинал къуртал бувну бур бусурманнал мадраса. Мунийгу гъашиву къадурну га лавгун ур Къазаннайн, яла Уфалийн. Гай шагъурдай хъхьичIазаманнай бусурманнал лавайсса даражалул мадрасартту бивкIссар. Гайннуву лахъхайсса бивкIссар мазру, тарих, философия, психология, педагогика ва цаймигу личIи-личIисса элмурду.

Курди Закуевлун хавар бивкIссар революциялул иширттайагу. Ганал буккайсса бивкIссар Петербурглий Саэд Габиевлул итабакъайсса «Заря Дагестана» тIисса газет. 1913-1914-ку шиннардий га цувагу айивхъуну ур статьярду чичлай. Гай бивщун бивкIун бур татар мазрай Ризаутдин ФахIредин тIисса просветительнал «Шура» (Совет) тIисса газетрай.

1917-ку шинал, февраль революция хъуну маҳъ, Курди Закуев увкIун ур Дагъусттаннайн. Щурагъ му дус хъуну ур Гъарун Саэдовлущал ва Ибрагим-Халил Къурбанаильиевлущал. Курди гъуртту хъуну ур «Дагъусттаннал просветительно-агитационное бюорорал» давриву Гъарун Саэдовлущал архIал итабакълай ивкIун ур «Илчи» газет. Маҳъ ганая хъуну ур редактор. М.-М. Мавраевлул «Илчи» лавкъукун, К. Закуев ва И.-Х. Къурбанаильиев буккан буллан бивкIун бур «ЧаннацIуку» тIисса газет (1917-1918-ку шиннардий). Га газетрай бувкссар К. Закуевлул чивчусса

«Чалаби ва Султан», «MaxIаммадал ва Къаракишинал ихтилат» тIисса хаварду.

Турк Шурагъун бувкIесса чIумал га лавгссар буттал шяравун, Гъумук ганал «Пакыр-пукъаранал ккуран» тIиртIуссар.

1918-ку шинал июнь зуруй Гъумукун Узун-Хажинал гъарачитал бувкIун, милли-комитетрал ишру бавчуссар. К. Закуевлул къатраву щухла бивхъуссар. Курди цувагу угъан чай бивкIессар. Амма Курди зунттавух хъуну Закаталайн лавгссар. Бархъарав ганан кумаг бувссар Маллайл, цала къатраву лаивтун.

Закаталлай ганан хъунаавкъуссар Турциянава шавай нанисса ссурахъу Закарья (Заку). Заку ивкIессар заргал. Дяъвилул чIумал га туркнал аяралуннаву ингилиснащал талай ивкIессар. Ганан туркнал хIаписарнал чингу дуллуну диркIессар. Закул ссурахъухь: «Ина му политикагу къаритича, Стамбулайн лавгун, дуклан ухху», – куссар. Ганал чагъарду чивчуссар цанма кIулеса туркнал хIаписартурахь Курдин кумаг бара тIий.

Курдигу Батумрайн лавгун, Закул дуснал Иззат-бейнал кумаграйну Стамбулайн лавгссар, «Сирия» тIисса жамилийгу щяивкIун. Стамбуллай га най унува къамул увссар учительтал хIадур байсса «Дар ул-муаъллин» тIисса колледжравун. Ца шинаву га увхссар Стамбуллал университетравун, ганил тарихийну–литературийсса факультетравун Стамбуллай дуклай унува Курди зий ивкIун ур литератуralул давурттахагу. Ганал ойрус мазрая турк мазрайн таржума буллан ивкIун ур Лев Толстойл хаварду, «ХIажи-Мурад» тIисса повесть, М.Ю. Лермонтовлул «Мцыри» тIисса поэма. Миннул ганан чан-къансса арцу дайсса диркIун дур. Гиккува 1919-ку шинал чивчун бур Курди Закуевлул «Хъявринсса чаву» тIисса повестьгу.

1921-ку шинал сентябрь зуруй Курди Закуев увкIун ур махъунай лавайсса даражалул дипломгу лавсун. Ганийгу чивчуну бивкIун бур турк мазрай: «Ва цалчинмур даражалул диплом буллуссар Дагъусттаннайсса

Гъази-Гъумучиял шяравасса АхIамад Каади ХIажи-MaxIаммад огълы Закуевлун ванал хъинну ххуйну Оттоманнал университет къуртал баврихлу».

УвкIун Бакуйн Курди зун ивкIссар педтехникумраву. Ца шинава – Азирбижаннал университетраву. Азирбижаннал элмурдал академия сакин бувкун (1944), философиялул институтраву К. Закуевлул чирчуссар «Из истории философских и психологических учений IX-XI вв. на Ближнем Востоке» тIисса докторшиврул диссертация. 1947-ку шинай ганая хъуссар философиялул элмурдал доктор, 1949-ку шинай – профессор. Курди Закуев увчIуссар Азирбижаннал элмурдал академиялул член-корреспондентну. Ганал чирчуссар оърус мазрай ва азирбижан мазрай тамансса монографияртту, статьярду. Ганал чIяруми давуртту хас дурну дур тарихран, философиялун, педагогикалун ва психологиялун.

Курди Закуев ивкIуссар 1968-ку шинал, увчIуссар бусравса инсантал буччайсса хIатталлив Бакуй.

Чичул биографиялущал кIул бувну махъ, бучIайссар «Бюхттулнинмай» тIисса назму лахъхъаврин.

Курди Закуев назмурду чичлан айивхъуну ур революция хъуннинма. Бусайссар оърчIахъ курди Закуев га назмулия тIий ивкIмуния: «1914-ку шинал гъинттул Гъумук Гъарун Саэдов бакIчину вечер дурссия. Вечерданий кIа шинал Гъарунул чивчусса «Къалайчитал» тIисса пьеса сценалий бивхъуссия, шеърирду, назмурду дурккуссия, балайрду увкуссия. КIа вечерданул организатортурая цагу наяв. Вечерданий дуккин «Бюхттулнинмай» тIисса назму чирчуссия»¹.

Га назмулуvu шаэр шикаятрай ур:

Цайминнал ватаннай гъи дайдирхъунни,

Жула зунттавусса ва ци замгъарди?

Жува бакъацири чаннайн бувккунни,

¹ Закухъал Курди. Жямсса чичурду. MaxIачкъала, 1974.

Ххюнхху тий шанайнма жува бунува.¹

Бусайссар шаэр оьвтгий ивкшиву лакрайн чантг куну бизияра, оьрчирү дуккин буллалияра, мактабру титглатги, элмурду лахълахыи тий. Назмулийну шаэр лакрал агъалинайн дуккаврийн, чаннайн буккаврийн оьвтгий ур.

Назму учительнал цалагу дурккун, оьрчахьгу дуккин бувну махъ бучгиссар назму ххал дигъин, гивусса мазрал пасихшыврүл ярагъру лякъин.

Бурганну назмулул цалчинмур куплетрах:

Къумашиву цирвав вай жула зунттал,
Хъхьичгун дирчусса куц махирүнну бакирү?!
Шикаят цирвав Къуйсу альтарттул,
Хъхьу-кыни къакуну гур-гур тигутгисса.

Ва куплетраву рухг дахъасса зунтурду, нех шаэрнал рухг дусса кунна чалачг дурну дур: «зунтурду къуману, бакирү хъхьичгун дирчун», «Къуйсу атара шикаят буллай». Дахиин бутайссар оьрчашал рухг дахъасса, маз къакгулсса затру, рухг дусса затруну ккаккан даврийн, гай сагъесса кунна къуццу тий чалачг даврийн олицетворение учайсса бушиву. Олицетворение вайннал 6-мур классраву лархъхуну диргиссар. Шикку шаэрнал цала назму олицетворениелйну дурну, чюолу дурну дур.

Ягу:

Цайминнал ватаннай гъи дайдирхъунни,
Жула зунттавусса ва ци замгъарди?
Жува бакъацири чаннайн бувкунни,
Ххюнхху тий шанайнма жува бунува.

Ва куплетраву ца затрал ягу иширал, тагъарданул лишанну цачг дирхъуну, цанийхг ин цамур дурчг ин дуллай ур шаэр. Масала, «цайминнал ватаннай гъи дайдирхъунни, жула зунттавусса ва ци

¹ Закухъал Курди. Жамсса чичурдзу. Махгачкъала, 1974.

замгъарди?» – шаэр вай ххуттардийну чалачи буллай ур та чумалсса жула зунттал халкъуннал дуккаврия, элмулуя, ххуйсса ормулуя цичлав хавар бакъа «ххюнхху тий шанайнма» бушиву. Шикку шаэрнал метофора ишла дурну дур. Метафоралул затру ягу хъанахъисса иш-тагъар гайннуха лащин дусса цайми затирттайхчин, хъанахъисса иширттайхчин ккаккан дайссар. Яла лякъинну орчлащал цаймигу метафорарду ишла дурсса клантурду:

Тти чунни жувагу чантI қуну бизан,
Жуйрасса къункъуллив ппив дурну дичин.

Дунъял чанна дайсса, элмулул баргъ-барз,
Жухвагу бурувгун, пиш тун бивкIунни.
Цан дарчунни ххиллай бургъил чанная,
Пикри буллай, хIучI тий бацлан циванни.

Жунмагу бияхъур чай инсантал хъун,
Цупар тий, къув-аьс тий, чалиш хъананну.
Хъит куну, ша ласлай, хъхичунмай хъунну,
Ххуллу ойкир куну, вас-ццах къатунну.

Яла ххал бигъайссар орчлащал кай метафорартайну шаэр ци учин чай ивкIссарив.

Суаллану орчлан кулмур жям бувну махъ, шардай бучиссар назму пасихину, дюхханну дуккин дулун ва назмулевусса мазрал пасихшиврул ярагъру лякъин ва гай бувчин бен лахъхин.

АПАННИ КЪАПИЕВ
(1909–1944)

«Интуристнащалсса ихтилат»

(«Шаэр» тIисса повестьравасса бутIа)

Машгъурсса Дагъусттанныал чичу, таржумачи ва критик Апанни Къапиев увссар 1909-ку шинал Гъумук арцул усттар Мансурдул кулпатраву. Мансур лагайсса ивкIссар хIалтIилий Ухссавнил Кавказнавун. Вайми хIалтIухъантурал цала кулпат шаппа къабитайни, Мансурдулмур кулпат ганащал цащала куч хъанай бивкIун бур. Буттащал кIани-кIанттайх увкssa Апаннинал хъинну ххуйну лавхъхъуссар оърус, къумукъ, турк мазру. Дуклангу га увхссар оърус школалийн.

1928-ку шинал Щурагъесса дянивсса даражалул школагу къуртал бувну, Апанни лавгссар къумукънал Ахъсай тIисса хъуннасса шяравун оърус мазрал дарсру дихълан. Ца шинава га гичча лавгссар махъунай Щурагъун, цаппара хIаллайсса зий ивкIссар рабфакрай. Рабфак – рабочий факультет учайсса бивкIссар зузалтран ва хъузалтран институтравун буххан бигъа баншиврул тIивтIусса школардайн. Апанни Къапиев зий ивкIун ур къумукъ мазрайсса газетрайгума.

1929-ку шинал А. Къапиев увхссар Ленинградский машиностроительный институтравун, амма къашавай хъуну, ганан институт къабитан багъссар. MaxIачкъалалий га зий ивкIссар ххуллурдал техникумраву, газет-журналлал редакциярдай, луттирду итабакъайсса идаралий.

1931-ку шинал А. Къапиев увчIуссар Дагъусттанныал чичултрал ассоциациялул (ДАПП-рал) жаваб дулайсса секретарьну. Гания махъ Къапиевлул хъуннасса даву дурскар Дагъусттанныал чичулт цачIун бан, гайннал произведенияртту оърус мазрайн таржума бан, 1934-ку шинал Дагъусттанныал чичултрал союз сакин дурукун, га увчIуссар ганил жаваб

дулайсса секретарьну. Гай шиннардий ганал итабавкъессар ойрус мазрай «Дагъусттаннал шаэртал» (1932) түнисса назмурдал жуж, «Дагъусттан» түнисса антология (1934), «Штурм» түнисса журнал (1933).

Амма Къапиевлул душмантал чіяву хыну, 1935-ку шинал ганан Пятигорскалийн изан багъессар. Гикку га комсомолданул итабакъайсса газетрай зий ивкіссар. Мува чіумал га таржума буллай ивкіссар Ухссавнил Кавказуллал балайрду, Батирайл, Махімудлул, С. Стальскийл, XI. Щадассал, А. Гъапуровлул назмурду. Зунттал агъалинал пикри-хияллу, аьдатру, хасиятру, мазру, мазрал къайдарду ххуйну күлсса, шаэрнал пагъму лавайсса Къапиевлаща ойрус мазрайн цила багъайкун таржума бан зунттал чичултрап произведенияртту. Ганал гай бивщуссар лавай кіңіл лавгсса луттирдаву ва гайннүяр махъ итабавкъесса цайминнуву: «Поэты Советского Дагестана» 1936, «Песни горцев» 1939, «Резьба по камню» (1940).

Буттал кіанттул цәнийсса дяъвилул шиннардий Апанни Къапиев лавгсар цува хушрай фронтрайн «Дагестанская правда» газетрал корреспондент хисаврай. Фронтрай га зий ивкіссар ойрұнал чичу Семён Барабаевскийщал «За Родину!» түнисса газетрай. Ганал гикку чирчуссар очеркру. Ганал «Фронтрал очеркру» бивщуссар 1944-ку шинал.

А. Къапиев ивкіссар Пятигорскалий 1944-кусса шинал ляқылуй операция бувну махъ. Чіявусса ганал хияллу ливкіссар щаллу къавхъунува.

Цала произведенияртту А. Къапиевлул чичайсса бивкіссар ойрус мазрай. Так ца «Дайдихъу» түнисса наслулийсса назму дур ганал лакку мазрай чирчуну (рирщуссар 1932-ку шинал «Инкылабрал шаттирду» түнисса жужраву). Ганал «Хадий» түнисса къумукъ мазрай чивчусса хавар бившуна бур къумукънал антологиялуву 30-ку шиннардийва.

А. къапиевлул агъаммур произведенияну хъанай бур «Шаэр» («Поэт») түнисса новеллардая сакин бувсса лу. Ганиву щаллу дурну дур

шаэр Сулайманнүл сипат, ккаккан бувну бур ганал оърму. Цала луттирдай хъхьичІмукуву Къапиев чичлай ур: «Луттираву цичІав личІисса ишру хъанай бакъассар. Авторнал цала хъхьичІ бартбигъин захІматсса масала бивхъуну буссар: шаэрнайхЧин ккаккан бан оърмулул проза, га нанисса куц ва гъарца кыни хъанахъимунил дахханашиву. ЛяличІиссаннуя къасттана арх уцлай ва мудан хъунабакълакъимур бакъа ккаккан къабуллай (ичун мурни яла жапамур), автор хІарачатрай ур шаэр цува ккаккан аврияр, тарих лахъисса зунттал агъалинал рухІ ганаву дурчЧин, революция хъуну махъисса багъу-бизулул гъанулий га ххал дигъин»¹.

Чичул ва масъала усттарну щаллу бувну бур. Луттираву жула хъхьичІ ацІлай ур хІакъисса зунттал чув, ккаккан дурну дур Совет хІукуматрал зунттал халкъуннал оърмулову дурсса дахханашивуртту.

Сулайманнүл сипат щаллу дурну дур луттирал байбихъулийва. Га ур ккурттулову, чурчарисса къяпагу бивхъуну, Сулайманнүл яру бур хъунисса, някІеса, лажин дур мурхъирдал къавкъисса чІапІуха лархъхъуну цІанну ттуруссса, мунияту дахъва чял хъусса ганал чІири марххала кунма кІялану чІалай бур. Шаэрнал каруннихъ дур кутІасса, кІура дарсса кІюйгу дусса айсав.

Сулайман ур шаэр ва хъудугъу. Луттираву му магъирну ккаккан бувну бур. «Поэзиялуюсса ихтилат» тИисса новеллалову Сулайманнүл ихтилат бур шаэрнал зумуну чІюлусса, циву оърмулул дарсру гъарзасса, айкълу бусса. Сулайман цала ихтилатраву чІявуну ишла буллай ур лашанбавуртту, символлу, метафорарду. Вана учала кунна айкълу бусса калима: «Бусласиманал дугъайссар, вичІидирхъуманал ттихІайссар». Шикку ихтилат хъуниха зузавриха лашан бувну бур, ца ур хъу дугълай, гама – ттихІлай. Лашан баву: «Шаэр булбул куна сахаватлуну икІан айкинссар»; метафора: «БакІрачІан бувкІирииннүл гъиву дур ттул дакІиниву лухІисса къюмайтІутІи кунна. Га щаралархъун хъамаран дизлай

¹ Капиев Эффенди. Избранное: В 2 томах. Т. 1. Махачкала, 1971. 9 с.

дур. Ганил ялун на къус икІаннина гива нанисса къункъал ттул ойтту щаращи буллай бур».

Амма Сулайман мудана чIюлу мукъуртийну гъалгъа тIий акъар. «КIяласса шагъру» тIисса новеллалуву Сулайман ккаккан увну ур цахъра дагъани дула куну, га кIичIираву зана дурсса жагъилнайн къаччан бивкIун. Ганал махъругу, ссихI къадуклакавугу, ва ца ниттийн ххавхсса чIиви оьрчIал куннасса дур. Амма ихтилатраву шиккугу ца-ца мъяна куртIсса махъругу личай. Жагъилсса шаэрнашалсса гъалгъалуву ганал цаппара дарсру дирхъунни. Шаэрнал пагъму, тIий ур Сулайман, цийва цуппар ялун личайссса («Неххал цинмасса ххуллу цилар ласайсса»), ганан чил махъру тикрал буллан къабучIискар. Ганал лякъин аркинссар цалами. Шаэр икІан аркинссар гъарзад кIулсса гъарца инсаннал хIакъираву пикри бан бюхъайсса.

Шаэрнал оьрмулия, ганачIансса тIалавшиннардая бур «Оьрмуул чани» тIисса новелла. Оьрмуул чани – му бур XIабиблун макIра ккавхсса кIива бургъил (ххяххабургъил ва лагабургъил) чани.

КIива баргъ – ми бур символлу. Ца баргъ – ххяххабаргъ, му бур цIусса чIумул жагъилшиву, лагабаргъ бур шаэрнал хъунав шаву.

Москавлий Сулайман ивну ур цала оьрмуул бакIуйн. Ганахасса аякъагу, ганан буллайсса хIурматгу лавайри. Сулайман Москавлий ккаккан улланнингу чичу ур шаэршиврул тема куртI дуллай. Сулайманнул калимардава бувчIлай бур шаэрнан аркиншиву пагъму, магъиршиву, амма ми гъарздраяр хъхъичI ганал назмурду дакIиву загъир хъуну дикIан багълай бур.

Шаэр ур обществалул, жяматрал къуллугъчи. Цала къуллугъ багъайкун биттур булланшиврул шаэрнан аркинни тархъаншиву.

Шаэрнал сипат яргну чIаланшиврул, А. Къапиевлул гъарта-гъарзану ишла дурну дур авторнал сипат. Цаппара новелларду ганал чирчуны дур цала, чичул, цIанияту. «Одиссея» тIимур новелла дур Сулайманнул цIания

чирчуну, ганал автобиография кунма. Цаппара новеллардаву ккаккан увну ур Хәбіб тісса Сулайманнұл дұс. Буккун къақылли, ганал сиппат цукунса дүссарив, га ци даврий уссарив, ганал ци күлпәт бүссарив. Га ур авторнал қану бугъайссар инсан. «Поэзиялұясса ихтилат», «Кіяласса шагыру», «Орымұлұл чани» тісса новелларду чирчуны дур Хәбіблұл қанатында, ганал иттах ур чичу Сулайманнұх уруглай.

«Шаэр» тісса лу сакин бувну бур новеллардая. Новеллардугу чивчуны бур личі-личісса къайдардай. Ласурча «Орымұлұл чани», гиву ишла бувну бур қызынусса мазрал пасихішишірүл ярагыру: Москавуллахасса санна, Сулайманнұясса хаварду, Хәбіблұл таптардал қаптыв, макъаларду, диалогру.

«Шаэр» тісса луттираву қызын символлу: багъ, өрнек, къундалул авлахъ, Багъад. Гайннүву чичу ур орымұлұл суратту щашлай шаэрнал ххуллу яргын қалачі буллай. Багъ бур шаэрнал буттал улчагу, ганал поэзиягу. Багъад бур Совет хакиматрал тіптісса буллугъынан лишен. Өрнек – шаэрнал орымұлұл ххуллұл лишен. Къундалул авлахъ хъыхычізаманнұл қынаттаса орымұлұл лишен.

А. Қәпиевлұл усттарну ишла дурну дур «муқыра» тісса айдалғу: муқыва далил, муқыра дарс, къатлұл муқыва мурціу, дунияллұл муқыва чул, муқыра құн (инт, гъи, ссут, кіи). Чичул ци дунугу қа ябақшансса зат ларсун, ганийхчин қызынусса мяңарду, ишру айлтты буллай ур. Масала, «Поэзиялұясса ихтилат» тісса новеллалуву чичул ккаккан бувну бур бургыил муқымурціу. Сулайман игъалагайссаса къатлуву га муқымурціулұл гъарзад даххана дуллай дур. Ганилла қалачі дуллай дур нанисса құнгы.

А. Қәпиевлұл ишла дуллай ур қала чичурдау репликарду ва ремаркарду (бувчінбабуртту).

«Шаэр» тісса лу чивчуны бур Сулайман Стальскийл орыму гъанулун лавсун. Амма А. Қәпиевлұл луттиравусса Сулайман ва С. Стальский қава қа инсанни учин къабучір. Қәпиевлұл қала виричунал сипат щаллу

дурну дур цаймигу авшукътал, шаэртал ххал бивгъуну, миннан аымса хасиятру чIалачиI дурну.

Арулчинмур классраву оьрчашал лахълай бур «Шаэр» тIисса луттиравасса «Интуристнащалсса ихтилат» ва «Кьюват» тIисса парчри.

А. Къапиевлул биографиялущал оьрчиру кIул хъуну махъ, «Интуристнащалсса ихтилат» тIисса бутIа лахълан хъхьичIсса мукъуву бусайссар ва бутIуву гъалгъа бушиву Дагъусттаннал халкъуннал шаэр С. Стальскийту. Ва оьрчан хъхьичI ацан ан бигъану бикIаншиврул бучIиссер учительнан ляркъуну оьрчал хъхьичI лахъан С. Стальскийл портрет. С. Стальскийл портретру дурну диркIиссер А.И. Августовичлул, М.-А. Джемаллул, Аскар-Сарыджал. Аскар Сарыджал 1937-ку шинал дурну дур С. Стальскийл портрет. Портрет дан художникнан дакIини багъну бур С. Стальскийшал Кисловодскалий хунаавкъун махъ. Шаэр ва портретрай щаллу увну уссар цала халкъуннал янналеву. Ххуйну хунссия «Интуристнащалсса ихтилат» тIисса бутIа лахълахъини Аскар Сарыджал дурмур портрет ишла дарча.

Бусайссар оьрчах, С. Стальский машгъурсса шаэр хъуну ухъурчагу, мунал цала оьрму ва лаххия даххана къадуршиву, яхъанай ивкIшиву цува увсса шяраву ва ялун урувгун цала шяравуминная ссалчIав личIисса къаивкIшиву.

Бусайссар мукунма кIа портретрай куна хъхьичI ацIацIи увну ушиву «Интуристнащалсса ихтилат» тIисса бутIуву чIалачиI увсса халкъуннал шаэр: «Тун цIанакул кунма чIалай бур га чIумалсса Сулейманнул къалип. КIичIру бувккун, аьч бувсса къужлул ккурттуул дарвачгу, ччаннай лархсса, шарда щархсса ппалул жулардугу, ширванну дурсса никирайн хъхъарчууну ссюрхъ риршусса кагу, яларай дурургун гъаваллаву зурчIай тIутIисса бартканил кIисригү...»¹ Портрет ххал диргъуну махъ, учительнал бусайссар ва бутIул кутIасса мурад. БутIа хъунмасса бакъашиврийн бувну,

¹ Лакрал литература. 7 класс. МахIачкъала, 2008. С. 73.

бучIиссар буқлаки бан классравува. Бувкун махъ, чун дұхъурча вара дарсирай, дақъаҳурча хъиривмур дарсирай бучIиссар хъирив лаян А. къапиевлул Сулайманнұл хасият-тәбиаыт ҹалачIи дан ишла бувсса мазрах, пасихIшиврұл ярагъунних. Масала, «Ганал ҳIарачат бувну бия, хавар бакъулий вагондалуву бакIрайн бағысса хъамитайпа цаятува инжит къаҳуншыврұл, гиву къалиян къаучин».¹ Ванийну жунма ҹалай бур халқуннал шаэр лагма-ялтуминнах пикри бақъасса акъашиву.

Бурганну шаэрнал интуристнащалсса ихтилатрах: «Мунахъ уча, – увқуна ахиргу Сулайманнұл, ганзухгу къаурувгун, ганал чулухуннай так бақIral ишан дуллай, – мунахъ буси, ҹалчин на колхозник ушиву. БувчIурив? КIилчингу, ина мунахъ буси на оърмулул угъарасса инсан ушиву. Шамилчингу, ина мунағъ буси, цуксса ци тIийнугу, на халқуннал шаэр ушиву. Чивисса унугу, хъунасса унугу, му мунал иш бақъар, – простойсса шаэрди уча. Муқылчингу, ина му ҹамур паччаIлугъраятусса инсаннахъ уча шикку мунал паччаIлугъ дақъашиву, душиву ттул паччаIлугъ! Ургулакъай да, ци тIий урив? Амма чай бұхъурча, ҹува лахъуча яловмур полкалийн, на шикку щикIантIиссара!» Ванал ихтилатрайну бувчIлай бур шаэр паҳрулий ушиву ҹува колхозник, халқуннал шаэр ушиврия акъа, ҹува ва паччаIлугъраясса ушиврия. Ганан ҹува паччаIлугърал заллуну ҹалай ур, ҹамур паччаIлугъраясса инсаннал ҹува куклу-күтIа ангу ацIлай акъар.

Произведение ххал бивгъуну махъ лавхъхъумур жям баву мурадрай бучIиссар суаллал кумаграйну:

1. Интуристнащал С. Стальскийл ихтилат ци сававну хъуну бур?
2. Интуристнащал гъалгъа тIутIийни шаэр ссая паҳрулий ур?
3. Интуристнахъхъун Сулейманнұл дуллусса жаваб зун ҹуқун дизай?

Шаппай ва бутIул мурад бусан ва шаэрнал сипат щаллу дуллалисса қIанттурду луттирал мазрачIан гъанну бусан буляссар.

¹ Лакрал литература. 7 класс. МахIачкъала, 2008. С. 72.

МУХІУТТИН ЧАРИНОВ

(1893–1937)

«Лакку кІану»

«Лакку кІану» тІисса назму лахъланнин хъхьичІ, учительнал оърчІру дус бан аъркинссар М. Чариновлул оърмулущал ва ганал дурмунищал.

М. Чариновлул «Ххалав» тІисса произведениялущал оърчІру ряххулчинмур классраву кІул хъуссар, кІул хъуссар мукунма ганал биографиялущал.

М. Чариновлул «Ххалав» тІисса произведениялущал оърчІру ряххулчинмур классраву кІул хъуссар, кІул хъуссар мукунма ганал биографиялущал. Ва дарсирай бучІискар ганал биографиялущал цахъий гъарза-гъартану кІул бан.

МухІуттин Чаринов увну ур Лаккуй ХъурукІуннал шяраву хъудугъу МахІаммадлул қулпатраву.

Шивинийва МухІуттин тарбия уллай бивкІун бур диндалух шавкъ дуну, амма ганаву дуниявийсса дуккаврихсса чаву ххув хъуну дур, цувагу циняннан ххирасса, мунияту ттюнгъану яуллалисса оърчІ ивкІун ур. ХъурукІрав къурандалий ивтун махъ, га дуккин гъан увну ур Гъумукун, яла, 1906-ку шинал, Щурагъесса реальный училищалувун. Училищалуву М. Чаринов дус хъуну ур Гъ. Саэдовлущал. Та чІумух бурувгун, МухІуттиннул ларайсса дуккаву дурну дур.

Революциялул ва граждан дяъвилул чІумал Чаринов кумаг буллай ивкІссар «Илчи» газетран. 1919-ку шинал М. Чариновлул итабавкъссар «Хлавиват ва Хлажияв» тІисса пьеса. Га чІярусса шиннардий сценалий бивхъуссар Лакрал драматический театрданул. Ганала чивчуссар «Шумайсат», «Шагъалай» тІисса драмартту, ганияр махъгу оърус мазрай «Зунттал тІутІив», «Цуртти къалещайссар» ва «Оърмулул кІорх» тІисса луттирду. 1962-ку шинал бувкүссар «Язи бувгъуми» тІисса лу, 1934-ку шинал СССР-данул чичултрал Союзрал член хъуссар. Гара шинала

МухIуттин Чаринов гъуртту хъуссар Дагъусттанныал чичултрал Цалчинса съездрай. ИвкIуссар 43 шинал оърмулову.

«Лакку кIану» тIисса назму лахъланнин оърчIахъ бусайссар ва лакрал миллатрал гимн қуннасса назму душиву. Ва назмулову шаэр дакIихтуну чIалачIи дуллай ушиву цала ватандалухсса чаву. Назму лахълан хъхьичI бучIиссар оърчIру вичIидишин бан М. Чариновлул мукъурттийсса «Лакку кIану» тIисса балайлух (магнитофондалувух итабавкъуну).

Яла бучIиссар балай буккин учительнан цанма оърчIан бюххану.

Назму дурккуну махъ, бучIиссар оърчIал ябурган бан шаэр лакку кIану цуксса мискинсса бунугу, цанма цуксса ххирасса буссарив чIалачIи бувсса куццу:

Агъ, ттул буттал кIануй, Лакку билаят,
Жул цинянилагу аъзизсса нинуй!
Ци неъмат бунугу чил билаятрай,
Гъич ина къабитан жуща къашара!

Шаэр айтIий ур буттал билаятрал кънатшиврий. Га буслай ур лакрал цуксса захIимат бишайссарив чивух маэшат буллан:

Дукралуя къукълай, шануя къукълай,
Чурххал цIуллушкиву хIисав къадурну.
Хъху къинилин дуллай, даврий гъа дурну,
Шаппасса кулпатран дуланмагъ дайсса.

Шаэрнал цала буттал кIану лащен буллай ур дунияллийсса яла ххуйми шагъурдаха:

ХъхьичIва-хъхьичI ссихI лавсъсса гъава нацIуссар,
Вил гъава шарабну жун чIалан бикIай,
Берлиннай, Парижлив жува бунугу,
ДакIимур мудан вичIан кIункIу тIун дикIай.

Агъ, ттул буттал кIануй, Лакку билаят,

Вил къянатшивулий айтпий икпара,
Янил айкъулуйину диван къукъайнал
Дагъусттаннал Париж Гъумучи бур чай.

Бучискар ойрчал я бурган бан шаэрнал буттал қанттул табиастрал сурат чалачи дурсса күцүх:

Ци шагъурду, багъру къатпув бунугу,
Вил щархъурду, мащив хъама къаритай,
Ци арду, майданну лагма бунугу,
Вил муруллив, ххяллу къаритан къашай.

Зунттурдив, ратп-ккутиру, щамарал хъачишу,
Дарарадавух нани жиндрал хъу нехру,
Бюхттул барзунтайсса кияла марххалтту,
Дунъяллул неъматрах жу къабулару.

Бусайссар ойрчахъ вана укун цала Лакку Билаятрахса, Буттал қанттухса чаву цала назмулийину чалачи дуршиву лакрал чичу М. Чариновлул.

Яла бусайссар ойрчахъ Лакку қанттухасса назмурду душиву жула лакрал чиавуми шаэртурал: Г. Саэдовлул, С. Габиевлул, Ю. Хаппалаевлул, М.-З. Аминовлул, М. Махаммадовлул, С. Къурбановал ва м.ц.

Бусайссар лакрал чичу ва революционер С. Габиев хъинну айсивну ивкишиву цала ойрму буттал қанай бутан къавхъуну тий. Дакинин бутайссар ойрчан цала ряххулчинмур классраву лархъхъуну диркисса «Аманат» тисса назму. Цала назмулову шаэр аманат буллай ур, цува гъурбатрай ивчарча Лаккуй уччара тий:

Ца аманатри зухъ, лакрал жагъилтал,
Нажагъ гъурбатрай ттун бивкиу булурча,

Ттул гъаривсса нурчИи ласунмур бара,
ДакIин ччи зунттаву къакъурув дуччин.

Хъуннех чIалачIиний, АхIилу гъанний,
ВацIилу ххал шайний, Гъумук шагърулий,
Ялун бувкI зулмурду ялтту къявхъ тIиний,
Душманнащал биян цив сакин шайний.

Бусайссар мукунма, халкъуннал мунал аманат биттур бувшиву,
Туплислия лавсун му Гъумук увччууну ушиву.

БучIиссар дуккин оърчIаштал мунала «Айб мадари» тIисса назмугу:

Айб мадари, чисса буттал кIанттурдив
ЗучIатува чяни левххун лавгун тIий.
Айб мадари зугу, щюлли барзунттив,
Зяту гъурватрай на арх хъуну тIий.
КIюрххил лавай ивзун, чани ххал хъукун
ХъхьичIра-хъхьичI зул сурат ттун чIалан дикIай.

Ттунма хавар бакъа зухух лавгукун,
Хъюхъу тIий иттату макъ цирда дачай.
Ялтту бучIу ттуя, аъзизсса миллат,
Зуха дансса даву къадурнна лирчIри,
Душмантал сававрай гъурватрайн агъну,
Жан дакъа зун дулун цичIар къалирчIри.

Укун дюххансса, цала ватандалухсса чаву чIалачIи дуллалисса дур
С. Габиевлул творчество.

Бусайссар оърчIахъ чичултран ва шаэртуран дакъассагу цинявгу
лакран цивппа лявхъусса кIану ххиришиву. Лаккуй бушиву ва бивкIшиву
къучагъесса, аъкълу бусса, итххявшсса, щилчIав хъхьичI ник къарищайсса,
циала аързи чиринугу, халкъ чаннугу, тачIав ялун бувкIсса душмантурайн

икрам къабувну, цала тархъаншиврухлу цивппа талан хIадурну бивкIесса ва бусса халкъ.

Яла лавхъхумур жям баву мурадрай оърчахъ тетрадирттай чичин байссар ватандалун хас бувсса учалартту:

1. Гъарцаннан лявхъу кIану Багъдадри;
2. Гъурватрай чурх гъели къалагайссар.
3. Дусшиву цIакъесса духъурча Ватангү цIакъессар.
4. Мурхъхиран – мархха, инсаннан Ватан дакъа чара бакъассар.

М. Чариновлул чивчусса «Лакку кIану» тIисса назму шардай дакIих лахъхыин дулайссар.

МАХІАММАД-ЗАГЬИД АМИНОВ

(1938–1994)

**«Бархъаллахасса балай», «Ттула Гъумук шагърулий»,
«Аврав Маннархъал Мусай»**

М.-З. Аминовлул произведениярду лахъланнин дуклаки оърчIру шаэрнал кутIасса биографиялущал кIул байссар.

Лакрал шаэр, чичу, литературовед, журналист М.-З. Аминов увну ур 1938-кусса шинал Ккуллал райондалий Хъусрациял шяраву.

Дуклай ивкIун ур ДГУ-рал физико-математический факультетраву, 1965-кусса шинал къуртал бувну бур М. Горькийл цIанийсса Литературный институт. Зий ивкIун ур учительну Лавашиял ва Чараадиял районнай. Зий ивкIессар редакторну Дагъусттеннал луттирду итабакъай идаралий, хъунама редакторну «Дусшиву» альманахрай, Чичултран союзрал председательнал заместительну.

ХъхьичIва-хъхьичI ганал итабавкүссар «Ттул нину» тIисса поэма. Халкъуннал мазралун ххуй чулий багъну бур М.-З. Аминовлул итабавкүссаса «Щюллисса марч», «Яла ххирамур», «КИира хъа» ва м.ц. луттирду. «Ттул мандолина», «Рутанну цIусса чапли», «Чабувкру, читIри» тIисса оърчIансса луттирду.

Оърус мазрай итабавкүссар «Яблоко», «Эхо родных ущелий», «Искра из камня», «Помнишь ли ты», «Звёзды в кармане» тIисса луттирду.

Чиявусса миллатирттал мазурдийн таржума бувну бур ванал чивчусса назмурду ва хаварду. Ванал цалагу оърус мазрайн таржума бувну бур лакрал ва цайми миллатирттал фольклорданул бикIу чичулт-шаэртуран бикIу произведенияртту.

Ванал оърмулущал оърчIру кIул бувну махъ, бусайссар шаэрнан хъинну ххирасса бивкIшиву цала миллат, цала буттал кIану ва миннун хас бувну чичлай ивкIшиву назмурду, поэмарду. Бусайссар ва классраву

цивппа кIул хъунтIишиву «Бархъаллахасса балай», «Ттула Гъумук шагърулий», «Аврав, Маннархъал Мусай» тIисса назмурдащал.

«Бархъаллахасса балай» тIисса назму лахъланнин хъхьичI бусайссар Ахъушиял райондалий душиву лак фlapар хъанахъисса мukъра шяравалу: Бархъал, Хъюл, Уручул, Щaлякъян.

Бусайссар Бархъарав бушиву захIимат ххирасса шаэрнал тIийкун «ларсун ччаннала аырщи, мусил къукъурду байсса» халкъ, миннал даврин кымат бишлай бушиву так жула республикий, хIукуматрай бакъа, дазул къатIувгу, оърмулухун ми цала канил захIиматрайну дуланмагъ дуллай бивkIшиву.

Махъесса ппурттуву, хIукуматрай дахханашиннарду хъуну махъ, миннал дурсса давуртту чанну дакъа хъунадакълай дакъар, бюхъайссар оърчIан къакIулну бикIан тIахIинидувултрапл байсса урхъригу, кучригу, къюнарттугу цукунсса бикIайссарив. Мунияту ххуйну хъунссия «Бархъаллахасса балай» лахълахъисса дарсирайн вайннал тIахIунттив ларсун ккаккан дарча оърчIан.

Назму лахъхъаву оърчIан бигъа хъунссия Оъ. Оъмаровлул чирчусса «Балхарки» тIисса триптих ляркъуну, мунищал оърчIру кIул барча, му бакъассагу жула художниктурал XIасан ва XIусайн Сунгъуровхъал хъунмасса хIарачат бувну бур бархъаллал хъанил усттаршиву чIалачIи дан, оъккину къахъунссия миннал суратругу учительнаща лякъин бюхъарча.

Назму учительнал цала дуккин хъхьичI оърчIаштал дувайссар мукъурттищалсса даву, яла назму учительнал пасихIну дуккайссар цала, хъирив дуклаки байссар оърчIру.

ОърчIан назмулуя бувчIумур жям баву мурадрай бучIискар булун суаллу:

1. Бархъаллал бур тIахIни дувайссса пиша, жула лакрал цайми шархъурдал буссарив цанма хасъесса пишарду?

2. Назмулуву цукунсса халкъну ккаккан бувну бур Бархъал?

3. Зул шяраву ци пишалул агълу бур?

Шардай назму пасихІну дуккин дулайссар ва маслихІат байссар цала шаппаминнахъ цІуххин бархъаллал цала тахІунттив цукун даххайсса диркІссарив.

«Ттула Гъумук шагърулий» тІисса назмулущал оърчІру кІул банин бусайссар чІявуми шаэртуран цала творчествалуву буттал кІанттухсса чаву ккаккан дурну душиву. Лавай кІицІ лавгсса куццуй цала миллатрая, лакку кІанттуя, мунил тарихрия паҳрулий ушиву М.-З. Аминовгу. Цала «Ттула Гъумук шагърулий» тІисса назмулуву шаэр ушиву Гъумучи шяравалу дакъа шагъру кунма чІалачИи буллай, ганал Гъумучи лащен буллай ушиву Парижраха, Багъдадраха, Москавуллаха. Шиву шаэрнал чавулий ккаккан бувну бушиву цІувцІу чарил къатри дурсса ххаллилсса устарталгу, чил билаятрал чапхунчитал ялун ххявхний миннал лув бацІан буюхъайсса виртталгу, щалагу Ухссавнил Кавказнаву цІа дуркесса Гъумучиял базаргу. Хъамабивтун бакъар шаэрнан мусил кару дусса устарталгу, Гъумучиял «ккуркки дагъани – бяргу», замзамраха лащен бувну бур къуллагу.

Яла бучІискар оърчІан захІмат бизан кунмасса махъру доскалий ягу тетрадирттай чичин бувну, гай бувчІин бан.

Цалчинсса буккаву пасихІну, оърчІан бюхханну цала учительнал дайссар, хъирив буқлаки байссар оърчІахъ.

Яла оърчІашал ххал бигъайссар назмулувусса пасихІшиврул ярагъру (лащен баву, метафора, гипербола, эпитет).

ОърчІан кІулмур жям баву мурадрай бучІискар дакІинин бутан М. Чариновлул чивчусса «Лакку кІану» тІисса балайгу. Ххал бигъин бучІискар вай кІирагу назмулувусса аыммур. Лавхъхъумур цІакъ байсса суаллал кумаграйну:

1. Цукунсса пишардал заллухъру бивкІун Гъумучи?

2. Щана яхъуну буссарив шаэрнал цала назмулуву чалачи бувса бяргу, къуллагу?

3. Зун ци күлли Гъумучиял альмитурая, усттартурая?

Шаппай балай пасихи ну букин булиссар.

«Аврав Маннархъал Мусай!» түннэ назму хас дурну дур лакку чувнан, космонавтнан Муса Маннаровлун.

Назму лахълан хъхьичи бусайссар ойрчлахь Гъухъалиятусса лаккучу Муса Маннаров левххун ивкешиву космосравун 1987 шинал ва му кий ивкешиву щаллуксса шиначлан диявайсса чумуй. Бусайссар Мусал цала гъунарданийну лакрал миллат бакъя, щала Дагъусттангу машгъур бувшиву.

Муса Маннаровлуха га чумал чирчуну дур чярусса назмурду. Ми чирчуну дур лакрал шаэртурал дакъя, цайми миллатирттал шаэртуралгү.

«Аврав Маннархъал Мусай» түннэ назму чирчуну ур М.-З. Аминовлул Муса космосрава зана ивкесса чумал, ванала чирчун диркиссар «Ххуллухъин баннав, Муса» түннэ назму га дахъва левхсса чумалгү. Ва назму балайлий учайссар Лариса Хажиевалгү, ххуйну хъунтиссар учитель дарсирайн космонавтрал суратрашал ва ганан хас бувса балайрдал кассеталушал учарча.

Балайлух вичи дирхъуну махъ, бучиссар назму учительнан цанна пасихи ну дуккин, яла ойрчлащал дурккуну ххал дигъин.

Бувчинин бан бучиссар ойрчлан бувчинин захиатсса махъру: ссавдакъу, лахиза, зарзала, ялгъузсса, халтилий.

Шардай назму пасихи ну дуккин ва луттирайсса суаллан жаваб дулун лахъхъин булиссар.

Альбадурахиман ОЬМАРШАЕВ

(1903–1935)

«ХIухIалал балай»

«ХIухIалал балай» тIисса назму лахъланнин хъхьичI оьрчIахь бусайссар Аль. Оьмаршаев лакрал совет литератуralул гъану бивзминнаясса ца ивкIшиву. Ганал оьрмуулул хъуну дур дурагу 33 шин, му чIавасса оьрмулий мунал итабавкъун бур 10 лу. ОьрчIан хас бувну ганал чивчууну бур «Къасим», «ХIухчу Рамазан», «Гъарив ва Загъир» тIисса хаварду.

«ХIухIалал балай» тIисса назму лакрал буккултран чиянира кIулссар, лакрал школардавугу чиянияцIа лахълай буссар. Мукун лахъисса оьрмулий га назму халкъуннан ххириашиврул савав ца дуссар дакIinin асар хъунсса куццуй пасихIеса ва хъудугъул захIмат яргну чIалачIи буллалисса дунутIий. Бусайссар хъхьичIава хъу дугълай, ттихIлай бивкIеса халкъуннал бусравсса захIматрая, хIухIалтрап цала къурду ласун банну тIий бивкIеса ххаллилсса балайрдая, ва назмугу хъудугъу бюхттул уллалисса назмуну хъанахъишиврия.

Назму дурчIинну, пасихIну дурккуну махъ, ганил гъарца ххуттал мяньна дурчIин дайссар.

ХIухIала тIисса мукъул мяньна дур куртIеса: му та чIумал хIурмат бусса махъ бур. Лакку мазраву хъуниха, ххалаха зузисса инсантурал дуллалисса давурттаха лархъхъуну цания-ца пишалул куннасса цIарду дур. (ГъайтIала – хъу гъай учайма; чIучIалт – хъу цинцIал урттуцIа марцI дайма; хIухIала – хъу ттихIайсса инсантурал даврил цIа; цулуциала – ххулув буллалисса инсан; ххилаххала – къав, ххулув буллалисса инсан, м.ц.).

ХIухIалал цала даврил дайдихъу дуллай ур зунзул чаннахъра, даврил лябукку хъунмасса бикIаншиврул, га шания изайхтува хъувнай ур, урттуйх риртсса хъхъемай лажин дислай ур. Чанна цIуку букканин, ганияр хъхьичI ивзун хъув уккаврия хъунмасса паxру буллай ур. КIилчин ажарттащал

хъхъуниву ивзун, ссалу дугъайсса хъу ттихІлай ур, цала даврия дазу-зума даκъа рязийну ур, паxрулий ур. Шаэрнал назмулову ишла дуллай ур лашанбавуртту:

Тти ххуйсса гъавалул къункъайн ссунтІа тІий,
Ав був аслан куна, игъалаганна.

Даврил эбрат цайминнангү ккаккан дуллалисса хІухІала баявур буллай, даշүй бихълай ур тамбалтал, кІяла кару, чанна цІукугу ккаккан ччяни бизан къашайми:

Шанайнмари бусса захІмат къабувулт,
МахІрумну цив ливчІун, вин якъавшуну.

КІа хІухІала паxру буллай ур цала кІюрх хъунадакълай уну тІий, цала кІюрххилсса къурув канай уну тІий, яла щаллусса къинигу даву дан маxъ личІан дуллай унутІий (ганан зунсса чІун хъуннасса ччай дур).

Назмулул ахирданий шаэрнал ялун личин дуллай ур хІухІалал цала даврихсса хъуннасса ччаву. Ганал захІмат даκІ ххари дуллалисса, гъавас ххибан хасъсса хІухІалал балайгума тІутІисса бушиву тасттикъ буллай ур. Назму сакин дурну дур чанна цІукухъсса ихтилатрал, кІанийнсса овчаврил журалий:

Миннатри, цІукуй, вихъ, ца чансса бацІу,
Мирхъирдах вичІилий, макъант дурцусса.
Барчаллагъ, гъан чтарча, бахълагу, насу,
Гъунттийгу кІюрххицІун хъунабакъинну.

Назмулул хъирив лаллалини, орчІал ябурган байссар шивусса пасихІшиврул ярагъунних: эпитетирттах, лашанбавурттах, метафорарттах:

Цуну хъяку тІутІун чурхгу лавхъхъуну,
Дукралух ва шанух ишттахІгу хъуну,
Пирхну игъалаглай даκІнил шадшиврул.
Ххарисса хІухІалал балай учинна...

Мазрал пасихIшиврул ярагъру ххалбивгъуну махъ, учительнан бучIиссар буккин балай оърчIан бюхханну пасихIну. Яла бусайссар оърчIахъ ва балайгу, хъхьичIва жува лавхъхъусса «Яла кымат лаваймур» тIисса произведениялун гъансса бушиву. Бусайссар оърчIахъ цIана гъарзад урттун ххяххан диртун дунугу, хъхьичIава инсантуранл хъуруннай буллай бивкIсса захIматрая, ччатI ххяххан баву мурадрай колхозру, совхозру цукунсса давуртту дуллай бивкIссарив.

Шардайсса даву дулуннин хъхьичI га назму дюхханну, асар хъунну дуккайссар, яла дуклаки байссар оърчIахъ.

Хъиривсса дарсирайнин назму дакIних лахъхъин дулайссар.

НУРАТТИН ЮСУПОВ
(1931–2000)

«Күл акъасса солдатнаясса баллада»

Ва произведение оырчан лахъхин булланнин хъхичI кутIасса ихтилат байссар машгъурсса оырчIансса чичу Нураттин Юсуповлул ойрмууля ва дурмуния.

Лакрал шаэр Нураттин Юсупов бюхъай лакрал чичултраву яла машгъурману ккалли ан. Ганал оырчан чивчусса произведениярттан багъайсса кымат бившуну бур хъунисса шаэртураг: Корней Чуковскийл, Сергей Михалковлул, Лев Кассиллул, Агния Бартол, Владимир Берестовлул. Ганал мюрщи оырчан чивчусса луттирдал тиражру дур миллионнайсса.

Н. Юсупов увссар Лакрал райондалийсса КIулушацIрал шяраву къалайчишивугу кIулсса хъудугъу Абакардул кулпатраву. 1948-ку шинал ганал къуртал бувссар Гъумучиял педучилище, 1952-ку шинал С. Стальскийл цанийсса пединститутрал тарихийсса факультет. 1956-кусса шинал Н. Юсупов къамул увссар СССР-данул Чичултраг союзравун.

Гания махъгу га ур дуклай, цала кIулшиву куртI дуллай. Москавлив ганал къуртал бувну бур 1960-ку шинал А.М. Горькийл цанийсса Литературалул институтрал Лавайми литературалул курсру, 1962-ку шинал – СССР-данул Кинематографистурал союзрал бачин бувсса Лавайми сценариярдал курсру.

Нураттин зий ивкIун ур Дагъусттннал радиокомитетрай, «Дусшиву» альманахрал редакторну, Дагъусттннал Чичултраг союзраву консультантну, жаваб дулайсса секретарьну, Правлениялул председательнал заместительну.

Гай давурттай зузисса чIумал Нураттиннул цашава бюхъаймур бувссар жагыилсса чичултран кумаг бан, гай тайла бацIан бан, лашсанми произведенияртту къайтабакъин.

Цала творчестволуу Н. Юсупов айивхъуну ур хъуни дақъасса назмурду чичаврия. Чичлайгу айивхъуну ур жагъилнийва. Цала хъхьичІва-хъхьичІсса назмурдал жуж – «Ниттиясса махъ» – ганал итабавкъуну бур 1955-кусса шинал. Гания махъ бувкссар тамансса жужкру цаймигу.

Н. Юсупов щала союзрайх, щала Аърасатнавух машгъур увссар оърчІан хас дурсса назмурдал. Ганаща бювхъуссар оърчІансса поэзиялуу лайкъесса кІану бувгъуну, га цІулаган бан, цала произведениярттаву мюрщисса оърчІал психология, хияллу, пикри-зикри, хасиятру, тІул-тІабиасть, тІуркІурду хъинну тІайлану ккаккан бан.

Мюрщими бүккүлтрансса произведениярттаву Юсуповлул ишла дуллай ур ххуйсса сюжет, пиш чин ансса хъярч, айкылу бусса махъ, оърчІал ххуйсса тІул. Гайннуву шаэр ур оърчІан захІмат бангү, виричушиврийн хъит чингү, хъинмунил хъхьичІ дақІ тІитІингү, оъккимур ва ххуймур кунния ку личІи бангү лахъхын буллай, оърчІру бюхъавай тІайлану тарбия бан кумаг буллай. Ганал назмурдавусса мюрщи вирттал цивпагу ккаккан бувну бур оърмулову бикІайсса куццуй.

Чичул дурмуния бувсун махъ бучІайссар «КІул акъасса солдатнаясса балладалуйн». Бусайссар кІа баллада оърус мазрайнгу таржума бувну, личІи-личІисса сборникирттай бившуну, щала союзрайсса бүккүлтран кІулссса машгъурсса произведение бушиву.

БувчІин байссар баллада ссайн учайссарив – га халкъуннан хъинбала баврил ціаний цала жан харж дурсса, виричусса инсанная бусласисса, щаллусса мяньна дусса, хъун дақъасса назму душиву.

Дарс дайдишайссар Буттал кІанттул ціанийсса хъунмасса дяъвилул шиннардий жула халкъуннал дурсса дяъвилул ва захІматрал къучагъшивурттая бусаврийну. Яла бучІисссар оърчІаштал вичІи дишин Ф. Графченкол оърус мазрай бувлакисса кассеталух ва Н. Юсуповлул цала лакку мазрай ва баллада бувлакисса кассеталух. Вай кассетарду бувххун

буссар 2001-ку шинал итабавкъусса литературно-художественный фонокрестоматиялувун.

Учительнал цала назму дуклакини, оърчан бувчин байссар балладалул куплетирттал мяъна:

Ружокрал чIу лагъба
Чансса, пионер!
Шагу лагъну гъаз ба
Чансса, пионер!

Цинянал муданма хIурмат бан буржссар Буттал кIанттул цIанийсса дяъвилуву цала жанну дуллусса, цIарду кIулсса ва къакIулсса солдатнал, гайннан цIа куну дацIан дурсса гъайкаллал. Мунихлуну, гайннал дурсса виричушивурттая бикIу, гайннал ядурсса ватандалул хIурматран бикIу дуклаки оърчал гай дакIин бичлай, гайннал аьпа тIий, ружокрал ва чаннал чIурду лагъ буллай бур.

ДикIуча ва оърчал организациялул оърмулуву ишла хъанахъисса, укунсса иширттаву дуручлачисса ца ххаллилсса аьдатну, бувача гайннал кIу-къакIулсса бикIу, кIулсса бикIу саллатIнал хIурмат гъарца мудангу.

Назмулул кIилчинмур бутIуву шаэрнал оърчан бувчинсса, дакIурдивун бюххансса, прстойсса, амма мяъналул агъамшиврул дазу рищун къашайсса мазрайну буслай ур дяъвилул дайдихъулия ахирданийн бияннин Совет саллатIнал бивтсса хъинну захIматсса, амма цала дунияллун кIулсса къучагъесса ххуллюя кIул акъасса саллатIнал сипатрайну чIалачи бувну бур жула Ватандалийсса чIявусса миллатирттал вакилтал, гайннал къадарданул бардулт.

КIилчинмур бутIул ахирданий шаэр дуручлай ур паракъятсса, ххишала дяъви къахъуннав тIисса заманалул тIалавшиннарду.

Шамулчинмур бутIуяту бувчин буллалини, учительнал бусарча хъинссар цала шяраватусса, гайннал ливчиесса мачча-гъанная. Баллада бучIиссар пасихIну буккин цанма учительнан яла буккин бан оърчахъ.

Дарсирал ахирданий оърчIаштал балладалия кIулмур жям буллалисса даву дайссар. Шардай бучIискар дулун укунсса даву: та дяъвилий жанну харж дурсса цала шяраватусса вирттаврая хъуниминнахъ цIуххин ва цанма кIул хъумур хъиривсса дарсирай бусан.

КИилчинмур дарс кIира журалий сакин дан бюхълай бур. Цалчин вирттаврал гъайкалданучIан экскурсия бувну, гиккува дарс дишин.

КИилчинмур жура – дяъвилул ветераннайнгу оъвкуну классировурса къучагъшиврул дарс. Цумур журагул дарс дихълай ухъурчагу, учитель ва оърчIру кIайннуйн ххуйну хIадур хъун айкинссар.

Бусанну миннуяту.

Вирттаврал гъайкалданучIан бувкIун оърчIал буккайссар. «КIул акъасса саллатIаясса баллада», учайссар цаймигу вирттавран хас бувсса балайрду.

Ва дарсирай учительнал бусайссар фашистътуращалсса дяъвилия кутIану, яла бусайссар гъайкалданий цIарду чирчуминная, шяравусса дяъвилул ветерантурал дурмуния, гайннал ларсъсса дяъвилул орденная ва медаллай.

Ва дарсрайнсса хIадуршин дайссар баллада лахъланнин ччянира. Дарсрайн уцлацисса дяъвилул ветераннан булун хIадур байссар ганал цIагу чирчусса лу, ягу ганахъ барчаллагъ тIутIисса открытка, тIутIал кацI.

Дарс дихълахъисса учительнал оърчIахъ кутIану бусайссар Буттал кIанттул цIанийсса Хъунмасса дяъвилия, ганиву гъуртту хъушиву хIакъину, цачIана увкIисса пулан-касгу. Булайссар махъ ветераннахъхъун. Га къуртал хъуну махъ дуклаки оърчIал щаллу байссар цала хIадур бувсса балайрду, буккайссар совет саллатIаясса назмурду.

Классрал чIирттай лархъун дикIан айкинссар армиялун хас дурсса суратирттая дурсса стендрү, дяъвилул ветерантурал цIарду, суратру.

Дарсирал ахирданий цания ца оърчIал дяъвилул ветераннан бахшиш байссар цала хIадур бувсса лу ва ганал хъхъичI махъ булайссар

ххуйну дуклан, тарбия хъанан ва саллатынал дурсса виричушиврия эбрат ласлан, дяъвирдай ливтүүминнал царду хъамакъадитан.

Хъиривсса дарсирай оърчлахь букин ягу бусан байссар дяъвирдайн лавгсса цала мачча-гъянная, шяравучутурая цала чивчумур ва күл бувмур. Оърчлахъун шардайсса даву дулайссар «Дяъвилул ветеран» түисса темалия цала дартүүсса материаллайн бувну сочинение чичин.

Гайннун кыматру бишайссар дуккин бувну ягу дартыну ххал дурну маҳъ. Укун сакин дурсса дарсидал оърчиру ватан ххирану тарбия бан хъунмасса кумаг байссар.

АЙРКИН ДУРССА НАУЧНО-МЕТОДИЧЕСКИЙ ЛИТЕРАТУРА

Лакку мазрайсса

1. Ахмедов С.Х. Лакрал литературалул тарих. I том. Махачкъала, 2001.
2. Ахмедов С.Х. Лакрал литературалул тарих. II том. Махачкъала, 2006.
3. Аминов М.-З. Лакрал муқъяссаса махъ. Махачкъала, 1995.
4. Ахмадов С.Х., Хъассиев А.Ю. Дагъусттннал литература (педучилищалунсса учебник). Махачкъала, 1992.
5. Халилов Х.М. ПартIу ПатIима. Махачкъала: Дагъучпедгиз, 1972.
6. Парту Патима: народный эпос / На лак. яз., рус. яз. – Махачкъала: ИД «Эпоха», 2010. (Сер. «Величие души»)
7. Магьдиева П.М. Муқъулчинмур классраву лакрал литература лахъхъаву. Махачкъала, 1984.
8. Магьдиева П.М. Лакрал литературалул дарсирдай халкъуннал дакIнихсса творчество лахъхъаву. Махачкъала, 1990.
9. Магьдиева П.М. Ххюлчинмур классраву лакрал литература лахъхъаву. Махачкъала, 2018.
10. Магьдиева П.М. Ряххулчинмур классраву лакрал литература лахъхъаву. Махачкъала, 2021.
11. Магьдиева П. М. Дуклаки оьрч1ру лакрал литературалул дарсирдай адав-инсан дуну тарбия баву. Махачкъала, 2020.
12. Лакрал литературалул учебникуру.

Оърус мазрайсса

1. Ахмедов С.Х. О современной лакской литературе. Махачкала: Дагкнигоиздат, 1975.
2. Ахмедов С.Х. На путях развития дагестанской прозы. Махачкала: Дагкнигоиздат, 1975.
3. Ахмедов С.Х. Социально-нравственные ориентиры дагестанской прозы. Махачкала: Дагкнигоиздат, 1990.

4. Аминов М.-З. Тенденция развития дагестанского стихосложения. Махачкала: Дагкнигоиздат, 1974.
5. Акимов К.Х. Вопросы методики преподавания дагестанской литературы в IV-XI классах с русским языком обучения. Махачкала: Дагучпедгиз, 1981.
6. Гусейнаев А.Г., Кассиев Э.Ю. Очерки лакской советской литературы. Махачкала: ДФАН, 1964.
7. Голубков В.В. Методика преподавания литературы в средней школе. М.: Учпедгиз, 1995.
8. Дагестанская литература во взаимодействии с литературами народов СССР. Махачкала: ДФАН, 1985.
9. Дагестанские лирики. Л.: Советский писатель, 1961.
10. Дагестанская народная проза. Сборник. Махачкала: ДФАН, 1979.
11. Методика преподавания литературы. Под редакцией З.Ф. Резь. М.: Просвещение, 1985.
12. Мещерякова Н.Я. Нравственное воспитание на уроках литературы. М.: Просвещение, 1975.
13. Никольский В.А. Методика преподавания литературы в средней школе. М.: Просвещение, 1991.
14. Карпов П.К. Выразительное чтение дагестанской литературе. Махачкала: Дагучпедгиз, 1989.
15. Колокольцев Н.В., Владимиров Е.Д., Русина Н.С. Методическое руководство к хрестоматии русской литературы для 7 класса национальных школ. М.: Просвещение, 1988.
16. Зепалова Т.С., Мещерякова Н.Я. Методическое руководство к учебнику- хрестоматии «Родная литература для 7 класса». М.: Просвещение, 1999.
17. Поэтика художественного текста на уроках литературы: Сб. ст. / Отв. ред. О.Ю. Богданова. – М.: 1997.

18. Беленький Г.И. Методическое руководство к учебнику-хрестоматии «Родная литература для 7 класса». М.: Просвещение, 1986.
19. Мальцева К.В., Бакеева М.М. Методическое руководство к учебной хрестоматии «Русская литература для 7 класса национальных школ». Л.: Просвещение, 1985.

Магдиева Пиразат Магомедовна

**Методика изучения лакской литературы в седьмом классе
общеобразовательной школы**

Редактор – Мутаева С. Р.

Корректор – Магдиева П. М.